



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format


**Adapt** — remix, transform, and build upon the material

Ling

224



A 654.



157  
P-91

4

Լար  
224

Բժ. Ն. ԲՈՒԳՈՒՂԵՆ.

A 654. 2000

# ՍԵՐ ԵՒ ԽԱՆԴ



602



ԹԻՖԼԻՍ  
Տպարան ՀԵՐՄԷՍ, Մադարեան փողոց, № 15.  
(49) 1904



9178-ՊԿ

Дозволено цензурою, Тифлисъ, 11-го Сентября 1904 года.



(6236)  
41

2 թ. 225

224-2001

Հետևելով ձեր տուած խորհրդին, թանկազին բարեկամ, ես վերջապէս վճռեցի հրատարակել իմ նամակները, որ ուղղել եմ ձեզ զանազան ժամանակ:

Այն, դուք միանգամայն իրաւացի էք նկատում, որ անմիտ սէրը անտեղի խանդի հետ միացած, մի հանրամարդկային չարիք է, որ անողորմ կերպով հարուածում է հասարակական կեանքը ամեն տեղ:

Ուր որ առօրեայ կեանքը զիտութեան հետ ներգաշնակ չէ առաջ գնում, այնտեղ բնական է քայքայումը, աւերումը: Եւ այս խոշոր պակասութիւնը, ինչպէս դուք էլ իրաւամբ շեշտել էք, շատ խիստ աչքի է ընկնում, մանաւանդ մեր ժողովրդի մէջ:

Մի ժողովուրդ է դա, որ զարմանալի անտարբերութեամբ ապրում է բոլորական տալանութիւնների տակ, անզուսպ ու կոյր կրքերից զրդուած՝ առաջնորդուած է անապահական բռնազգներով, ամբողջովին թաղուած է անհատական կամայականութիւնների մէջ:

Հասարակական կեանքի սր կողմն էլ նայեա, կտեսնես միայն մանր ու խոշոր պակասութիւն-



ներ. խաբէութիւն, կեղծաւորութիւն, ազմուկ ու  
 չնչի համար, կեղծիք... մի խօսքով կրքեր, որոնց  
 ինքներս չենք հաւատում, բայց ձգտում ենք, որ  
 ուրիշներին հաւատացնենք:

Սրտի ցաւով պէտք է խոստովանել, որ այս-  
 օրուայ մարդը այս բոլորը վայելում է խկական,  
 բնական կեանքի փոխարէն:

Առանց սիրոյ կեանքը կեանք չէ. առանց սի-  
 րոյ կարելի չէ ապրել:

Ճշմարիտ սէր է հարկաւոր, ճշմարտապէս  
 սիրել է հարկաւոր, որ կեանքի մէջ ազատ շունչ  
 քաշես ամբողջ կրծքով, որ հասկանաս, թէ հեռու  
 ես ամեն տեսակ չնչին ու դատարկ բանից, որ  
 կարողանաս կաթիլ կաթիլ հաւաքել լաւը, ազնի-  
 ւը, ուժեղագոյնը, որպէսզի այդ բոլորը ապա-  
 գայում ձուլես քո սիրած էակի անձնաւորու-  
 թեան մէջ և ստանաս նոյնպէս սիրող ու սիրու-  
 ած էակ:

Ահա թէ ինչ է վայել մարդուն ինչպէս նշա-  
 նաբան:

Կենսունակ լինելու, տեղական կեանք ու-  
 նենալու համար մեր ժողովրդին հարկաւոր է զի-  
 տութեան վերջին խօսքը, խօսք, որ հիմնուած  
 լինի բազմաթիւ փորձերի, խոր ուսումնասիրու-  
 թիւնների և առողջ դատողութեան վրայ:

Այդ խօսքը թող քահանան տայ իր հօտին,  
 գրողը իր ընթերցողին, ուսուցիչը իր աշակեր-  
 տին, ծնողը իր զաւակին և ամենքը միասին՝ հա-  
 սարակութեանը: Բայց միայն ոչ լոկ խօսք, այլ

գործ, անձնական օրինակներ: Եւ այս բանը բա-  
 րի ցանկութիւն չպիտի համարել, այլ սուրբ պար-  
 տականութիւն:

Այդ ժամանակ իրաւունք կունենանք յուսա-  
 չու, թէ մեր հասարակութիւնը կը զարթնի, կը  
 շարժուի, կը մբռնէ ժամանակի առաջագէժ ոգին  
 և յետ չի մնայ ժամանակի ոգուց:

Թող ուրեմն, թանկագին բարեկամ, այս նա-  
 մակները դառնան ջրի փոքրիկ կաթիլ ծարաւ-  
 ների համար: Ծարաւները անընդհատ «Ղճւր,  
 Ղճւր» են կանչում, բայց ոչ ոք չկայ, որ թաց  
 ձկոյթը մօտեցնէ նրանց բերանին:

ԲԺ. Ա. Բ.

Մայիսի 5, 1904 Ս.

Պետերբուրգ



Նա կամ ծիծաղում էր, կամ լաց լինում, քնում էր և վարթնում յանկարծ, նրա գէմքը կամ յանկարծ սպրտնում էր, կամ ծածկւում էր ալկարմիր գոյնով:

Յաճախ, մենակ մնալով, նա ասում էր իրան. ես հիւանդ եմ, բայց չգիտեմ, թէ ինչ հիւանդութիւն ունիմ:

Նա տանջւում է, բայց նրա մարմնի վրայ վէրք չկայ, նա տխուր տրտում է, բայց նրա վիշտը, ըստ երևոյթին, ոչ մի պատճառ չունի:

Նա ամբողջապէս այրւում է, նոյն իսկ այս դրախտի նման այգու զով ստուերի մէջ:

Քանի անգամ նրան ճանկուել է փուշը, և նա չէ լացել, քանի անգամ մեղուները խայթել են նրան, և նա դրանից ուտելու ցանկութիւնը չէ կորցրել:

Նշանակում է, որ այս բոլորից ուժեղ է այն ցաւը, որ այժմ հարուածում է նրա սիրտը:

Այսպէս հառաչում և նեղւում էր մեր խեղճ ծանօթը, չկարողանալով ասել, որ դա սէր է:

Կերակուրը բերանին մօտեցնելով, նա հազիւ էր նրա համն առնում. երբ խմում էր, հազիւ էր շրթունքները կպցնում բաժակի ծայրերին:

Նա, որ մի ժամանակ խօսող էր, հանդարտ է այժմ և մռայլ, նա, որ մի ժամանակ չարածճի երեխայի պէս կայտառ էր, այժմ անշարժացել է:

Նրա գործերը մոռացուել են, սրինդը ընկած է և այլ ևս ձայն չէ հանում:

1.

Յունիսի 5-ին:

«Սէրը յախճենական է և անմահ»

Թանկագին բարեկամ.

Այսօր մենք հանդիպեցինք մեր ընդհանուրիս ծանօթին և չկարողացանք ճանաչել նրան, այնքան նա փոխուել է:

Մեր հանդիպումը տեղի ունեցաւ կապոյտ ծովի մէջ բարձրացած կանաչագարդ կղզու վրայ, ուր մենք այնքան յաճախ զմայլւում էինք բնութիւնը դիտելով և երկար երկար խօսում էինք, զրոյց անում:

Մեր ամբողջ ընկերական շրջանը զարմանքով իմացաւ, որ մեր ծանօթը սիրահարուած է և սիրւում է...

Եւ իրաւ, նրա հոգին նեղուած էր, հայեացքը ցրուած, յաճախ արտասանում էր իր համար թանկագին անունը. համարեա չէր ուտում: Անքուն գիշերներ է անցկացրել, մոռացել է իր գործերը:



Եւ նրա դէմքը գունատուել է ինչպէս խոտը դաշտերում՝ ամառուայ տօթերի ժամանակ...

Բայց նա, ով իր կեանքում ենթարկուել է սիրոյ այդ ծանր հիւանդութեան և ով ազատուել է նրա լծից, կհամաձայնուի թէ ինչքան վտանգաւոր, ինչքան խենթ գգացմունք է դա և, միևնոյն ժամանակ, ի՞նչ երջանկութիւն է, ի՞նչպէս է հոգին քաղում և ի՞նչպէս է ազնուացնում հոգին...

Սա մեր կեանքի մէջ մի անազին երևոյթ է, որ աւելի շատ ուրախութիւններ և տանջանքներ է տալիս, քան ուրիշ որևէ բան բնութեան մէջ:

Մենք ամենքս մութ կերպով ճանաչում ենք սէրը ինչպէս մի մեծ և քաղցր խորհուրդ, մենք նրան փափագում ենք, բայց մեր յարաբերութիւնները դէպի այդ կիրքը չենք ենթարկում բանականութեան, և այդ պատճառով էլ սէրը այնքան խելառ մի բան է, և փոխանակ երկնային քաղցրութիւններ տալու, յաճախ դժոխքից էլ վատ է տանջում:

Յիշեցէք թէ այդ կրքից մարդկանց ի՞նչ անթիւ բազմութիւն է տանջում աշխարայ, և, աւելի յաճախ, ծածուկ:

Յիշեցէք սիրահարուածների կենսական յարաբերութիւնների կատարեալ քայքայումը, թէ ինչպէս քայքայում են նրանց զործերը, ինչպէս նրանք յաճախ մոռանում են բարոյական պարտականութիւնը, մոռանում են ամեն ինչ այս աշխարհի վրայ, և այս բոլորը այն, մեծ մասամբ

վաղանցուկ, երջանկութեան համար, որ յաճախ ցնորք է միայն:

Յիշելով այս բոլոր այրող տանջանքները, ակամայ մի խորին խղճահարութիւն է զարթնում դէպի զոհերը:

Այսպէս թէ այնպէս, սիրահարուած և սիրուող մարդը երջանիկ է, լինի նա տղամարդ թէ կին:

Սէրը նման է ուրուականի, որովհետև շատերը չեն իմանում, թէ ի՞նչ է իսկական սէրը:

Մարդու ամենաողորուած հանճարը թէ բանաստեղծութեան, թէ թատրոնի, թէ նկարչութեան, երաժշտութեան, քանդակագործութեան մէջ գեռ համարեա ամբողջովին նուիրում է սիրոյ նկարագրութեան. սէրը, այսպէս թէ այնպէս, մեր բոլոր խաղերի և զուարճութիւնների մէջ է արտայայտում. նրա նուրբ շունչը զգացում է ամեն տեղ, ամեն մի անկիւնում:

Վիպագրողները, բանաստեղծները, ոգևորուած մարդիկ շարունակում են ոգեշունչ օրհներգներ նուիրել սէրին, իսկ գատաստանական պաշտօնեաները համարեա օր չէ լինում որ բաց չանեն նոր և նոր փաստեր, որոնք հաստատում են այն խայտառակութիւնները, այն յուսահատութիւնը, այն յանցանքները, որոնց ծնողն ու սնուցանողը սէրն է, մէկ էլ նրա ուղեկից խանդոտութիւնը:

Բանաստեղծները երջանիկ սէրը նկարագր-



ըում են ջահիլ և չքնաղ կնոջ կերպարանքով, և բանաստեղծները գուցէ և իրաւունք ունեն. իսկ բժշկի և դատաւորի առջև այդ կիրքը հանդէս է գալիս իր ուղեկիցներով — խելագարութիւն, ինքնասպանութիւն, թոկ, խէնջար, ատրճանակ, ծրծմբային լուցկիներէ տուփ և այլն:

Մի գիտնական ասում է, որ սիրահարուածները կուգէին ուտել, լափել միմեանց, մարմնանալ, թափանցել մէկը միւսի մէջ բոլոր ձևերով և տեսակներով:

Եւ ահա, երբ այդ պահանջը մնում է անկատար, սիրահարուածները խոր և ծանր տանջւում են, որովհետեւ նրանցից իւրաքանչիւրը ըզգում է իրան կիսատ, կէս-կատար առանց միւսի:

Սէրը իր բնութեամբ մի եղակի զգացմունք է աշխարհիս վրայ, նա ձգտում է հնար եղածին չափ սերտ կապ հաստատելու, նա պահանջում է, որ իր առարկան կատարելապէս իրը լինի, ձրզտում է յաւիտենական միացման:

Սիրուողը կուլ է գնում սիրողի մէջ և սիրողը սիրուողի մէջ:

Սիրահարուածի միտքը կենտրոնանում է սիրելի մարդու շուրջը. սրանից է, որ նրան տիրելու երջանկութիւնը այնքան անհուն մեծ է երևում. սրանից և այն, որ բաւարարութիւն չըստացած սէրից առաջացած տանջանքը այնքան անհուն սոսկալի է երևում:

Երեակայութիւնը, ամբողջովին կլանուած մի

մտքով, մի առարկայով, երջանկութիւնն էլ, տանջանքն էլ ներկայացնում է անհաշիւ չափազանցրած չափերով:

Երջանիկ սիրահարը մի անկեղծ զարմանքով հարցնում է իրան, թէ ինչպէս էր կարողանում ապրել աշխարհում այն ժամանակ, երբ դեռ չէր ճանաչում իր պաշտելի առարկան. նրան թւում է, թէ հէնց որ անհետանայ այդ առարկան, անհնարին կլինի որ ինքն ապրէ:

Եւ ճիշտ այսպէս էլ լինում է, տարաբախտաբար:

Սիրահարուած ինքնասպանների թողած նամակներում համարեա անխուսափելի են լինում այսպիսի խօսքեր.

«Կեանքը առանց նրան անտանելի է, ես աւելի լաւ եմ համարում մեռնել»:

Կեանք տեսած մարդիկ գիտեն, որ դառնութիւններով լի է կեանքը. այն դառն դեղհատների անսպառ պաշարի մէջ, որ կեանքը մատուցանում է խեղճ մարդկութեան, քիչ չեն գտնուի այնպիսիները, որոնք դժբախտ սէրից թունդ են:

Բայց երիտասարդը դեռ փորձ չէ ունեցել այս ճշմարտութիւնը ճանաչելու համար:

Ամենամօտիկ դառնութիւնը, որ սպառնում է նրան, անբաղդ սէրն է. և որովհետեւ բոլոր տպաւորութիւնները անհամեմատ շուտ և խիստ են դրոշմւում երիտասարդի մէջ, ուստի վշտի այս առաջին կենսական ալիքը բռնում է նրան



մի անսահման թափով, դնում է նրա առջև հարց-  
լինել թէ չլինել:

Ահա թէ ինչու երբեմն միայն մի հատիկ  
վախը՝ թէ ամուսնութիւնը սիրած անձի հետ կա-  
րող է խանդարուել, կատարելապէս շշմեցնում է  
երիտասարդ սիրահարին և հասցնում է նրան լի-  
ուլի անյուսուլթեան, որ և հրում է նրան դէպի  
ինքնասպանութիւն:

Մի երիտասարդ նշանախօսութիւն էր սկը-  
սել, բայց աղջկայ ծնողները իրաւացի կերպով պա-  
տասխանեցին նրան. «Սոխակը առաջ բոյն է շի-  
նում և յետոյ միայն սկսում է երգել. այսպէս էլ,  
ուրեմն, և դու. առաջ տուն տեղ դիր, ապա կը-  
ստանաս մեր աղջկան»:

Բայց այս «սոխակը» չուզեց բոյն հիւսել,  
չուզեց սպասել և էլ գործը չերկարացնելով, վերջ  
տուեց իր կեանքին:

Հասարակ ժողովրդի մէջ այսպիսի անակըն-  
կալ պատահարները յաճախ բացատրւում են իբրև  
չարքերի և կախարգութեան գործեր, որովհետև  
այդ ժողովրդի հայեացքները հին են, նախնական:

Դեղդեմոնայի հայրը նոյնպէս չէ կարողա-  
նում հասկանալ, թէ ինչու իր գեղեցկուհի աղ-  
ջիկը սիրահարուեց ծեր ու սև մալրի վրայ և  
գտնում է այն բացատրութիւնը, թէ դա կախար-  
գութիւն է:

2.

Յունիսի 12-ին.

Թանկագին բարեկամ.

Ես գրեցի, որ մեր ծանօթը սիրահարուած  
է և ժամանակ առ ժամանակ շատ տխուր տրտում  
է: Այս բանը շատ պատճառներ ունի, և բաւական  
ծանրակշիռ պատճառներ:

Նրա տխրութեան պատճառը մէկն է այն  
հրատապ հարցերից, որոնք, մանաւանդ մեր ժա-  
մանակ, ստացել են մի առանձին նշանակութիւն,  
քանի որ մեր օրերում սուր կերպարանք է ըն-  
դունել անձնական բարոյականութեան հարցը,  
որ և այսպիսով արժանի է բազմակողմանի ուշա-  
դրութեան:

Այդ հարցը սեռական բարոյականութեան  
հարցն է, այսինքն այն, որ թէ ազամարդի և թէ  
կնոջ համար պարտաւորական է մինչև ամուսնու-  
թիւնը կուսութիւն պահպանել:

Երիտասարդը սիրում է օրիորդին, սիրում է  
սաստիկ, վառ կրքով, իր սիրածի հետ միանալու  
միտքը երջանկութիւն է լցնում նրա մէջ: Ինչ-  
պէս ձեզ յայտնի է, մեր սիրահարը, մի վերին  
աստիճանի ազնիւ երիտասարդ, հարցը գրել է  
կարուկ և վճռական կերպով. Հնայած որ խորա-  
պէս սիրում է, նա ժամանակ առ ժամանակ մը-



տածում է հրաժարուել իր հարսնացուին առաջարկութիւն անելուց, որովհետեւ նա մինչև ամուսնանալը կապ է ունեցել կնոջ հետ:

Պատրաստուում է վերջ դնել իր կեանքին, որովհետեւ ոյժ չունի տանելու այն միտքը, թէ ինքը, այսպէս ասած, ֆիզիկապէս անմաքուր է, կապ է ունեցել կնոջ հետ... առանց սիրելու:

«Ես չեմ կարող քո ամուսինը դառնալ, չնայած, որ խելակորոյս սիրում եմ քեզ. ես կամքիս բոլոր ջանքերը դորձ դրի, որ լցնեմ մեզ բաժանող վեհը: Ի դուր...»

«Ես անկարող եմ յաղթահարել իմ զգացմունքները. քեզ հետ իմ կեանքը կլինէր յաւիտենական կեղծիքի մէջ ընկղմուել:»

Այս էր գրում մեր սիրահարը իր իղէալին:

Այսպիսի խոստովանութիւնը պիտի յարուցանէր օրիորդի մէջ բոլորովին բնական զգացմունք, խառնուած յուսահատութեան, հիասթափութեան, բարկութեան և խանգոտութեան հետ: Բայց անկեղծ սիրող և խելացի օրիորդը կարող էր պատասխանել ֆրանսիական բանաստեղծի խօսքերով. «Իմ սէրը կվերադարձնէ քեզ անմեղութիւնդ»:

Երիտասարդը այնքան յաճախ երդում էր օրիորդի մօտ, թէ ինքը մինչև նրան պատահելը չէ սիրել ոչ մի կնոջ:

Այժմ նա բաց է անում իր ամբողջ անցեալ կեանքը, որ, ինչպէս և նրա շրջանի մարդկանց մեծամասնութեան կեանքը, բոլորովին մաքուր չէր: Հարսնացուի սարսափը պիտի աճէր—նրա

նշանածը վարել է տղամարդկանց մեծամասնութեան, այսպէս ասած, սեռական կեանքը:

Հեշտ կտրատուող կապեր, որոնք չէին ամրացրուած զգացմունքների ոչ մի հանգոյցով, փողով դնուող սէր իր անխտրական անտանական բնագոյներով,—այսպէս էր երիտասարդի կեանքը, որի մէջ վատնուում էր ամենաբարձր բանը:

Նա դէն շարտեց իր մաքրութիւնը, ինչպէս թղթի մի կեղտոտ կտոր, նա երբէք չէր էլ իմանում այդ մաքրութեան զինը:

Ոչ մի անգամ չմտածեց նա, թէ այն էակը, որ երբ և իցէ կնուիրուի նրան մի կատարեալ մաքուր անձնուիրութեամբ, ինչպէս կեանքի յաւիտենական ընկերուհի, կարող է պահանջել նրանից այդ մաքրութիւնը, քանի որ ինքը մաքուր է:

Միայն այժմ է նա մտածել ու հասկացել, որ տղամարդու և կնոջ համար հարկաւոր է միանման բարոյականութիւն: Այժմ նրան նոյն իսկ վրդովում են այն պայմանները, որոնց մէջ անցնում է տղամարդկանց մեծամասնութեան կեանքը մինչև ամուսնութիւնը և բոլորովին ճիշտ նկատում է, որ ապահովուած դասակարգերի մէջ այդ երեւոյթը յաճախ է պատահում, քան աղքատ դակարգերի մէջ, ուր տղամարդիկ վաղ են ամուսնանում:

Մեր ընկերները համոզեցին սիրահարին, որ ինքնագոհութեամբ լի մի կեանքն էլ կարող է անցեալի վրկանք դառնալ:



Անկասկած, կոշտ ու կոպիտ հայեացքների տէր մարդիկ կծիծաղեն մեր սիրահարի վրայ, նրա անիրագործելի երևակայութիւնների վրայ. բայց այս ծիծաղը ոչինչ չէ ապացուցանում:

Սակայն «ապագայի հրաշակերտ, աւելի մաքուր, կուսական շէնքի համար» անհրաժեշտ են միանգամայն կանոնաւոր կրթուած, երկաթէ կամք և բնաւորութիւն ունեցող անհատներ, որոնք ընդունակ կլինեն տանել կռիւը այդ ապագայի համար, դիմանալ կեղծիքով, հարստահարութեամբ և խաբէութեամբ լի ներկայ կեանքի ծանր ճնշումին:

Կայ մի կոպիտ հիմնական սխալ մեր սիրահարուած հերոսի մտածութիւնների մէջ. նա, ինչպէս մի կատարեալ ֆանատիկոս, ամբողջ կեանքը և բարոյականութիւնը բերել գրել է «ֆիզիկական մաքրութիւն» գաւանանքի մէջ:

«Անօգուտ է զղջումը, երբ կորցրուած է մաքրութիւնը», այսպէս վճռում է, այո, ֆանատիկոսը, տանելով իրան դէպի խարոյկ, մի սուրբ հաւատով, թէ կրակը ամենալաւ միջոցն է մեղքի դէմ կամ այն բանի դէմ, ինչ նա մեղք է համարում:

Փորձենք մի քիչ քննել մեր հերոսի այն գաւանանքը, թէ սեռական մաքրութիւնը կեանքի գլխաւոր կէտն է, և ով կորցրել է այդ մաքրութիւնը, նա պրծած կորած մարդ է:

Նրա համար, ինչպէս խեղճ Մարգարիտի համար, չկայ փրկութիւն, նրան յաւիտեան պիտի հալածէ վրդովուած խղճի ձայնը. «գու կորած ես»:

Բարձրագոյն դատարանը, անձայն, ինչպէս յայտնի է, արգարացնում է Մարգարիտին: Մեր մեղաւորի համար էլ գուցէ կգտնուի եթէ ոչ արգարացում, գոնէ ներում ստանալու իրաւունք:

Այդ մեղաւորը կարող էր ցոյց տալ, որ ինքը, ինչպէս այդ լինում է շատ և շատ դէպքերում, աւելի մի անգիտակից մեղաւոր է, որ ընկնում է դեռ այն ժամանակ, երբ բողբոլվին չէ գիտակցում այն, ինչ կատարում է, երբ նա չափազանց թոյլ ու կամագուրկ է և չէ կարող յաղթահարել բնազդի և կրքի այրող ոյժը:

Նա կարող էր մատնանիշ անել և՛ այլանդակ գրուած կրթութիւնը, և՛ այսպիսի արգարացի մտքերը. «Ազատ ընկերական յարաբերութիւնները տարբեր սեռերի անձանց մէջ դեռ մինչև այժմ դատապարտուած են ինչպէս մի ինչ որ արգելուած բան, սրտնով այդ յարաբերութիւններին տալիս են մի առանձին չքնադութիւն և դարձնում են նրանց ինչ որ գայթակղեցնող և վտանգաւոր բան»:

Վախենում են, թէ այդ բարեկամութիւնը կարատաւորէ բարի անունը, թէ բամբասանքների ճահիճը կը կլանէ շահիլ աղջկան և նրա մաքրութիւնը, այն մեծագոյն գանձը, որի տէրն է նա, կը կեղտոտուի նախապաշարմունքի ազդեցութեան տակ...

Տղամարդու և կնոջ յարաբերութիւնների մէջ շատ սաստիկ, համարեա անբարոյականութեան հասնող թափով շեշտուած է սեռական հանգա-

6236  
41  
նշ - 2004





մանքի վայրկեանը. և այս բանի մէջ քիչ մեղաւոր չէ սեռերի անշատման սխտեսմը:

Երանի այն սերնդին, որ երբ և իցէ կրհասնէ լաւագոյն, աւելի առողջ ժամանակների:

Այստեղ կարելի է ցոյց տալ և տնտեսական պատճառների սարսափելի ոյժը, պատճառների, որոնք աւելի ու աւելի երկարացնում են ամուսնութեան մէջ մտնելու ժամանակը. կարելի է ցոյց տալ և կեանքի անկարգութիւնները, քաղաքային այն անառողջ մթնոլորտը, որ այնքան մաքուր և լաւ ոյժեր է ոչնչացնում:

Բայց վերջի վերջոյ, անկասկած, այս բաները չպիտի դառնան արդարացուցիչ հանգամանքներ մեր հերոսի համար:

Ճիզիկական մաքրութիւնը դեռ հոգեկան մաքրութիւն չէ. մենք բաւականաչափ բաներ ենք տեսել, որպէսզի կարողանանք որոշել թէ որտեղ է մէկի և միւսի սահմանը:

Այն չէ պղծում մարդուն, ինչ մտնում է նրա բերանը, այլ այն, ինչ գուրս է գալիս նրա բերանից:

Ոտք չը կայ, երջանիկ է, նախանձի և յարգանքի արժանի է նա, ով կարողանում է բարձրանալ մինչև ճշմարիտ հոգեկան մաքրութիւն հասկանալը, պահպանելով միևնոյն ժամանակ և՛ մարմնական մաքրութիւն. — այսպէս պիտի լինի ազատ անձնաւորութեան իդէալը:

Մեզ թւում է, թէ անկեղծ զղջացող փեսացուն, որ պատրաստ է ինքնագոհութեամբ լի մի

ամբողջ կեանքով քաւել իր մեղքը, աւելի բարձր է և մաքուր այժմ, քան երբ նա մարմնով աւարատ էր, ինչպէս նորածին մանուկ:

Բայց էլի լաւ է պահպանել մաքրութիւնը մինչև ամուսնութիւն, որովհետև այդ մաքրութիւնը հարկաւոր է երեխաների սպազայ սերնդի առողջութեան համար:

3.

Յունիսի 19-ին.

Թանկագին բարեկամ.

Սխալների և անկման դժուար և ծանր ճանապարհով մենք գնում ենք բարձրագոյն դատաստանի իրաւունքը, կեանքի բարձր հասկացողութեան իրաւունքը: Եւ մեր հերոսը, որ անդառնալի կերպով դատապարտել է այդ կեանքը, թէ և ուշ, ունի նոյն իրաւունքը:

Անօգուտ է նրա գոհը, քանի որ դա չէ բըղխում անհրաժեշտութիւնից և ուրիշների բարօրութեան համար գոհուելու գիտակցութիւնից:

Հեշտ կարող է այսպէս դատել նա, ով չէ եղել սխալների մէջ, անկման մէջ, ով երբէք անձնական կեանքի նեղլիկ շրջանից չէ գուրս եկել կեանքի պաշքարի ասպարէզը, որ լիքն է աշխատանքով, ընդհարումներով և սխալ գործողութիւններով:



Մեր հերոսը հազիւ-հազ տարաւ առաջին, բայց ոչ ամենածանր հարուածը, որ յաճախ հասցնում է անխնայ ճակատագիրը, ուզում էր և պատրաստուում էր իր թեթեամբ մահով ապացուցել, որ ինքը կատարելապէս անպէտք է կեանքի համար:

Բայց ի պատիւ նրա ասեմք, որ նա քաջաբար տարաւ այս առաջին հիասթափումը, հասկացաւ այն ճշմարտութիւնը, թէ կեանքի մէջ ամեն ինչ վճռողը «սեռական բարոյականութիւնը» չէ, որքան էլ նա ինքնըստինքեան կարևոր լինի:

Այս էլ մեզ համար մի ահազին քայլ է դէպի առաջ, որ մեր հերոսը մի անգամ էլ առիթ տուեց խօսելու «բարոյական հաւասարութեան» մասին:

Մեր հերոսը, անդառնալի կերպով դատապարտելով տղամարդուն, որ նա կորցնում է կուսութիւնը, ուզում էր, թէև ուշ, իր արիւնով, իր կեանքով քաւել իր սխալը, և պահանջում է միանման բարոյականութիւն թէ տղամարդու և թէ կնոջ համար: \*)

\*) Անգլիայի շատ քաղաքներում գոյութիւն ունեն պոռնկութեան, որպէս սօցիալական մի շարիքի դէմ, կռուող ընկերութիւններ:

Նրանք անուանում են բարոյական կատարելագործութեան ընկերութիւններ: Կազմում են ատանձին շրջաններ հինգ-եօթը հոգուց, ինքնապարգայման, ինքնակրթութեան և կատարելագործման համար: Նրանց գլխաւոր պարապմունքներից մէկն է ծանօթութիւն

Այս տեսակ մարդիկ արդէն մի մեծ նշան են, որ գազանը դեռ վերջնականապէս չէ յաղթել, որ չէ մեռել լուսաւոր ոգին մարդու մէջ: Եւ գուցէ երբ և իցէ նա կը ջարդէ օձի գլուխը:

Ո՞վ է մեղաւոր և ի՞նչպիսի մարդ համարենք մեր հերոսին, որ առաջին անգամ զգաց կենդանու այն ամբողջ ոյժը, որ թաղնուած է նրա մէջ, զգաց և այն, թէ որքան ինքը անդօր է մեն-մենակ գործ ունենալու նրա դէմ:

Այս հարցը հասցնում է նրան յուսահատութեան և մեռնելու միտքը երևում է նրան իբրև միակ միջոց անտանելի ճանճրոյթից և կատարեալ գիտակցութիւնից ուրախութեամբ ազատուելու համար:

Մեր հերոսը, կարելի է ասել, մի սովորական երևոյթ է, որի նմանները առնուազն ինչնըսուն տոկոսն են կազմում մեր հասարակութեան միջին շրջանների մէջ:

Նա մեր զուտին է և այդպիսի գաւակներ ահազին մեծամասնութիւն են կազմում. իսկ նրա փոքրիկ տխուր պատմութիւնը մեր բարձրի փառաւոր պատկերն է:

Մեր հերոսի բոլոր ընկերները, ի հարկէ, չեն զգում իրզի խայթեր իրանց ֆիզիկական անկումից, որ տեղի է ունենում մինչև ամուսնանալը:

«սեռական բարոյականութեան» հիմքերին: Եւ իրաւ, երիտասարդութիւնը կատարելապէս գիտակցաբար ուզեւորում է կուսութեան ոգով, որ միանման բարոյականութիւն է ընդունում տղամարդու և կնոջ համար:



Այդպիսիներէ թիւն էլ շատ մեծ է: Բայց դրանց համար էլ գոյութիւն ունեն գանազան ծանր տևողական հիւանդութիւններ, որոնք ազդում են նրա վրայ և նրա սերունդներէ վրայ:\*)

Ո՞րքան տանջանքներ են կրում նրանք: Ո՞րքան աղջատուած բնաւորութիւններ, հիւանդոտ հետեանքներ են առաջանում այն բանից, որ մենք անկեղծ չենք, արդար չենք ինքներս մեզ հետ և մեր երեխաների հետ:

Ծնողները, երբ որդիները ծանր բուժանքներին դիմում են նրանց, թէև հասկանում են թէ ինչ-որ մի ողբերգական բան է կատարւում էրանց գաւակներէ հոգու մէջ, բայց չեն կարողանում մարդկայնաբար մօտենալ նրանց, ցոյց տալ այն սէրը, որ չէ վախենում ցեխից այս չափազանց կենսական հարցերի մէջ:

Այս դէպքում էլ մենք թափառում ենք մշուշի մէջ մնայլ ու լուռ, յօժարութեամբ հաւատում ենք, որ ամեն ինչ լաւ է գնում, թէև գիտենք, որ կեղծում ենք: Մեզ ուրախացնում է այն մշուշը, որ ծածկում է ճշմարտութիւնը:

Մենք պարտաւոր ենք անպատճառ նայել կեանքի այս անկիւնին, ուր ամեն ինչ այնպէս բարեյաջող ու լաւ չէ գնում: \*)

Եւ այդ անկիւնը թարմացնող միջոցորտ մըտցնողները այն հերոսներն ու հերոսուհիները չը

\*) Տես իմ «Վեներական ախտեր» և «Միֆիլիս» գրքերը:

պիտի լինեն, որոնք քարոզում են մարմնական մաքրութիւն, ինչպէս կեանքի երջանկութեան և բարոյականութեան առաջին և զլիսաւոր պայման:

Ընդհակառակն, այնպիսի խօսքերը՝ թէ «զըզ-Չումը չի օգնի, երբ մաքրութիւնը կորցրուած է», կարող են դժբախտ մեղաւորներին անդառնալի կերպով մղել դէպի անառակութիւն: Իսկ դրանք, այն, աւելի դժբախտ մարդիկ են, քան արատաւոր. և չէ կարելի ասել, թէ անընդունակ են դուրս գալու անկման անդունդից և մաքրուելու:

Ինչ կորցրուած է, նա կորած է, խօսք չկայ: Բայց չկայ անկում, որի համար փրկութիւն չը լինէր:

Եւ փրկութեան համար ամենից առաջ հարկաւոր է սէր, որ այս ու այն կողմ չէ նայում և ցեխից չէ վախենում:

Մեր հերոսը հանդիպեց «նրան» և հէնց առաջին անգամից կարծես փառք քաշուեց նրա աչքերից: Նրա ընտրեալը, կարծես մի ինչ-որ կախարդութեամբ, մարդուց դարձաւ մի ինչ որ առանձին, կասես աստուածային էակ:

Թող դա լինի ցնորք, կրքի ներշնչման շագ՝ դած տեսողական պատրանք, բայց ինչ էլ լինի, այդ ցնորքը գերող, յափշտակող է:

Ինչպէս խելագար ժլատը ղեղնապղնձի կոճակները ոսկու տեղ է ընդունում, ինչպէս մեծութեան վրայ ցնորուածը կարծում է, թէ իր գրաւը թագ է, այնպէս էլ սիրահարը անկեղծ կերպով, կրակոտ կրքով ընդունում է իր սիրոյ ա-



ուարկան ինչպէս մի կատարեալ էակ, երկնքից ուզարկուած մի լուսափայլ բան:

Ո՞վ գիտէ, գուցէ կիրքը, խաշխաշի նման, այն աստիճան լարում է սիրահարի հոգին, որ սա ըսկսում է տեսնել սիրուած առարկայի մէջ ոչ միայն մարմին, այլ աստուածային և անմահ ոգի, որ միայն գեղեցիկ է, որ միայն արժանի է սիրոյ և վերածնում է սիրահարին:

Մարդը թուում է անսահման սիրուն, գրաւիչ և հրաշալի. նա ուզում է երկրպագել նրան, գմայլուել նրանով, հոգով անձնատուր լինել նրան:

Անասելի հրճուանքով լցւում է նրա սիրտը, երբ միտն է բերում նրան: Նա ամեն ինչ է, նա աշխարհ իջած Աստուծու նման մի բան է:

Զգում է, որ գտնուած է կեանքի նպատակը, որ իրագործուած է մարդու իդէալը:

Ահա նա:

Բայց, բացի հեշտասիրութիւնից, որ աւելի շուտ միջոց է և ոչ թէ սիրոյ նպատակ, սիրահարութիւնը սալիս է մի առանձին հոգեկան երջանկութիւն, անմարմին սիրոյ խորհրդաւոր և անիմանալի ուրախութիւն:

Այս երջանկութիւնը մեծ մասամբ սկսւում է դեռ նախ քան առաջին հանգիպումը. սիրահարուելու հակում ունեցող երիտասարդին պաշարում են քաղցր սպասելիքներ, նա երազում է չեղած սիրահարներ, նա... կարող է գրել սիրերգեր, նուիրուած իր սպազայ ընտրեալին:

Սիրահարութիւնը պարունակում է իր մէջ

իսկական վերացում. նա աւելի բարձր է, քան ուրիշ պահանջներից ստացած բաւականութիւնը:

Սէրը, միայն սէրն է ազնուացնում մարդուն ամեն կողմով:

Սէրը չքնաղ է. իր ազդած զգացմունքների բնաւորութեամբ նրան կարելի է զանազանել կրաւրտ բարեկամութիւնից, մայրական սէրից:

Տարաբախտաբար, այդ սէրը կարող է լինել զգացմունքների պատրանք, որ կարող է և մարել. սակայն այդ աստուածային կրակը պահպանելու համար հազարաւոր իլլիւզիաներ են հարկաւոր:

Այսպէս, յայտնի է, որ սիրահարուածները յաճախ ոչ մի բանի առաջ կանգ չեն առնում իրանց նպատակին հասնելու համար. խաբէութիւն, ստութիւն, դաւաճանութիւն, ատելութիւն, անուանարկութիւն, գողութիւն, սպանութիւններ — սրանք սովորական միջոցներ են:

Կինը դաւաճանում է ամուսնուն և հակառակը, աղջիկը թողնում է հարազատ ընտանիքը: Սիրահարուած մարդը, եթէ հարկաւոր է, դաւաճանում է հայրենիքին, կրօնին, որ հոգու լուսազոյն հաւատալիքներ են:

Սիրահարը իր սիրածին անուանում է իր կուռքը. նա, ճիշտ որ, կուռք է սիրահարի համար, իսկ վերջինս — մի անկեղծ կուսալաշտ:



4.

Յունիսի 26-ին.

Թանկագին բարեկամ.

Կռապաշտութիւնը ողու մի խղճալի խաւարում է:

Անցնում է զգայնական կրքի կրակոտ թափը, և յանկարծ սիրահարները իրանք էլ դարմանքով տեսնում են, որ ոչ միայն անհետաքրքրական են դառնում իրար, այլ և օտար ու խորթ:

Աւանդ, այլ ևս ոչինչ ընդհանուր բան նրանց մէջ— ոչ մի առարկայ, ոչ մի միտք, ոչ մի զրաւչութիւն:

Դո՛ւրս է գալիս, որ մարդիկ բոլորովին տարբեր ճանապարհներով են գնում, բոլորովին օտար են, բոլորովին նման չեն իրար:

Առաջ է գալիս գիտակցութիւն, թէ կեանքը փշացրուած է: Թէ նա դառնացնում է օրերը, և այս գիտակցութիւնը թունաւորում է առանց այդ էլ, այսպէս ասած, թթու կենակցութիւնը:

Ինչո՛ւ այսպէս եղաւ:

Պատճառն այն է, որ մի ժամանակ երկուսն էլ խելացնոր չափազանցութեամբ էին նայում սէրին, իրանց սեռական յափշտակութեան: Նրանք անխելքի պէս արհամարհում էին ճշմարիտ լուրջ պայմանները— դարգացման համապատասխանող չափը, բնաւորութիւն, համոզմունքներ, սովորու-

թիւններ, ճաշակներ, արհամարհում էին այն սկզբունքը, որ պէտք է յարգել մարդուն և ոչ թէ էգին կամ արուին, որովհետեւ երկրորդականը հեռանում է արագ, հիմնականը մնում է:

Այստեղ պէտք է լինի մարդը և ոչ թէ էգը կամ արուն. որովհետեւ, կրկնում ենք, երկրորդականը անցնում է արագ, հիմնականն է մնում:

Հաւատացնում են, որ երջանիկ ամուսնութիւնների մեծ մասը տեղի է ունենում այն պայմանների մէջ, երբ չկայ տիպիքական սիրահարութիւն, բայց կան լուրջ պայմաններ, բարեկամութեան հնարաւորութիւն:

Չկայ սիրային խելագարութիւն, բայց սրբան արժանապատուութիւն և ճշմարիտ գեղեցկութիւն կայ յարաբերութիւնների մէջ, սրբան պայծառութիւն և խելացիութիւն:

Չգայնական սէր գրգռողը, ասում են, ֆիզիկական գեղեցկութիւնն է. բայց սա միշտ այսպէս չէ:

Սիրահարում են և՛ տգեղների վրայ, և սիրահարում են յաճախ ամենահիւանդոտ, տանջալից կրքով:

«Սէրը ակթարին էլ կը կպչի», ասում է հայկական առածը:

Յիշեցէք հին յունական աստուածներից Վուլկանին. նա ամենից անճոռնին էր, երկու ոտով կաղ, բայց Աֆրոսիդէի ամուսինն էր:

Սիրոյ մէջ վճռական նշանակութիւնը գեղեցկութեան չէ պատկանում: Գուցէ աւելի նուազ



դրկուած է այդ նշանակութիւնից ճշմարտութիւնը և բարութիւնը:

Սիրահարուածները յօժարութեամբ խոստովանում են, որ *սնխելը* է եղել նրանց ոգևորութիւնը և դրանով նոյն իսկ պարծենում են:

«Նա յիմարութիւններ արի».— այս խօսքը արտասանում են մեծ ինքնահաւանութեամբ, հպարտութեամբ:

Այս պայմանների մէջ բանականութեան մասնակցութիւնը համարեա մեղք է համարուում:

«Դա արդէն սէր չէ, երբ գործում է դատողութիւնը:»

Բոլորովին ճիշտ է, բայց եթէ յիշենք, թէ ինչ դէպքերում է մարդը հրաժարուում բանականութիւնից, հետեանքը աննպատակ կը լինի սիրոյ համար:

Մենք խրայնում ենք բանականութիւնը այն դէպքերում, երբ չենք կարող նրա աջակցութեան սպասել. և սիրահարները լաւ գիտեն, որ թէ բանականութիւնը և թէ խիղճը միշտ հակառակ են այդ զգայնական կրքերին:

Սիրոյ մէջ բոլորովին բացակայում է և բարութիւնը. սիրահարուում են անխտիր թէ չարերի և թէ բարիների վրայ. սա, ի հարկէ, կախուած է սիրահարուողների բնաւորութիւնից և բարքից:

Սիրոյ թոյլ աստիճաններում, երբ բանականութիւնն ու կիրքը դեռ բոլորովին չեն ճնշուած, ընտրութիւն անելու մէջ մասնակցում են և՛ դրանք:

բայց որքան ուժեղ ու տիպիքական է կիրքը, այնքան էլ նա անխելք է:

«Դա արդէն սէր չէ, երբ գործում է դատողութիւնը»: Ճիշտ է սա:

Մարդու ուղեղը պարունակում է իր մէջ բարձր սեռական կենտրոնը, որից կախուած են ողնուղեղի մէջ գտնուող կենտրոնները, բայց որի վրայ ազդում է այս վերջինների գրգռման դրութիւնը:

Այն շրջանում, երբ սեռական հասունութիւնը կատարեալ է և սննդաուութիւնը կատարուում է եռանդուն կերպով, ուղեղի սեռական կենտրոնն էլ լարուած դրութեան մէջ է գտնուում և դառնում է դիւրագրգիռ:

Այն մարդկանց վրայ, որոնք հակում ունեն դէպի, այսպէս ասած, հոգեկան շարժումները, նոյնպէս և այն մարդկանց վրայ, որոնց ուղեղը ոչ մի բանով չէ գրադուած, այդպիսի դրութեան մէջ գտնուող սեռական կենտրոնը յաղթահարող, նոյն իսկ բանական ազդեցութիւն է անում:

Նա ներգործում է դատողութեան, երևակայութեան, կամքի վրայ, սեռական յարաբերութիւնների շրջանից մտքեր է յարուցանում և առհասարակ ուղեղի աշխատութեանը տալիս է մի տեսակ ուղղութիւն միայն:

Անհատների մէջ այդ դրութիւնը արտայայտուում է սիրային ցանկութեամբ, սիրելու ձգտումով:

Բաւական է, որ այսպէս տրամադրուած անհատը պատահէ իր նման մէկին,—այդ ժամանակ



նրա ցանկութիւնները, ձգտումները գտնում են առարկայ և դառնում են սէր:

Սեռական կենտրոնի գրգռած ուղեղի ամբողջ գործունէութիւնը զբաղուած է սիրած էակով, որ հասկացւում և զնահատւում է ոչ թէ այնպէս, ինչպէս նա կայ իրապէս, այլ այնպէս, ինչպէս նա համապատասխանում է սիրողի ֆիզիկական պահանջներին:

Օտարոտի չի լինիլ, եթէ ասենք, որ առարկան դառնում է մի մանրկէս, որ հագնուած ու գոլքուած է սիրողի ճաշակով:

Ամեն մի առողջ մարդ անգիտակցաբար զգում է, թէ ինչ յատկութիւն պիտի ունենայ հակառակ սեռի անհատը, որպէսզի նրա հետ միաւորուելու միջոցով իր սեփական յատկութիւնները պահուեն և վերածնունդ սպառնայ սերնդի մէջ:

Որքան շատ է նա զարգացած, որքան ինքնատիպ է նա, այնքան բարդ յատկութիւններ է վերագրում միւս սեռի անձին, որին ձգտում է տիրել:

Եթէ նա ընտրելիներ շատ ունի, անսխալ կընտրէ նրան, ով աւելի շատ է համապատասխանում իր այս իրէպլին, որ վերջնականապէս ձևակերպուել է նրա մէջ սեռական հասունութեան բոլորէին:

Իսկ եթէ չունի շատ ընտրելիներ, բաւականանում է առաջին հանդիպած անհատով, միայն թէ սա շատ հեռու չըլինի իր իրէպլից:

Որքան մի անհատ շատ է համապատասխա-

նում միւս անհատի իրէպլին, այնքան շուտ է տեղի ունենում այդ անհատին իրէպլի նմանեցնելու գործողութիւնը:

Եթէ երկուսն էլ մօտաւորապէս կատարեալ կերպով են իրար համապատասխանում, այդ դէպքում երկուսի մէջ կարծես ելեքտրական մի հոսանք է վազում. նրանք մի վայրկեանում սիրահարուում են իրար վրայ և նրանց թւում է թէ վազուց ճանաչում էին, վաղուց սիրում էին իրար:

Իսկ եթէ ընտրելին որ և է բանով նման չէ իրէպլին, այն ժամանակ անհատը պիտի սկսէ համակերպուել, նմանեցնել, սովորել այդ տարբերութեան. նա պիտի աշխատէ ոչնչացնել տարբերութիւնը այդ ընտրելիի և իր իրէպլի մէջ և որքան հնար է, մօտեցնել նրանց իր երևակայութեան մէջ:

Այս դէպքում սիրահարուում են հետզհետէ, նայած, թէ որքան արագ կարելի է նմանեցնել սիրոյ առարկան իրէպլին:

Յամենայն դէպս, սիրում են իսկապէս ոչ թէ այն անհատին, այլ այն իրէպլը, որ մշակել է մեր օրգանիզմը:

5.

Յուլիսի 3-ին:

Թանկագին բարեկամ.

Բոլոր վերև ասածներս գուցէ և կոպիտ բաներ են, բայց այսպէս են կարծում և հասկանում մեծ մտածողները և գիտնականները:



Չուր են կարծում, թէ սէրը սառը քննութեան առարկայ չպիտի դառնայ:

Չուր են կարծում, թէ սէրը կարելի է երգել միայն բանաստեղծական ոգևորուած գրուածքներէ մէջ:

Չէ՞ որ զուտ ճշմարտութիւն է, թէ չէ կարելի սէրին մօտենալ իբրև սիրահար, այլ իբրև դիտող:

Եւ սիրահարուածը վերջին աղբիւրն է, որից կարելի է սպասել, թէ նա կարող է լուսաբանել այն ֆիզիկական երևոյթները, որոնք երևան են գալիս սիրոյ հետ:

Միայն կողմնակի դիտողը կարող է այդ անել, դիտողը, որ խօսելով սիրոյ մասին, կարիք չունի ծունկ չօքելու, աչքերը պլշելու, բորբոքուելու, բանաստեղծական զեղումներէ մէջ ընկնելու:

Եւ այսպէս, սիրային ցանկութիւնը միշտ ճրգտում է իր իրէալը մարմնացնելու:

Սէրը մի հաւաստիացում է, թէ մենք գտել ենք այդ իրէալը. սիրոյ առարկան մեր ներքին իրէալն է, որ, այսպէս ասած՝ դուրս է քաշուած մեր միջից:

Անհատի այդ զգայնական կեանքը սկսում է սեռական հասունութեան ժամից և շարունակուած է նոյնքան երկար, որքան այդ հասունութիւնը: «Սէրին հպատակում են բոլոր հասակները»,

Իրէալը փոքր ի շատէ մշակուած է մինչև

սեռական հասունութիւնը և գոյութիւն ունի այդ հասունութեան միջոցին:

Կիրագործուի՞ նա թէ ոչ, այս բանը ամենեկին չէ փոխում գործի էութիւնը. նա շարունակում է գոյութիւն պահպանել և սպասում է յարմար առիթի, որ մարմնանայ:

Սիրում են իրանց իրէալը, եթէ չեն սիրում մի որոշ մարդուն:

Որքան նսեմացած, որքան հասարակ է իրէալը, այնքան հեշտ է անհատը գտնում նրա մարմնացումը:

Ահա թէ ինչու պարզ, սովորական բնաւորութիւնները ընդունակ են հեշտ սիրահարուելու և հեշտ էլ փոփոխում են իրանց սիրոյ առարկաները:

Աւելի նուրբ, աւելի բարդ բնաւորութիւնները կեանքի մէջ շատ քիչ են գտնում իրանց իրէալը կամ նրան նմանուող մի բան: Եւ երբ կորցնում են նրան, դժուարութեամբ են գտնում մի ուրիշը, որ փոխարինէր նրան:

Առողջ բնական սէրը համարեա միշտ պարզ գիտակցում է իր նպատակը:

Ուժեղ բնաւորութիւն ունեցող անհատների մէջ սէրը ծնեցնում է կամքի այնպիսի զրգիւններ, որոնք բաւականաչափ ուժեղ են ամեն մի յամառութիւն յաղթելու և ամեն մի սրգելք ոչընչացնելու համար:

Թոյլ բնաւորութեան տէր անհատները չու-



նեն այդ ընդունակութիւնը. հոգեկան յուզմունքը մնում է անհատական և չէ դառնում գործողութիւն:

Սակայն սիրոյ ոյժը կշռելու համար չպէտք է աչքի առաջ ունենալ, թէ ով որքան ջանք է գործ դնում, որ տիրանայ սիրած էակին, որովհետև այդ ջանքերի մեծութիւնը կախուած է կամքի ոյժից և ոչ թէ սիրոյ ոյժից:

Այն անհատները, որոնք ընդունակ են ուժեղ կերպով սիրելու, կունենան և ուժեղ կամք:

Սեռերի գանազանութիւնը պարունակում է իր մէջ և համապատասխան տարբերութիւն նրանց սիրային կեանքի վերաբերմամբ:

Կնոջ դերը այս դէպքում աւելի կարևոր է: Կինը տղամարդուց աւելի խնամքով է մշակում իր իրէպլը. այդպէս հարկադրում է նրան ինքը բնութիւնը:

Կնոջը աւելի դժուար է հարկադրել, որ հրաժարուի իր իրէպլից և բաւականանայ նրան փոխարինող մի բանով, որ չափազանց տարբերում է նրանից:

Երբ նա միանգամից գտել է իր իրէպլը, այլևս համարեա անհնարին է հարկադրել նրան, որ հեռանայ այդ իրէպլից. և այս հոգեկան զրութիւնը միացնում է նրա գիտակցութեան մէջ ամեն մի ուրիշ տպաւորութիւն. սրանով էլ միայն ապրում է նա:

Իր կամքը, իր դատողութիւնները, իր երեակայութիւնը, ամեն ինչ նա նուիրաբերում է իր

սէրին և նոյն իսկ չէ փորձում յաղթահարելու իր մէջ այդ զգացմունքը որ և է նկատումներով:

Կինը բնագոյով զգում է, որ ինքը իրաւունք չունի խաբուելու, որ իր սխալը անուղղելի հետևանքներ կունենար: Այս պատճառով էլ նա չափազանց անվստահ է և սաստիկ վախենում է, թէ կարող է սխալ գործել:

Միևս կողմից, նա շատ լաւ գիտէ այդ և երբ նրան աջողում է գտնել իրան անհրաժեշտ մարդուն, աւելի հեշտ, քան տղամարդը, ընդունակ է լինում նուիրելու նրան իր ամբողջ կեանքը:

Բոլորովին ուրիշ բան է տղամարդը, որովհետև սխալը նրա համար չունի այդպիսի ծանր հետևանքներ. բայց նրա իրէպլն էլ, որ ձուլում է կնոջ պատկերի մէջ, աւելի առաջ որոշուած կերպարանքով է ներկայանում նրան:

Տղամարդը աւելի շուտ է սիրահարում, աւելի հեշտ՝ առաջին հանդիպած կնոջ վրայ. նա աւելի քիչ հաստատամիտ է, հեշտ է հրաժարում սէրից. վերջապէս, նրա սէրը կարող է համեմատաբար հեշտ մեղմանալ, իրանալ:

Անա երկու խօսքով սիրոյ բնական պատմութիւնը:

Այստեղ գոյութիւն ունեն բազմաթիւ աննորմալ երևոյթներ շնորհիւ թէ անհատի, այնպէս և մի ամբողջ ժողովրդի, նոյն իսկ մի ամբողջ ցեղի թուրութեան, ուժասպառութեան և այլասերման:

Սէրը այստեղ դառնում է անբնական իր ար



տայայտութիւններով, իր ուժգնութեամբ և առարկայի ընտրութեամբ:

Աննորմալ մարդու թոյլ, իր հաւատարակչութիւնը կորցրած ուղեղի մէջ սեռական կենտրոնը տիրապետում է անդադար և, իբրև կատարեալ սէր, լցնում է նրա գիտակցութիւնը բացառապէս իր զրգիւններով:

Ինչ կան մեղանում հիւանդ և թուլամորթ մարդիկ:

Այդպիսի անհատը կլին տեսնելիս՝ կորցնում է խելքը, ինքնագոյման կարողութիւնը և գանազան գործողութիւններ է թոյլ տալիս իրան:

Մի ուրիշ այդ տեսակ անհատին փոթորկալի կամ հանդարտ էքստազի, յափշտակութեան մէջ է գցում սիրած կնոջ մի հատ ձեռնոցը կամ ծաղիկը:

Մի տեղ սէրը հասցնում է ոճիրի, մի տեղ մեղամաղձութիւն է բերում մարդու վրայ:

Յետոյ մենք նկատում ենք կամ անբնական արագ թռիչքներ քմահաճ սառնութիւնից դէպի կրակոտ քնքշութիւն և բուռն կիրք, կամ կատարեալ թուլութիւն, առողջ մտքի բացակայութիւն. և այս ամենը— սիրոյ ազդեցութեան տակ:

Չանագան հիւանդոտ մտապատկերներ, օտարոտի հակումներ, բոմանախիքական յափշտակութիւններ, ցաւագար տուփանքներ և խելագար յուզումներ սիրոյ անկանոն և անբնական ձևերն են:

6.

Յուլիսի 10-ին.

Թանկագին բարեկամ.

Սէրը մեր երկրաւոր կեանքի միակ ճշմարիտ, հիմնադան և գերագոյն գեկավարող սկզբունքն է: Այդ սկզբունքը, իբրև միակ աղբիւր, դէպի իրան է քաշում այն ամենը ինչ դուրս է մեր առօրեայ շահերի շրջանից— թէ կրօնը, թէ բարոյականութիւնը, թէ առաքինութիւնը, թէ ճշմարտութիւնն ու արդարութիւնը.

Այս ամեն ինչ գրկող պաշտամունքի գոյութիւնը արտայայտում է ոչ միայն կրօնական հայեացքների ու գրականութեան մէջ, այլ և անմիջապէս կեանքի մէջ:

Հին կլասիքական ժամանակները ունէին ոչ միայն մի ամբողջ սիրային դիցաբանութիւն իր գրականութեամբ, այլ և բազմաթիւ սիրոյ տաճարներ և ժողովրդական սոճախմբութիւններ...

Միջին դարերի սկզբում, մի քանի բանաստեղծների գրուածքների մէջ մենք տեսնում ենք փորձեր՝ սէրը յայտարարելու իբրև առաքինութեան, ճշմարտութեան և արդարութեան բարձրագոյն սկզբունք:

Տեսնում ենք նոյնպէս փորձեր՝ բարձրացնելու սէրը մինչև անհասանելի իդէալի աստիճանը, նրան երկնքում բնակեցնելու և նրա վրայ ազդելու փորձեր:



Գտնուում են, որ սիրոյ վերամբարձ զգացմունքը ամեն մարդու չէ մատչելի, այլ միայն ազնիւ սիրտ ունեցող մարդուն, այսինքն, որ մարդը պիտի բարձրանայ մինչև սէրը, դառնայ նրան արժանի:

Հաստատուում են, որ սէրը այնքան զգայնական կիրք չէ, որքան մտաւոր յափշտակութիւն և անհասանելի իդէալ:

Մի երիտասարդ բանաստեղծ ապացուցանում է, թէ իր սիրած անձը երկրային արարածներէց չէ, այլ ինքը Աստուած է ուղարկել նրան, և թէ սէրը երկնային երևոյթ է:

Յայտնի են միջնադարեան բանաստեղծութեան հռչակաւոր ներկայացուցիչները — Դանտէ, Պետրարկա և ուրիշները: Դանտէն— Բէաթրիչէի երգիչ, Պետրարկան— Լաուրայի երգիչ:

Դանտէն ուղղակի յայտնում է, թէ իր բանաստեղծական և փիլիսոփայական ներշնչումը արդիւնք է իր անասնման սիրոյ դէպի Բէաթրիչէն, թէ այդ հոգեկան տրամագրութիւնը միակ միջոցն էր, որով կարելի էր լինում մշտական հաղորդակցութիւն պահպանել Բէաթրիչէի և իր հոգու մէջ:

Դանտէի ասելով, Բէաթրիչէն պարզապէս մի կին չէ. նա «աստուածային յայտնութեան, Քրիստոսի իդէալական եկեղեցունշանաբանն» է:

Պետրարկան աւելի էլ գերազանցում է Դանտէին. նրա Լաուրան ամեն երջանկութեան, ա-

մեն տեսակ բախտի, ամեն բարի սկզբունքների աղբիւրն է:

«Նրանից է դէպի քեզ գալիս այն սիրային միտքը, որին դու հետևում ես և որ հասցնում է քեզ բարձրագոյն բարիքին:

«Նրանից է դէպի քեզ գալիս այն ազնիւ քաջութիւնը, որ ուղղում է քեզ դէպի երկինք ուղիղ ճանապարհով»:

Կարո՞ղ ենք մենք մեր ներկայ ժամանակներում երևակայել մի մարդ, որ համարձակուէր հասցնել սիրոյ իդէալացումը այսպիսի ֆանտաստիական բարձրութեան:

Հոմերական քրքիշը կը լինէր նրա պատասխանը և քննադատութիւնը չէր քաշուի ոտով քացի տալ նրան:

Թանկագին բարեկամ, մենք դեռ նոր կանգնած էինք մի շատ բարձր սարի վրայ: Կանգնած նրա զագաթին, մենք տեսնում էինք մարդկային ոգու իսկական երջանկութեան այնպիսի մի շացուցիչ փայլուն տեսարան, որի առաջ միջնանում է ներկայ մեր ամբողջ երկրային բարեկեցութիւնը:

Բայց, աւանդ, որքան մենք ցած ենք իջնում այդ սարից, սիրոյ պայծառ պսպղացող աստղը աւելի և աւելի հեռանում է մեզանից դէպի հորիզոնը: Եւ հասնելով ստորոտին, մենք կորցնում ենք նրա վերջին փայլն էլ, որին կլանում է մեր երկնքի դժգոյն տարածութիւնը:



Ինքնագոն անդործութիւնը, փոխադարձ կոտորածները և մտաւոր զարգացման կատարեալ բացակայութիւնը միջին դարերում հետզհետէ ոչնչանում են, տեղի տալով առաջադիմող պետական սկզբունքին:

Բանաստեղծական ամբոյցները իրանց անհող կեանքով դատարկւում են և մոռացութեան մատնւում:

Տրուբադուրները իրանց դիւթիչ երգերով շատ վաղ անհետանում են, աւանդութիւնների կարգն անյնում:

Վերջ ի վերջոյ սիրոյ պաշտամունքի միջնադարեան երկրպագուի լուսատու կերպարանքը տեղի է տալիս ծաղրական պատկերների, ինչպէս, օրինակ, Դօն-Քիշոտը:

Մենք տեսնում ենք այստեղ, որ ընդ միշտ թաղուած է և իր մաքրութեամբ այնքան դրաւիչ, իր էութեամբ այնքան վսեմ ասպետական սէրը:

Երկու երեք դարից յետոյ արդէն սկսւում է մեր ժամանակակից գործնական և անզարդ կեանքի շրջանը:

Այս կեանքը բնորոշում է անցեալը «կլասիք», «ռօմանտիք», «սէնտիմենտալ» հեգնական անուաններով, այսինքն ուզում է ասել, «օ՛հ, որքան ծիծաղելի և անպէտք են եղել այդ մարդիկ, որոնք իրանց համար հոգեկան բաւականութիւն ստանում էին սիրային արկածների և բանաստեղծական զեղումների մէջ»:

Մեր ժամանակ և մեր ժամանակից քիչ առաջ, երբ սկսեցին ստեղծուել պետական և հասարակական կարգեր, սիրոյ պաշտամունքը հետզհետէ կորցրեց իր ամբողջ պարզամտութիւնը և ամբողջ անկեղծ սգեորութիւնը:

Մի կողմից սէրը մնում է ամուսնութեան մէջ, մի հաստատութիւն, որ օր օրի վրայ կորցնում է սիրոյ հիմնական տարրը, որպէս զի դառնայ կամ քաղաքական կամ գործնական մի կարգ:

Միւս կողմից, սէրը աղճատւում է կոպիտ ֆիզիքական բաւականութիւն ստանալու անյազ ձգտումից և դառնում է հեշտասիրութիւն և անառակութիւն:

Հասարակական զարգացման մի յայտնի աստիճանի վրայ ժամանակակից ամուսնութիւնը (միակնութիւնը) պատմական անհրաժեշտութիւն է, բայց միևնոյն ժամանակ մի մեծ յաղթութիւն, զուցէ ամենամեծը այն յաղթութիւններից, որ երբ և իցէ տարել է կինը:

Գուցէ հին և միջին դարերի երեակայութիւնը շատ ուժեղ էր և նրան չէին ճնշում պետական սկզբունքի ամեն ինչ ստրկացնող հիմքերը:

Այս էր պատճառը, թէ մի ուրիշ բան, յամենայն դէպս երեակայութիւնը լայն տարածութիւններ էր բաց անում մարդու հոգեկան աշխարհի և զգացմունքների առաջ. և եթէ մարդը սիրում էր, նա բարձրանում էր մինչև սաստիկ աստուածացում և կատարեալ ինքնուրացում. իսկ եթէ ասում էր, միայն դժոխքը կարող էր նրա



հետ մրցել վրիժառութեան և կատաղութեան ոյժի վերաբերմամբ...

Եւ իրաւ, սէրը այն ժամանակ մի հզօր ոյժ էր, որ կլանում էր մարդուն ամբողջովին և յետ էր քաշում նրան իրական կեանքի տօնական շահերից:

Այստեղ մեզ բոլորովին չը պիտի շփոթեցնէ հին փիլիսոփայութիւնը, որ հարկադրում է նրան կտրուել նիւթական, ֆիզիքական, մարմնաւոր կեանքից և ամբողջովին կուլ գնալ հոգևոր ինքնաքննութեան մէջ:

Ընդհակառակն, սիրոյ վերացական կողմը աւելի նուրբ արտայայտութիւն գտաւ այդ ֆանատիկոսական ձգտման մէջ, մի ձգտում, որ ուզում է սպանել մարմինը այն պատճառով, որ նա ցածրացնում է սիրոյ իդէալական զգացմունքը, դարձնում կեանքի պահանջներին ենթարկուած կիրք:

Յամենայն դէպս, պէտք է ենթադրել, որ իր նիւթական գոյութիւնը կատարեալ ուրացութեան և իր մարմինը արհամարհանքի հասցրած հնդիկի առաջ գալու համար հարկաւոր են եղել ոչ պակաս դարեր, քան հարկաւոր էին մեր ժամանակակից յայտնի Շոպէնհաուէրի երևան գալու համար, այն Շոպէնհաուէրի, որ մերժում, ատում և հարուածում է սէրը, ինչպէս սօցիալական մի մեծ չարիք:

Չէ՞ որ սէրը բնութեան հոգին է...

7.

Յուլիսի 17-ին.

Թանկագին բարեկամ.

— Կհաւատամք, մենք ամենքս սկսեցինք նախատել մեր սիրահարին, երբ նա հանդիպեց իր սիրոյ իդէալին:

Նրանք հանդիպեցին իրար, այդ երկու շարաքախտ էակները, որոնք մի անյաղթելի փոխադարձ ձգտում ունեն դէպի իրար, ձգտում, որ այնքան ծիծաղելի է դարձնում նրանց շրջապատող աշխարհի աչքում:

Ի՞նչ երկնային ուրախութիւն փայլեց նրանց աչքերի մէջ:

Ի՞նչ ոգևորուած տրամադրութիւն էր արտայայտում իւրաքանչիւր գիծ նրանց դէմքի վրայ, իւրաքանչիւր շարժում:

Ո՞ւր կորաւ վշտի դրոշմը, որ քիչ առաջ երևում էր սիրահարի վրայ, ո՞ւր կորաւ այն ճշունած արտայայտութիւնը, այն ցաւը կրճքի մէջ, այն մշուշը, որ պատել էր ուղեղը:

Երկուսի համար էլ յանկարծ լայնացաւ աշխարհը, երկուսն էլ թեթևութիւն զգացին. երկուսրտերի մէջ աւելի տեղ կայ, քան մի սրտի մէջ...

Թող ծիծաղեն նրանց վրայ, թող նրանց խելագար համարեն. ի՞նչ գործ ունեն նրանք շրջապատի հետ:



Նրանց հոգիները միացել են անսահման եր-  
ջանկութեամբ արբենալու համար:

Ծիծաղեցէք...

Ներեցէք, խնդրեմ, բայց երբէք դուք չէք  
հասնի զգացմունքների այն ազնուութեան, ձգտում-  
ների այն անշահասիրութեան, որ դնում է ձեր  
բոլոր օրէնքների տեղ սիրոյ այդ բարի, սիրուն,  
անձնուէր աստուածունհին:

Նայեցէք թէ ինչպէս այդ «խելագար» սի-  
րահարները քիչ են մտածում վաղուայ մասին:

Տեսէք ինչ սրտադին բարութիւն, ինչ ան-  
կեղծ ողորմածութիւն է շնչաւորում նրանց իւ-  
րաքանչիւր վարմունքի, իւրաքանչիւր ցանկու-  
թեան մէջ:

Օ՛, որքան կը կամենային նրանք տեսնել ամ-  
բողջ աշխարհը բախտաւոր, տոգորուած նոյն եր-  
ջանկութեամբ, նոյն հոգեկան խաղաղութեամբ:

Խնդրեցէք նրանցից օգնութիւն, ծառայու-  
թիւն. նրանք չեն մերժի:

Յուսահատութեան աղաղակը, աղքատութեան  
հեծեծանքը, մերձաւորի դժբախտութիւնը նրանց  
մէջ աւելի շուտ արձագանք ու համակրութիւն  
կը գտնէ, քան ձեր կոշտացած սրտերի մէջ:

Սէրը մեզ ոչ միայն երջանիկ է դարձնում,  
այլ և բարի, ազատ:

Սրտի մէջ սէր կրող վագրն էլ դադարում է  
զազան լինելուց, իսկ կալանաւորը դադարում է  
ստրուկ լինելուց...

Ձեզանից ո՞վ չէ սիրային յափշտակութեան

րոպէներին զգացել ցանկութիւն, որ այդ քարէ  
պատերը յետ դնան և ձեր առջև բացուի յաղ-  
թանակող բնութեան պատկերը, այսինքն բացուի  
անհոգ—երջանիկ բնութիւնը իր դիւթիչ գեղեց-  
կութեան ամբողջ ոյժով:

Թէ՛ ծովը, որ տարածուած է իր անեզր  
աւազանի մէջ, թէ՛ վիթխարի սարերը, որոնց  
ձիւնափայլ գագաթները շողշողում են արևի ճա-  
ռագայթների մէջ, թէ՛ գոյնզգոյն ծաղիկներով  
ծածկուած դաշտերը:

Եւ առհասարակ սիրոյ հետ կապուած ան-  
յաղթելի ձգտումը դէպի բնութեան ծոցը, ուր  
ամեն մի խոտ, ծաղիկի իւրաքանչիւր թերթիկ,  
ամեն մի ամպիկ երկնքի երեսին սիրող մարդու  
ուշադրութիւնն է գրաւում, պատճառելով նրան  
գեղազիտական գուարձութիւն, — ցոյց է տալիս  
թէ այդ զգացմունքը, սէրը, միայն ֆիզիոլոգիա-  
կան զրդումով չէ սկսում և սպառում:

Ձեզանից ո՞վ չէ այդպիսի ըրպէներին զգա-  
ցել, որ ընդունակ է կատարել ամենաֆանտաս-  
տիկ քաջագործութիւններ, ընդունակ է ամենա-  
անձնուէր բարութիւն ցոյց տալ, սիրել ամենա-  
ծանր վիրաւորածին անգամ...

Մի խոր զգացող գիտնական բոլորովին ար-  
դարացի կերպով ասում է. որքան էլ դատեն ու  
գրեն մարդու ալտրուխտական պարտաւորու-  
թիւնների մասին, այդ քարոզները միշտ կը մնան  
կախուած օգում, կեանքի ժխորի աղմուկների մէջ:

Միայն սէրը,—այս կենսատու, բարքեր մեզ-



մացնող և ամեն չարութիւն յաղթահարող զգացմունքը, կարող է իրականացնել ամենամարդասէր և ամենագրաւիչ սօցիալական գաղափարները:

Բայց աւանդ, մեզանից շատերն են արժանանում բնութեան այս վեհագոյն պարգևին, նրա նախնական մաքրութեան մէջ:

Եւ սա շատ ցաւալի է, որովհետև օրուայ իրապաշտ շահերը, նիւթական կարօտութիւնը, հասարակական օրինաւորութեան պահանջները — ազատ ոգուն խորթ այս բոլոր տարրերը խոնուած են ձեր շուրջը ինչպէս աներես մոծակներ, և սօէզիայի տեղ երևան է գալիս կեանքի պրօզան:

Սիրային քնքոյշ գեղումները թունաւորուած են դրամական հաշիւների չոր խօսակցութիւններով. երգւում են թէ անփոփոխ հաւատարիմ կը լինեն իրար, բայց այդ երգումների հետ զուգընթաց են հոգսերը վաղուայ մասին:

Մարդկային անարտութեան և պայմանական օրինաւորութեան ծանր ճնշման ենթարկուած սէրը չէ դադարում, այնուամենայնիւ, մտածել անսահման լայնարձակութեան մասին և որոնում է նրան բազմատեսակ զուարճութիւնների մէջ, թատրոններ և գեղարուեստական մուզէններ յաճախելով, պարերին մասնակցելով և այլն:

Դեռ չինացիները գտնում էին, որ երաժշտութիւնը սիրոյ լեզուն է, իսկ գեղեցկութիւնը՝ նրա հայելին:

Յայտնի է, որ գեղեցկութեան հասկացողու-

թիւնը կախուած է ճաշակից, կրթութիւնից, սովորութիւններից:

Երաժշտութիւնը և գեղեցկութիւնը այն միակ տարրերն են, որոնք մեզ համար փոխարինում են միացումը բնութեան հետ, մի միացում, որ տեղի չէ ունենում մեր արհեստական նիստու կացի մէջ:

Ով չը գիտէ զմայլուել երաժշտութեամբ և գեղարուեստական արտադրութիւններով, նա չունի սիրոյ սիրտ, նա համարեա երբէք չէ ճաշակել սիրոյ երջանկութիւնը:

Սյուպիսի մարդիկ էլ կան, նիւթական հաշիւների մէջ չորացած մարդիկ. և հէնց նրանք էլ սիրոյ ամենակատաղի քննադատներն են և անսիրտ հալածողները...

Ձը հայած դորան, այդպիսի կոշտացած սրտերը հանգստութիւն են գտնում հետաքրքրական սիրային վէպի մէջ, միտքը կեանքի իրարանցումից հեռացնող դրամայի մէջ, ոգեշունչ քնարական ոտանաւորի մէջ:

Անհոգի նիւթապաշտի ստուն քրքիջը կոկորդումն է մնում, տեսնելով բեմի վրայ ցնցող սիրային ողբերգութիւնը:

Հասկանալի է ուրեմն, որ գոյութիւն ունի այսպիսի հոգեկան յուզումների մի անյաղթելի, ճակատագրական պահանջ, երբ գրականութեան, բեմի և արուեստի բնաւորութեան և կեանքի նիւթական շահերի մէջ այսպիսի հակադրութիւն կայ և այնուամենայնիւ նիւթականը չէ յաղթողը:



8.

Յուլիսի 24-ին

Թանկագին բարեկամ.

Մենք շատ ու շատ ենք վիճել և մեր առջև, բնականաբար, հանդէս էր գալիս մի հարց, ինչպէս է առհասարակ ծնւում մեր մէջ սիրոյ զգացմունքը, ինչ ազդեցութիւնների տակ է կազմւում սեռերի փոխադարձ ձգտումը դէպի իրար: Արժէ այստեղ խօսել այդ մասին մանրամասն:

Հազար հազարաւոր դրքեր են գրուել սիրոյ մասին, բայց, դժբախտաբար, մեր որոնած պատասխանը չը կայ:

Հոգեբանութիւնը հեզաբար ցած է դնում իր գէնքը, բայց Ֆիզիկան և Ֆիզիոլոգիան փորձել են գտնել այստեղ մի որ և է նմանութիւն մագնիսական երևոյթների հետ:

Վերջին ժամանակները սկսել են խօսել նոյն իսկ սիրոյ յատուկ միկրոքի մասին, և այս հանգամանքը աւելի ևս ծաղրական կերպարանքի մէջ է ներկայացնում այն անպտուղ ջանքերը, որ առնում են այս կախարդուած հարցը լուծելու համար...

Սօսում են նոյնպէս և հիսլոնոտիզմի մասին. բայց ինքը, այդ հիսլոնոտիզմն է, մինչև այսօր դեռ չէ դուրս եկել առեղծուածների շրջանից.

Թէև այս հարցի վերաբերմամբ արդէն շատ ու շատ փաստեր կան հաւաքուած:

Եւ այսպէս, երկու սեռերի ներկայացուցիչները շատ յաճախ են փոխադարձաբար ընդհարւում հասարակական կեանքի զանազան դերերի և պայմանների մէջ:

Սակայն բոլոր հանդիպումները չեն առաջացնում փոխադարձաբար իրար ձգտելու հնարաւորութիւն:

Այս դործողութեան առաջին պայմանը, անկասկած, այն է, որ մի անհատ ընդունակ է լինում իր վրայ կենտրոնացնելու միւսի յատուկ ուշադրութիւնը:

Մեր սիրահարի պատմածից երևում է, որ իր բանը հէնց այդպէս էլ եղաւ. նա հանդիպեց օրիորդին մի մեծ կուրօրտում, և նրանք զիտեցին իրար, ինչպէս ասւում է, ոտքից մինչև գլուխ: Նրանց հայեացքները կարծես շփոթուեցին, նրանք ծանօթ չէին:

Երիտասարդը այսօր էլ չէ կարողանում մոռանալ իր սիրունու սքանչելի աչքերը. երկրային և երկնային ամեն մի բան աչքերի մէջ է...

Դրանից յետոյ մի հասարակ, պատահական կամ նոյն իսկ ապազայ մերձեցման վրայ յոյս ունեցող ծանօթութիւնը, ի հարկէ, բաւական չէ:

Ուշադրութիւն:

Ուշադրութիւնը անպատճառ գրգռում է այն բարոյական կամ Ֆիզիոլոգիական առանձնայատ-



կութիւններով, որոնք համապատասխանում են միւս անհատի գեղագիտական ճաշակին, բարոյական հակումներին կամ ֆիզիօլոգիական պահանջներին:

Որքան մենք մօտենում ենք մարդկային պատմութեան հնագոյն սահմաններին, այնքան սիրային յարաբերութիւնները դառնում են ազատ, իսկ մերձեցումը երկու սեռերի մէջ՝ աւելի պարզ:

Ամուսնութիւնը և հասարակական պարկեշտութիւնը այն աստիճան կերպարանափոխում են մարդու բնաւորութիւնը, միջնացնում և զիմակաւորում են նրա ամենից շատ աչքի ընկնող հոգեկան յատկութիւնները, որ նրա կերպարանքը դադարում է ծառայել իբրև հայելի նախնական մաքուր հոգու, այլ շատ յաճախ ներկայացնում է բոլորովին անհոգի մի զիմակ:

Անսովոր ախորժելի ժպիտը լուրջ դէմքի վրայ, աչքերի ջերմ արտայայտութիւնը, նոյն իսկ ինքնատիպ շարժումը, քայլուածքը, ձայնի ելէէջը, ծիծաղելու եղանակը, տաքութիւնը կամ անսովոր ինքնազսպումը վէճի մէջ, — այս բոլորը ուշադրութիւն գրգռելու պատահական պատճառներ են, իսկ այդ ուշադրութեան հետևում է արդէն համակրանքը:

Բայց համակրութեան առաջին արտայայտութիւնից մինչև իսկական սէրը դեռ շատ հեռու տարածութիւն է:

Սէրը երբէք յանկարծակի չէ ծագում, իր ամբողջ ոյժով:

Մարդկանց մեծամասնութիւնը հաւատացնում է, թէ սէրը, ինչպէս և ամեն մի ուրիշ զգացմունք, հպատակում է զարգացման օրէնքին և երկարատև վարժութեան պէտք ունի:

Յայտնի է, որ մեր բոլոր տպաւորութիւնները և շարժումները չեն հաղորդում մեր գլխի ուղեղին, այլ լինում են և ակամայ, անգիտակից շարժումներ ու տպաւորութիւններ, որոնց մէջ մասնակցութիւն չունի գլխի ուղեղը:

Սէրը պատկանում է, ինչպէս հաւատացնում են, այդպիսի երևոյթների կարգին:

Ամբողջ ժամերով, նոյն իսկ օրերով անճատուր լինելով այդ զգացմունքին, մարդը աստիճանաբար դառնում է մի կատարեալ ստրուկ ուրոշ սովորութիւնների, որոնք բնորոշում են միատեսակ գործողութիւնների մի ամբողջ շարք:

Եւ որովհետև այդ զգացմունքը մարդուն տալիս է երջանկութիւնների ամենամեծ գումարը, ուստի նրա ծնեցրած սովորութիւնները աչքի են ընկնում իրանց ներքին զիմացկանութեամբ, ուժեղութեամբ:

Մենք յաճախ լսում ենք այսպիսի խօսքեր. սէրը կուրացրել է մարդուն, այս ինչ երիտասարդը երբէք չի ամուսնանայ մի ուրիշ կնոջ հետ կամ թէ այս ինչ օրիորդը չի ամուսնանայ մի ուրիշ մարդու հետ: Եւ այս խօսքերի մէջ չափազանցրած բան չկայ:

Երբ սպասիկ զարգացած է սիրային գրութիւնը, մարդկային գործողութիւնները կանոնա-



ւորող խելքը բոլորովին յետ է քաշուում: Եւ երբ «անբախտ կամ անմատչելի սիրով» զբաւուած անձի առաջ ծագում է այն վճռական անհրաժեշտութիւնը, որ պահանջում է սթափուել և դուրս գալ այդ գրութիւնից, այն ժամանակ այդ անձը դառնում է նահատակ այն սարսափելի հիւանդոտ մրցութեան, որ բացում է զգացմունքի և խելքի մէջ:

Սովորութիւնները պահանջում են, որ շարունակուի նախկին կատարելապէս անխելք և անդորր բաւարարութիւնը, իսկ խելքը առաջ է քաշում մի շարք արգելքներ և աշխատում է զարթեցնել նրա մէջ վիրաւորուած ինքնասիրութեան, ինքնապաշտպանութեան և ինքնայարգութեան զգացմունք:

Մրցութեան վախճանը, ի հարկէ, կախուած է այս կամ այն ազդող պատճառների գերակշռող ոյժից, բայց, յամենայն դէպս, մարդը դուրս է գալիս այդ կռուից բարոյապէս ճնշուած, հիւանդ հոգով...

Իժուար չէ երևակայել, թէ որքան ծանր և քայքայիչ պիտի լինի այդ կռիւը մարդու համար, երբ կռուի մէջ բռնութեամբ ներս է խուժում գուտ արտաքին, անհոգի, վարչական մի սկզբունք (օրինակ, երբ քրիստոնեան ամուսնանում է հրէուհու հետ, վերջինս պիտի թողնէ իր կրօնը և մըրտուի), երբ սէրը աշխատում են մտցնել արհեստական շրջանակների մէջ, հպատակեցնել անհոգի — ձևական պահանջներին:

Սէրը հպատակում է իր սեփական օրէնքներին:

Կնոջ կրաւորական գրութիւնը, որ առաջ է գալիս նրա կազմուածքի թուլութիւնից և մարդկութիւնը բազմացնելու գործի մէջ նրան յատկացրած տանջալից դերից, հարկադրում է նրան որոնել իր կոչումը իրագործելու հնարաւորութիւն և մանել աւելի ուժեղ սեռի հովանաւորութեան տակ:

Այս հանգամանքի շնորհիւ է, որ բնութիւնը կնոջ ներշնչել է ամենաուժեղ յատկութիւններից մէկը, — «գուր գալու ցանկութիւն»:

Այս ցանկութիւնը արտայայտում է աղջկայ մէջ դեռ այն ժամանակ, երբ նա նոր է սկսում զիտակցաբար վերաբերուել իր շրջապատին:

Հասակաւոր աղջիկը արդէն զգում է մի անյազթելի պահանջ մրցելու իր ընկերուհիների հետ ուժեղ սեռի առաջ:

Այստեղից է առաջ գալիս անդադար աճող հակումը դէպի զարդն ու դուքսը, հաճոյական ձևեր և սովորութիւններ իւրացնելը և ընդհանուր ուշադրութիւն գրաւելու ցանկութիւնը:

Խելացի կիներն է միայն մտածում, թէ որքան ունայնութիւն կայ այդ բոլորի մէջ և որքան աննպատակ են ինքնասիրութիւն շոյող, բայց իսկապէս անբովանդակ այդ արարքները:

Սիրտը երկար ժամանակ զգում է, համարեա շօշափում է իր ընտրեալի մօտիկութիւնը, բայց չէ գտնում նրան:



Ուստի և որքան ուժեղ է լինում բուսական և անասնական բաւականութեամբ, կեղծաւոր խօսքերով և երկրպագուների հաճոյական արարքներով զրաւելը, այնքան զօրեղ է մենակութեան մէջ, օրինակ երեկոյթից յետոյ, զգացում կեանքի կատարեալ դատարկութիւնը, որոնած իգէալի բացակայութիւնը...

Տղամարդուն բնութիւնը ներգործական զեր է յատկացրել, նա հասկանում է իր գերազանցութիւնը թոյլ սեռի վրայ, և այդ պատճառով էլ նա կանացի սեռի ուշադրութիւնը զրաւելու համար այդպիսի միջոցների դիմելու կարիք չունի:

Մինչդեռ կինը բաւարարութիւն ստացած ինքնասիրութեան զգացմունքով է հանդիպում իր վրայ ուղղած հայացքները, տղամարդը շատ անգամ բոլորովին անտարբեր կերպով է անցնում «ամենահետաքրքրական» անձնաւորութիւնների մօտով կամ թէ իր մեծութեան բարձրութիւնից սկսում է գնահատութեան ենթարկել նրանց գեղեցկութիւնը և հագուստները, բոլորովին չը մտածելով միևնոյն ժամանակ ուշադրութիւն զրաւել իր անձով:

Դուր գալու ցանկութիւն տղամարդու մէջ ծագում է գլխաւորապէս այն ժամանակ, երբ նրա համակրանքի առարկան նրա համար բոլորովին պարզուել է և այդ առարկային տիրելու ցանկութիւն է առաջ գալիս: Այդ ժամանակ նա, ի հարկէ, աշխատում է դուր գալ:

Սակտում է նա առանձին ուշադրութիւն դարձնել իր արտաքինի, իր ձևերի, նոյն իսկ իր խօսքերի վրայ, որոնք շփման կէտեր իր և նրա բնաւորութեան, իր և նրա հայեացքների մէջ և այլն:

9.

Օգոստոսի 1-է.

Թանկագին բարեկամ.

Կը հաւատամք, մեր սիրահարին չկարողացաւ ճանաչել ոչ ոք նրա ամենամօտիկ ընկերներից և բարեկամներից, այնքան փոխուել է նա:

Միբունու ազդեցութիւնը նրա վրայ անագին էր. նա ամբողջովին վերածնուել է, ամեն բանի մէջ ազնուացել է:

Լաւ է, ի հարկէ, երբ մի մարդու ազդեցութիւնը միւսի վրայ կարող է առաջացնել այսպիսի բարերար, ազնուացնող ձգտումներ: Մաքուր սէրը հէնց զրանով էլ մեծ է:

Նա, որին սիրում է մեր սիրահարը, շատ զարգացած, շատ կարգացած և կատարելապէս լուսաւորուած մի անձ է, որ ունի անագին կամք և բնաւորութիւն. նա էլ կարող էր պահանջել երիտասարդից այդպիսի յատկութիւններ:

Եւ երիտասարդը սկսեց գիտակցաբար վերաբերուել իր բարոյական պարտաւորութիւններին, ոչ միայն իր վերաբերմամբ, այլ և այն հասարակութեան վերաբերմամբ, որի մէջ նա ապրում է:



Այսպէս, օրիորդը, ի միջի այլոց, սիրում էր թատրոնը, և երիտասարդը շինեց մշտական թատրոնական բեմ իր քաղաքի մէջ, նոյնպէս և շատ աջակցեց թատրոնի զարգացման, որ բարոյական մի դպրոց է ժողովրդի համար:

Օրիորդը սիրում էր կարգալ, և նրա սիրահարը հիմնում է շրջիկ գրադարաններ գիւղերում և ուրիշ կրթական հաստատութիւններ ժողովրդի համար:

Նա աշխատում էր բարձրանալ մինչև իր իդէալը, ապրում էր նրանով և սիրեց իր իդէալի մէջ—կնոջ մէջ, կանացիութեան գեղեցկութեան, քնքշութեան, կախարդիչ ներդաշնակութեան գաղափարը:

Այսպէս բարեբար է իսկական սիրոյ ազդեցութիւնը մարդու վրայ:

Հէնց այդպէս էլ պիտի լինի, եթէ փոխադարձ ձգտումը կատարեալ բաւարարութիւն է ստանում, եթէ մի զոյգի սէրը հաւասարակշռուած է, այսինքն փոխադարձ սէր է:

Տղամարդը իր բնասորութեան ոյժով, գուցէ խելքի կազմուածքով կնոջից շատ զիմացկուն է:

Մի անգամից կապուելով կնոջ հետ, նա երկար ժամանակ այլ ևս չէ մտածում ուրիշների մասին, և միայն կնոջից, նրա բնածին գրաւչութիւնից, նրա տաքացնող փաղաքշանքից է կախուած դարձնել այդ հաւատարմութիւնը անընդհատ և նոյն իսկ աստիճանաբար աճող:

Սիրող տղամարդն էլ, կատարելով իր սիրած

կնոջ քմահաճոյքները, նայում է այդ բանին, իբրև իր անձնուիրութիւնը արտայայտելու մի միջոցի:

Բայց հէնց այստեղ սկսում են մի շարք անգիտակցական զիջումներ, որոնք կնոջը գնում են պատասխանատուութիւնների և արկածների սահուն ճանապարհի վրայ:

Երբ մի ամենափոքրիկ երկամութիւնը, կասկածը, անվստահութիւնը կամ պատասխանը կնոջ մէջ յարուցանում է զրգուած յանդիմանութիւններ, որոնց հետևում են նախ թեթև, ապա և լուրջ կռիւներ, այն ժամանակ երևան է գալիս խանդի զգացմունքը:

Բայց իսկապէս սիրող կինը, ամբողջովին նուիրուած իր սէրին, չէ կորցնում դուր գալուցանկութիւնը, այլ կենտրոնացնում է այդ ցանկութիւնը, ինչպէս տոաջ ասացինք, ըստստապէս իր սիրած մարդու վրայ:

Նրա բոլոր ոյժերը գործադրուած են իր սիրածի սիրտը, այսպէս ասած, վերջնականապէս իր ձեռքը գցելու համար:

Բայց աւանդ, այսպիսի կատարեալ սէր մենք մեր գործնական կեանքում չենք տեսնում:

Ճնշուած արտաքին քաղաքավարութեան և գործնական հասկացողութիւնների պայմաններով, նա, ինչպէս մի քանի անգամ ասացինք, տարաբախտաբար, ստանում է լպիրշ կերպարանք:

Այսպիսի պայմանների մէջ սէրը չէ կարողանում բաւարարութիւն տալ շրջապատողներին



դուր գալու այն ցանկութեան, որ բնածին է կնոջ մէջ:

Կինը բոլորովին համոզուած չէ թէ իր և իր սիրած մարդու մէջ գոյութիւն ունեցող յարաբերութիւնները խախտու չեն. նա, մեծ մասամբ, երկիւղ է կրում, թէ իր բնածին կոչումը իրագործելու մէջ կարող է անսպասելի ընդհատում տեղի ունենալ:

Ինքը բնութիւնը, մարդկային աճեցողութեան սկզբունքի շահերը նկատի առնելով, պահանջում է յարատևութիւն սիրոյ մէջ:

Եւ երբ այդ յարատևութիւնը չէ բղիտում սիրային կապի ոյժից, երբ մի կողմի անձնուիրութիւնը կատարելապէս չէ համապատասխանում միւս կողմի անձնասիրութեան, հաւատարակչութիւնը խանգարում է և դուր գալու ցանկութիւնը, թէև բոլորովին անգիտակցաբար և ոչ գիտաւորեալ, իր ամբողջ ոյժով մտում է կնոջ մէջ:

Ահա թէ ինչու մենք տեսնում ենք, որ կանանց մեծամասնութիւնը մինչև չափազանցութիւնը զբաղուած է հաղուսաներով, մեծ յօժարութեամբ ժամանակը անց է կացնում երեկոյթների, պարերի, խնջոյքների մէջ, ուր սիրուած մարդը երկրորդական նշանակութիւն ունի:

Ահա թէ ինչպէս պէտք է հաւանականաբար բացատրել կանանց մշտական մրցութիւնը «երկրպագուների խումբ» գրաւելու մէջ շքեղ երեկոյթների, բալերի ժամանակ...

Բարեբախտաբար, միշտ չէ այսպէս լինում.

ամեն ինչ կախուած է սիրոյ ոյժից, սիրահար գոյգի բնաւորութիւնից և բնութիւնից:

Ահագին նշանակութիւն ունի սիրահար գոյգի վարքը մինչև հանգիպումը, փոխադարձ ոգևորութիւնը. շատ բան կախուած է կրթութիւնից, այն հասարակութիւնից, որի մէջ պտտում է այդ գոյգը և ուրիշ այլ պատճառներից:

10.

Օգոստոսի 7-ին.

Թանկագին բարեկամ.

Ինչպէս ասացի վերևում, մի ամենափոքրիկ երկմտութիւն, մի անվստահութիւն, մի կասկած թոյլ է տալիս կնոջը զբաղուած յանդիմանութիւններ անել, որից յետոյ սկսում են նախ թեթև, ապա և լուրջ կռիւներ. — այստեղ ուղղակի սկսում է խանդի զգացմունքը:

Խանդը մի զգացմունք է, որ համարեա ամենքը ունեն և ամենքն էլ դատապարտում են:

Նրա հիմքը, ասում են, ամենից առաջ անվստահութիւնն է, հաւատ չընծայելը. իսկական սէրը չէ կարող տանել մի այդպիսի թունաւոր խառնուրդ:

Սէրը չէ ընդունում անվստահութիւն, հաւատի պակասութիւն. կարո՞ղ է այս մասին որ և է կասկած լինել:

Սէրը, այս բառի բացարձակ մտքով, պէտք



է խիստ հաւասարակշռուած լինի անխախտելի փոխադարձութեամբ և կատարելապէս բաւարարութիւն ստացած. այդպիսի սէրը չէ կարող մի այլ հիմք ունենալ, բացի բացարձակ համալրանքից, բացարձակ հաւատից:

Ինքը, այդ «հաւատ չընծայել» խօսքը, արդէն մի հասկացողութիւն է, թէ կայ մի բան, որ բաժանում է սիրող էակներին, հեռու է պահում իրարից:

Հետեւաբար, երբ խօսք է լինում թէ չկայ հաւատ երկու՝ միմեանց սիրող անձանց մէջ, նշանակում է, թէ նրանց սէրն էլ կասկածելի է:

Բայց իրողութիւնն այն է, որ մեծ մասամբ խանդը նոյն սիրոյ արտայայտութիւնն է, որ սաստիկ գրգռուում է զուտ արտաքին հանդամանքների ազդեցութեան տակ:

Բոցի պէս սէրը այրում է հանդարտ և հաւասար, մինչև որ չէ խանդարուում նրա հաւասարակշռութիւնը:

Բաւական է, մեծ մասամբ, մի թեթև քաժու փոքրիկ շունչը, մի քանի կաթիլ ջուր կամ կողմնակի այրեցիկ մի նիւթ, և բոցը սկսում է բարձրանալ, տարածուել:

Երբ սիրային յարաբերութիւնները գտնուում են բնական զրութեան մէջ, խելքը կամ բանականութիւնը բոլորովին յետ են քաշուում կամ բոլորովին հաւասարակշռում են զգացմունքի հետ. մարդը, այսպէս սասած, զգում է այն, ինչ մտածում է, և մտածում է այն, ինչ զգում է:

Ահա ինչու սիրահարուած անձաներին բոլորովին բնական են երևում այն արարքները, որոնք թէև բոլորովին անհեթեթ են գործնական տեսակէտից, բայց համապատասխանում են նրանց զգացմունքին:

Այս յարաբերութիւնների մէջ տեղի ունեցող ամենաթեթև տոտանումն անգամ խանգարում է հաւասարակշռութիւնը զգացմունքի և բանականութեան մէջ և վերջինս, ինչպէս տիրապետող սկզբունք, ի հարկէ, ուրախ է օգտուելու իր բոլորական ազատութեամբ, որպէս զի հակառակորդին հպատակեցնէ իր գործնական պահանջներին...

Այդ մըցութիւնն էլ ծնեցնում է մարդու մէջ այն կսկծալի, անորոշ, բնազդային կամ անբարենշնչի զրութիւնը, որ անուանւում է խանդ, — ինչպէս արդարացի կերպով բնորոշում է այդ բանը մի զիանական:

Մարդը սկսում է կռուել իր յարաբերութիւնները դէպի իր սիրած էակը, ստուգել իր խելքում նրա իւրաքանչիւր արարքը, վերլուծել նրա իւրաքանչիւր խօսքը և, վերջապէս, չափ ու կըշռի տակ դնել իր սեփական գործողութիւնները:

Այդտեղ կան կասկածի, անբաւականութեան, զրգուման և, վերջապէս, տանջանքի բոլոր տարրերը, բայց դեռ չկայ հաւատ չընծայելը, որ կըտրում է ամեն մի կապակցութիւն:

Հաւատի պակասումը տեղի է ունենում միայն այն ընթացքին, երբ ծայրայեղ լարման է հասնում



այն դրուժիւնը, որ մենք անուանում ենք խանդ, այսինքն այն ժամանակ, երբ ոտն ուղոխ եղած հաւատի զգացմունքը արդէն դառնում է վրէժի ծառաւ և սիրոյ զգացմունքը վերջնականապէս ճնշուում է կամ բոլորովին մի կողմ է քաշուում (Օթէլլօ և Դեզդէմօնա):

Պէտք է ասել, որ յաճախ, երբ տանջանքը երկուստեք է լինում, իսկ սիրոյ զգացմունքը բոլորովին անխախտ է մնում, այդ վրիժառութիւնը չէ կարող տեղական լինել:

Բաւական է մի ջերմ փաղաքշանք, մի քրնքոյշ խօսք, թեթև զղջում, փոքր ի շատէ բաւարար բացատրութիւն և խանդոտը անձնատուր է լինում, խաղաղութիւնը հաստատուում է վերջնականապէս:

Հաւատեղեակները ասում են, թէ այդպիսի բռնկումները յաճախ նոյն իսկ աւելի ամրացնում են սէրը երկու սիրահարների մէջ: Ճիշտ է սա:

Այս բոլոր ասածիցս պարզ հետևում է, որ խանդի աղբիւրը հաւատ չընծայելը չէ, որ միայն հաւաքուած և միմեանց վրայ կուտուած կասկածների հետևանքն է, այլ գուցէ այն յամառութիւնը, որով այս կամ այն կողմը պաշտպանում է իր կեղծ ինքնասիրութիւնը, իր նախապաշարմունքները և վատ հակումները:

Երբ սէրը կատարեալ ներգաշնակութիւն է կազմում, խանդի համար այլ ևս տեղ չէ մնում:

Իսկ ներգաշնակութեան համար անհրաժեշտ հարկաւոր է երկու կողմերի զգացմունքների, հա-

մոզմունքերի և սովորութիւնների եթէ ոչ կատարեալ համաձայնութիւն, ձայնակցութիւն, գոնէ խիստ հաւասարացում՝ փոխադարձ զիջողութեան միջոցով:

Եթէ տղամարդու և կնոջ հոգիները թուում է թէ կատարելապէս միախառնուել են, բայց տղամարդը պահել է ուրիշ կանանց ետևից ընկնելու վատ սովորութիւնը, իսկ կինը «գուր գալու ցանկութիւնից» ձեռք չէ վերցնում, սիրոյ հաւասարակշռութիւնը անպատճառ պիտի խանգարուի:

Զիջողութիւնը և սրտաբացութիւնը խանդի ամենալաւ հակադրութիւնն են կազմում:

Այն տղամարդը, որ ընդունակ չէ այսպիսի յատկութիւններ ցոյց տալու, բնաւորութիւնից գուրկ մի մարդ է և արժանի է դժբաղդ սիրոյ չարչարանքներին:

Բայց թող ներեն իմ փափկասուն ընթերցողուհիները, եթէ ասեմ, որ այստեղ պատասխանատուութեան ամենամեծ մասը կնոջ վրայ է ընկնում:

«Դուր գալու ցանկութիւնը», որ բնածին է կնոջ մէջ, յաճախ դառնում է ամեն դժբախտութիւնների ամենասաստիկ զրդիչ, եթէ կինը չէ կարողանում խեղդել նրան իր սիրոյ մէջ:

Դուր գալու ցանկութիւնը առաջացնում է վտանգաւոր և ավեղցփեղ ընդհարումներ օտար տղամարդկանց հետ և, առհասարակ, այնպիսի գործողութիւններ է պատճառում, որոնք զօռով



անհամաձայնութիւնն են գցում կնոջ և սիրուած մարդու մէջ, փոխադարձութեան երջանկութիւնն են կրճատում և ցրտացնում են զգացմունքը կամ խանդ են զրգուում:

Եթէ կինը միշտ խնամքով, ազնուաբար և անկեղծ պահէր-փայփայէր իր ձեռք բերած փոխադարձ սէրը, նա կը կարողանար գտնել իր մէջ բաւականաչափ խելացիութիւն և խոհեմութիւն՝ խանդ զրգուելու ամեն առիթները հեռացնելու և իր զգացմունքների վերաբերմամբ ամեն մի ջնջին կասկած անգամ ցրուելու համար:

Մարդկային սիրտը լաւ ճանաչողներից շատերը հաւատացնում են, թէ ճշմարիտ սիրող մարդը յաճախ չէ տանում, որ իր սիրած կինը և մի ուրիշ տղամարդ նոյն իսկ չափազանց սիրալիր կերպով փոխանակեն ողջոյններ, ֆիզիկապէս մօտիկ լինեն իրար, օրինակ ամուր սեղմեն իրար ձեռք, նստեն մի կողքի մէջ և այլն, չէ տանում երկդիմի խօսակցութիւնը նրանց մէջ կամ բարեկամական զրազրութիւնը:

Այստեղ նոյնպէս չըկայ չը հաւատալու նշոյլ անգամ: Իւրաքանչիւր այսպիսի մի փաստի մէջ նա միայն տեսնում է, որ մի օտար տարր խուժում է իր զգացմունքի շրջանի մէջ, և զրանից նոյն իսկ տանջանքներ է զգում, այն, ինչ պատճառում է, առնասարակ, ամեն մի անկոչ միջամտութիւն նրա կեանքի մէջ:

Այս դէպքում նրա համար թանկ է իր սիրոյ ամբողջութիւնը, նա պիտի խնայէ այդ զգացմունքը,

պիտի իր սիրած մարդու բնաւորութեան ամենափոքրիկ առանձնայատուկ յատկանիշները ըմբռնէ և հնար եղածին չափ խուսափէ այն ամենից, ինչ յարուցանում է նրա մէջ նոյն իսկ ծածուկ զրգուում:

Դրա վարձատրութիւնը կլինի սիրոյ ներդաշնակութիւնը, յաւիտենական և անկողոպտելի. . .

Ի դէպ, թանկագին բարեկամ, ուշադրութեամբ նայեցէք այն պատկերին, որ գետեղուած է այս գրքոյկի սկզբում:

Գեղարուեստի հրաշակերաններից մէկն է դա. նկարչի վրձինը բաց է արել յաւիտենականութեան վարագոյրը և անմահացրել է յաւիտենական եւ անմահ սիրոյ տեսարանը. նայելով նրան, չէք համոզուում, որ այդ սէրն է մարդկային սրտին յատկացրած, որ նա է մարդկային ցեղի նեցուկը:

Չեր առջև սիրոյ և սիրահար էակն է: Դրժբախտաբար, ճակատագիրը հարուածեց նրան իր անգութ տնօրինութեամբ. նրա սիրած մարդը յանկարծահաս մեռաւ: Եւ անա չքնաղ օրիորդը, այդ որբացած հարմնացուն, պատրաստել է տուել իր սիրած, ծաղիկ հասակում հանգած փեսացուի կիսարձանը և գրել է նրան գերեզմանատանը, իսկ յայտնի օրերին գնում զարդարում է այդ նուիրական կիսարձանը թարմ ծաղիկներով:

Եւ կիսարձանի շրթունքների վրայ ահա նա թողնում է իր անմահ սիրոյ համբոյրների հետ-



քերը, որոնք նման են գարնանային վաղորդեան ցօղերին: Նայեցէք այդ դէմքին, նայեցէք այդ համբոյրին. հանճարեղ վրձինը սրտի անհուն մի պատմութիւն է դրել:

Այսպէս կարող է սիրել միայն գեղեցիկ սեռը:

Դիտեցէք պատկերը. նկարիչը չէ մոռացել և մարդկային ցեղի միւս կէսը. անա պատկերի ձախ կողմում տեսնում էք մի փոքրիկ կիսարձան, որ զարգարում է մի կնոջ գերեզմանը: Անշուշտ նրա առջև էլ կանգնում է սիրող տղամարդը և նոյն ձևով պաշտում է այդ հանգուցեալին...

Ճարտար նկարչի այս ստեղծագործութիւնը թող, բարեկամ, տաքացնէ մեր սառցապատ սրբատերը փոխադարձ սիրոյ վեհ գաղափարով...

11.

Օդոստոսի 15-ին.

Թանկագին բարեկամ.

Պարզ է, որ խանդի զգացմունքը նոյնքան բնական և օրինաւոր է, որքան ինքը, սիրոյ զգացմունքը. պարզ է, որ դա ոչ միայն հոգեկան, այլ և ֆիզիոլոգիական դրութիւն է, որ բնորոշում է սիրոյ փոխադարձութեան խանգարուած հաւասարակշուութիւնը:

Չէ գգում այդ դրութիւնը միայն այն մարդը, որ իր սեփական «եսը» կատարելապէս դի-

մագուրկ է արել, երբ սիրած կնոջ կամքն ու քմահաճոյքը դառնում են նրա համար անխախտ օրէնքներ և ոչինչ բողոք չը վերցնող վճիռներ:

Սովորական լեզուով այդ դրութիւնը անուանում է «գտնուել կոշիկի տակ»:

Այդ զգացմունքը խորթ է մնում մարդուն, եթէ հա այնքան հաւատում է իր սիրոյ ոյժին, այնքան համոզուած է, թէ ինքը բարձր է ամբողջ շրջապատից, որ հեռացնում է իրանից ամեն մի կասկած կողմնակի ազդեցութիւնների և հանգամանքների վերաբերմամբ:

Իսկապէս, սիրող տղամարդին «եսից» զրկելը նոյնքան անզրաւիչ ծայրայեղութիւն է, որքան կնոջ համար վտանգաւոր է մեծամտութիւնն ու ինքնապաշտութիւնը:

Տղամարդը կատարելապէս հպատակուել կնոջը կարող է միայն ի վնաս իր մտաւոր եռանդի և ֆիզիկական ոյժի:

Նոյնպէս ցանկալի չէ կնոջ կատարեալ հպատակութիւնը տղամարդուն:

Այստեղ երևում է սիրոյ փոխադարձութեան բացարձակ խանգարումը:

Մեզ թւում է, որ կիներ ի զուր ուրախանում է, տեսնելով, որ տղամարդու յարաբերութիւնների մէջ դէպի իրան բացակայում է խանդը, մինչդեռ ինքը բաւական առիթներ է տալիս, որ զարգանայ այդ զգացմունքը:

Խանդի զգացմունքը մի անցողական դրութիւն է, բայց և այնպէս՝ երկու կողմերին տալիս



է հնարաւորութիւնս, որ իր ժամանակին հող տանեն հաւասարակշռութիւնը պահպանելու համար:

Թագցնելով իր մէջ այդ զգացմունքը, սիրող մարդը անզխտակցաբար ճնշում է զրանով և սիրոյ զգացմունքը. վաղ թէ ուշ գալիս է այն բուսէն, երբ նրա՝ դէպի սիրած էակը ունեցած յարաբերութիւններէ մէջ սկսում է երևալ մինչև այդ չեղած սառնութիւն: Այստեղից միայն մի քայլ է մնում մինչև խանգարուած փոխադարձութեան կատարեալ քայքայումը:

Կան մի քանի պատճառներ, որոնք հասցնում են այն եզրակացութեան, թէ խանդը ժամանակակից սիրոյ մէջ շատ կարևոր դեր է կատարում:

Այդ պատճառներից մէկը պէտք է համարել այն տարրական ճշմարտութիւնը, թէ ճշմարիտ սիրոյ սրտի մէջ կամ խանդն է սպանում սէրը կամ սէրն է սպանում խանդը: Հակառակ երևոյթ կարելի է նկատել միայն այնտեղ, ուր երևան է գալիս կիրքը:

Իսկ կիրքն է, որ համարեա միշտ հանդիսանում է ժամանակակից սիրոյ զրդիչ:

Մեր օրերի սիրահարը հասնում է այդ կրքին, որովհետև զօրեղ ցնցումների սաստիկ ծարաւ ունի, որով ուզում է արբենալ, որովհետև ունի անբուժելի վէրքեր, որ պատճառել են նրան հիասթափումը, անսանձ կեանք վարելը: Սա զարմանալի էլ չէ մեր ներվային դարում. այսօր ամեն բան, լաղը ոչինչ:

Ժամանակակից հասարակութեան մէջ, ամեն սեղ և ամեն մի անկիւնում, սկզբից մինչև վերջ, վերևից մինչև ցած, ամենքը իրար հետ թշնամացած են, գոյութեան կռիւ մղելով, աջ ու ձախ իրար չեն հաւատում: Չեն հաւատում ընկերին և անձանօթին, չեն հաւատում ընտանիքին: Մարդիկ ապրում են անհոգի, առանց իդէալների:

Ել ինչո՞ւ այն մարդը, որ անցել է կեանքի այդ դպրոցը, պիտի յանկարծ գտնէ իր մէջ հաւատաւոր ողջախոհութեան աղբիւր, մանաւանդ երբ ենթարկուած է այն զգացմունքի շղթայութեան, որ գազանի մնացորդն է փոթորկում նրա մէջ:

Աւելացրէք զբան և այն, որ տասից ինն մարդ, մինչև ամուսնութիւնը կապեր ունենալով կանանց հետ, չեն յիշում մի այնպիսի դէպք, երբ հաւատարիմ մնացած լինեն կնոջը:

Կանանց անհաւատարմութիւնը չէ, որ մեզ սովորեցնում է չը հաւատալ նրանց, այլ մեր սեփական անհաւատարմութիւնը:

Խանդը զանազան տեսակներ ունի, բայց առօրեայ կեանքի մէջ զբանց վերաբերմամբ ոչինչ տարբերութիւն չեն գտնում: Ասում են. «կինը կամ տղամարդը խանդոտ» է:

Խանդի ձևերը յաճախ շփոթւում են և իրար հետևում, իսկ կրքի բնաւորութիւնը տարբեր է: Խանդի ամենապարզ և ամենայայտնի տիպը — զգայնական խանդն է:

Մի փիլիսոփայ շատ վաղուց այսպէս է որո-



շել խանդը. նա, ով կարծում է, թէ իր սիրած կինը ուրիշին է անձնատուր լինում, տանջւում է ոչ միայն այն պատճառով, որ այդ անհաւատարմութիւնը կարող է իր կրթի համար արդէնք դառնալ, այլ և այն պատճառով, որ նա անհրաժեշտօրէն իր սիրած կնոջ պատկերի հետ միացնում է և իր հակառակորդի պատկերը:

Ուստի նա սկսում է ատել այդ կնոջը և այս բանը դառնում է խանդ, որ ուրիշ բան չէ, բայց միայն այն, որ հոգին ստիպուած է սիրել և դրա հետ ատել միևնոյն առարկան:

Այդ ցեխոտման պատկերը, ինչպէս ներկայացնւում է հակառակորդը, որ ապականում է պաշտած մարմինը, միանման ոյժ չունի այն դէպքում, երբ կնոջ այդ մարմինը մեզ է պատկանում արդէն և այն դէպքում, երբ մենք երբէք չենք տիրել նրան:

Այստեղ պարզ երևում է խանդի երկու տեսակը:

Այն դէպքում, երբ մենք խանդ ենք տածում մի կնոջ վերաբերմամբ, որ երբէք մեզ չէ պատկանել, կայ շատ հաւանականութիւն, որ այդ խանդը կը վերջանայ զգուանքով և մեր կիրքը բոլորովին կօչնչացնէ:

Իսկ եթէ, ընդհակառակն, այդ կինը արդէն մերն է, այն փաղաքշանքները, որ նա թափում է մեր հակառակորդի վրայ, դառնում են մի պատկեր, որ մի անսովոր ոյժով զարթեցնում է մեր

մէջ յիշողութիւններ նոյն այդ տեսակ փաղաքշանքների մասին, որ նա մեզ էր տալիս:

Այս յիշողութիւնները ներգործում են մեզ վրայ և զրգուում են զգայնական խանդ, որ իր կողմից ծնեցնում է սաստիկ կիրք. այստեղ, անկասկած, մեծ դեր է խաղում նոյնպէս և ինքնասիրութիւնը:

Մենք կարող ենք լաւ ճանաչել մեր խելքն ու սիրտը, բայց երբէք չենք կարող ճանաչել այն գազանային բնագոյները, որոնք թագնուած են մեր մէջ. ուստի և երբէք չենք կարող ասել «այս կինը ոչինչ իշխանութիւն չունի ինձ վրայ»:

Գեռ Նապոլէոնն է ասել, թէ սիրոյ մէջ միակ յաղթութիւնը փախուսան է:

Զգայնական խանդը սէրից երկար է ապրում:

Սա պիտի որ միխթարանք լինի թողնուած բոլոր կանանց համար, եթէ նրանք սրտից չեն տանջւում, այլ միայն անափառութիւնից: Իրանց զաւաճանող և թողնող աղամարդկանցից վրէժ հանելու համար նրանց մնում է միայն մի նոր տղամարդ ձեռք բերել (սիրական): Գուցէ սրանով նրանք չեն վերագարձնի անհաւատարիմ երկրպագուին, բայց կարող են հաւատացած լինել, որ դորանով ցաւ կը պատճառեն նրան:

Ահա սա է մէկը մարդ-զաղանի ամենամեծ դժբախտութիւններից:

Ո՛չ պատիւը, ո՛չ սէրը այնպէս չէ ազդում խաբուած աղամարդի վրայ, որ նրա մէջ միտք ծագէ սպանել իրան խաբող կնոջը:



Սպանութիւնը զգայնութեան շնորհիւ է տեղի ունենում, հեշտասիրութիւնը յաճախ մօտ է կատարութեան:

Զգայնական խանդը զանազանում է միւս բոլոր խանգերից նրանով, որ երևան է գալիս ժամանակ առ ժամանակ, ոմանք այն պատկերներէրից, որոնք զրգուում են նրան:

Դա ընդհատուող և նորից վերանորոգուող խելագարութիւն է, գէպի որը սառնասրտութեամբ մղում են մեզ չափազանց անբարոյականացած կանայք:

Նրանց գէմ մենք նոյն այս տեսակի գէնք կունենայինք, եթէ իմանայինք արհամարհանքով վերաբերուել նրանց ստորութեանը:

Դժբախտաբար, այդ արհամարհանքը միայն աւելացնում է մեր կիրքը, իսկ այդտեսակ կանայք իրանց ստորութիւնը չեն զգում:

Սիրել մի սիրով, որի մէջ գերակշռողը զգայնութիւնն է, նշանակում է շարունակ բոցավառուել կրքով և շարունակ տանջուել ցանկութիւնների անյազ ծարաւից:

Սիրել սրտով նշանակում է գտնել բարձրագոյն երջանկութիւն ինքնուրացութեան մէջ, ուստի և պէտք է ապացուցուած համարել, որ սիրել սրտով — նշանակում է վաղօրօք ամեն ինչ ներել նրան, ում սիրում են:

Թոյլ տանք մեզ ասել, որ զգայնական խանդը աւելի համարւում է կոպտութիւն. իսկ սրտի խանդը երևում է հազիւ նշմարուող կերպարանքով:

Առաջինը յաճախ սղամարդկանց բաժինն է լինում, երկրորդը՝ կանանց:

Այն բոլոր հանգամանքների մէջ, երբ գլուխը գերակշիռ է հանդիսանում սրտի և զգացմունքների վրայ, սէրը անհետանում է, որպէս զի տեղ տայ եսամոլութեան, — մի եսամոլութիւն, որ աւելի ևս զգուելի է այն պատճառով, որ յաճախ ծածկուած է սենտիմենտալիզմի դիմակով և վարակուած է անափստութեամբ:

12.

Օղոստոսի 21-ին.

Թանկագին բարեկամ:

Խանդի զգացմունքը մեծ մասամբ այնքան սերտ կապուած է մարդկային բնաւորութեան հետ, որ մենք տեսնում ենք նրան բոլոր ազգերի մէջ, բոլոր ժամանակ և կուլտուրական զարգացման բոլոր աստիճանների վրայ:

Խանդին հպատակ է աֆրիկեան որ և է վայրենու սիրտը, նրա հետ և բարձր կուլտուրական զարգացման հասած եւրոպական գիտնականի սիրտը...

Գիտնականների մի մասը ապացուցանում է, որ նախնական մարդկութիւնը բոլորովին ծանօթ չէ սիրոյ կրքին, որ կուլտուրայի սանդղքի առաջին աստիճանների վրայ կանգնած մարդիկ



պարզապէս արունքեր և էգեր են և հնազանդուում են միայն պտղաբերութեան բնազդին:

Պէտք է նկատել, որ եթէ գոյութիւն ունի սիրային կիրքը, պէտք է որ գոյութիւն ունենայ և խանդը:

Սիրային կիրքից յափշտակուած մարդը ուզում է սիրոյ առարկայի միակ տէրը լինել, և ամեն մի մարդու, որ փորձում է տիրանալ այդ առարկային, խլել նրան, նա, բնականաբար, նստում է իբրև իր արիւնսարբու թշնամու:

Հէնց միայն այն երկիւղը, թէ այդպիսի փորձ կարող է լինել «նրա սեփականութեան» վերաբերմամբ, դարձնում է նրան անհանգիստ և կասկածոս:

Նրան լափում է կասկածը, նա մտայլ կերպարանք է ստանում, նա հետզհետէ ամբողջովին անձնատուր է լինում այն անշարժ մտքին, որ կրճում է նրա ուղեղը:

Չը կայ մի փուչ ու դատարկ բան, որ չը յուզէ խանդոտին:

Սակայն նա ինքն էլ անգործ չէ մնում. իր ամբողջ ժամանակը տալիս է այն բանին, որ իր հոգու մէջ մտուցանէ և աճեցնէ այդ անհանգիստ ծնունդը — խանդը:

Նրա համար եռանդով աշխատում են, ջանալով ապացուցանել նրան, թէ որքան անհեթեթ և անհիմն են նրա կասկածները. նա խոհեմութեամբ համաձայնում է այդ բոլորի հետ, խոստովանում

է իր սխալը, մինչև իսկ հեղնում է ինքն իրան և, ըստ երևոյթին, բոլորովին հանգստանում է:

Բայց այդ հանգստութիւնը ընդամենը մի քանի րոպէ է շարունակուում:

Սյն ակնթարթից, երբ նրա ուղեղը կասկածների աւար է դարձել, այլ ևս ոչ մի հնարաւորութիւն չէ մնում, որ նա պահպանէ հաւասարակշռութիւնը:

Սանդոտ մարդը կամ երջանիկ լինելու չափ հանգիստ է, կամ կատաղելու չափ յուզուած, բայց իսկապէս բոլորովին չէ հասկանում ի՞նչ անել, ինչի՞ վրայ կանգ առնել:

Նա զգուելի կերպով լրտեսում է իր կրքի առարկային անձամբ և ուրիշների միջոցով, նա չէր կամենայ աչք հեռացնել իրան անհանգստացնող մարդուց:

Իւրաքանչիւր հայեացք, իւրաքանչիւր ժպիտ նա բացատրում է հազար ու մի տեսակ և վերջի վերջոյ ընկնում է ամենամոայլ կասկածի մէջ:

Չար զգացմունքը նրա մէջ միշտ բարի զգացմունքից զերակշիւ է հանդիսանում:

Դիտող մարդիկ նկատել են, որ խանդոտների մանաւանդ սաստիկ զրգում է և այն, երբ նրանք տեսնում են, որ իրանց սիրած կիները ուրախ խօսակցում է մի որ և է ուրիշ ազամարդու հետ:

Սյդ ուրախ տրամադրութիւնը, այդ ժպիտները, այդ ծիծաղը խանդոտի համար դաւաճանութեան անհերքելի ապացոյցներ են:



Այստեղ սիրած կնոջ ծիծաղը նա ուղղակի իր հաշուին է ընդունում. այդ կինը իր վրայ է ծիծաղում, և ունի հետ—իր հակառակորդի հետ:

Սանդուղը կը կամենար, որ ոչ ոք չը կարողանար նայել իր սրտի սիրած կնոջ:

Մի քանի խանդոտներ իրանց սիրածին փակուած են պահում. նրանք չեն ուզում, որ մէկը տեսնէր նրան, բացի իրանից, որ մէկը համարձակուէր հիացմունքով նայել նրան:

Մի խանդոտ բանուոր դատուում էր այն պատճառով, որ փորձել էր սպանել իր կնոջը. իսկ կնոջ մեղքն այն էր, որ լինելով կրօնասէր, ուզում էր եկեղեցի դնալ. բանուորը այդ էլ չէր թողաւորում:

Աշխարհիկ շրջանին պատկանող խանդոտը, պէտք է ենթադրել, կատարեալ տանջանք է զգում մի որ և է բազմամարդ պարերեկոյթում, երբ տեսնում է, թէ ինչպէս հակառակորդը գրկում է իր սիրած կնոջ մէջքը և պտոյտներ է անում նրա հետ պարի մէջ:

Ի հարկէ աշխարհիկ պարերեկոյթներում մարդիկ դեռ կարողանում են պահել իրանց. բայց պէտք է տեսնել, թէ ինչ է կատարուում այն պարերեկոյթների և խնջոյքների մէջ, որոնք տեղի են ունենում հասարակ ժողովրդի խաւերում. կարելի է անթիւ օրինակներ բերել:

Ամենահանդարտ և հեզ մարդը խանդի ազդեցութեան տակ դառնում է կատաղի գազան. սա սովորական երևոյթ է:

Նրան կեղեքում, չարչարում է խանդը, նա խորապէս տանջւում է և ուզում է, որ նա, ով իր այդ տանջանքների պատճառն է դարձել, քաւէ իր մեղքը նոյնպէս տանջանքներ կրելով:

Նա սկզբում մոայր է, մրթմրթում է ինքն իրան, յետոյ անցնում է յանդիմանութիւններին, կատաղի հայնոյանքներին, սպառնալիքներին և վերջացնում է ծեծով:

Սանդուղը, ըստ երևոյթին, չէ կարող իրան յետ պահել կուռից. նրա ձեռքերը քոր են գալիս:

Հասարակ ժողովրդի ընտանիքներում խանդը առաջացնում է սպառնալիքների և բռնուցքների մի ամբողջ հեղեղ նոյն անողորմ լողիկայով, ինչպէս փոթորկալից ամպը անձրևի հեղեղներ է թափում: Այստեղ լրտեսելը դառնում է մի ինչ—որ բնական պահանջ. կինը, ինքն ըստ ինքեան հասկանալի է, ազամարդուց յետ չէ մնում:

Սանդը կնոջ կողմից մեծ մասամբ ներում է և նոյն իսկ սիրոյ ապացոյց է համարում, բայց միայն յայտնի սահմանների մէջ:

Երբ խանդոտը ոտնակոխ է անում ամեն մի սահման,— մի բան, որ, տարբարխտաբար, յաճախ է տեղի ունենում,—, այն ժամանակ համբերութիւնն էլ դուրս է գալիս սահմանից, և այդպիսի միջոցով ապացուցուող սէրը կորցնում է իր ամբողջ գեղեցկութիւնը:

Գալիս է ըստէ, երբ խանդը ընտանեկան օջախը կատարեալ մի դժոխք է դարձնում, և այն



ժամանակ խեղճ կիներ, ահաբեկուած այդ վագրային սէրից, փախչում է առանց յետ նայելու:

Մօտ ժամանակներում այսպիսի սիրոյ զոհերից մէկը դատարանում պատմում էր, որ իր ամուսինը համարեա պսակադրութեան ընդհանր սկսած եօթը տարուայ ընթացքում, անդադար, օրը օրին, հալածում էր իրան, կնոջը, յանդիմանութիւններով, կռիւներով, հայհոյանքներով և սպառնալիքներով: Ի դէպ ասեմք, որ այդ կնոջ մարդու էին տուել ծնողները առանց նրա կամքի:

Նա պատմում էր, որ իր ամուսինը անդադար կրկնում էր. «Կառնեմ երկու ատրճանակ և կպահեմ մահճակալիս մօտ. առաջ կնոջս կսպանեմ, յետոյ ինձ»:

Վերջացաւ այդ դրաման նրանով, որ տղամարդը շատ ծանր վէրք հասցրեց իր անբիծ կնոջը և սպանեց իրան:

Մեր շուրջը, կեանքի մէջ, այսպիսի օրինակներ շատ և շատ կան: Եւ մեծ մասամբ դրժբախտ կանայք չեն կարողանում մի ճշմարիտ ելք գտնել իրանց համար, ուստի յաճախ ակամայ ընկնում են անառակութեան գիրկը:

Մի ուրիշ խանդոտ սովորութիւն էր դարձրել ամեն գիշեր իր բարձի տակ մի ահագին խոհանոցային դանակ դնելը:

Նրա կինը, յուսահատութեան հասնելով մահուան այդ մշտատե սպառնանքի տակ ապրելու մտքից, վերջ ի վերջոյ չդիմացաւ և փախաւ իր ծնողների մօտ:

Սանդոտ ամուսինը զնաց նրա մօտ, ունենալով, ըստ երևոյթին, ամենախաղաղ դիտաւորութիւններ, համոզում էր նրան, ամենախորին զրդշում էր յայտնում, և կարողացաւ այնպէս անել, որ կինը նորից վերադարձաւ իր մօտ:

Բայց վերադառնալուն պէս սկսուեց հին պատմութիւնը. ամուսինը էլի այն էր, նոյն իսկ աւելի վատանում էր:

Երբ կինը սկսեց համոզել, որ աւելի լաւ է խնդրել ապահարգան, ամուսինը ոչխարի պէս մորթեց նրան:

Սանդոտները մի անսովոր կատաղութիւն և անգթութիւն ունեն դէպի իրանց զոհերը. տանջելիս նրանք ոչ մի սահման չեն ճանաչում:

Կուում են, հարուածներ են հասցնում, ինչով ասես, աչքին, քթին, փորին, ոտներին. ատամներ են շարդում, կտորում են մասները և այլն:

Ահա մի նշանաւոր գիծ. ծեծելով իր զոհին, խանդոտը չէ թոյլ տալիս նրան բղաւել և գանգատուել. գանգատները միայն կրկնապատկում են խանդոտի կատաղութիւնը, և նա այդ գանգատներին պատասխանում է նոր և նոր տանջանքներով:

Եւ այդ գազանային բռնութիւնների զոհերից շատերը անտրտունջ դիմանում են զարմանալի երկար ժամանակ:

Ազգականները, ծանօթները, հարեանները տեսնում են, որ կինը սաստիկ ծեծուած է, հար-



ցնում են թէ ի՞նչ է պատահել, իսկ նա սովորաբար  
չէ մատնում իրան տանջողին և հնարում է զանա-  
զան պատճառներ իր մարմնի կապտած տեղերը  
բացատրելու համար:

13.

Օդոստոսի 27-ին.

Թանկագին բարեկամ.

Խանդը յաճախ այն աստիճան անհիմն է լի-  
նում, որ երբ յանցանք գործած խանդոտը կանգ-  
նում է դատաւորների առաջ, վերջիններիցս մի  
քանիսը սկսում են վիճել և ապացուցանել, թէ  
այս յանցանքի մէջ ոչ մի խանդ չէր կարող լի-  
նել, թէ խանդոտութեան ոչ մի առիթ տեղի չու-  
նէր և թէ մեղադրուողը զիտմամբ սուտ է ա-  
սում և շփոթում է, որպէս զի կարողանայ մի որ  
և է արգարացում գտնել իր համար:

Տարաբախտաբար, առիթների բացակայու-  
թիւնը, ինչպէս արդէն տեսանք, ոչ մի կերպ չէ  
կարող ապացոյց լինել, թէ բացակայ էր և խան-  
դը: Ոչ մի տեսակ առաքինութիւն, ինչ անսահ-  
ման չափերի էլ եթէ հասնէ նա, չէ պաշտպանում  
կնոջը խանդից:

Պէտք չէ ասել, թէ ինչ կատաղութեան են  
հասնում այլ ամուսինները, որոնք ունեն, ինչ-  
պէս իրանք են կարծում, պատճառներ կասկա-

ծելու, թէ այն զաւակը, որով իրանց կինը պա-  
տաստուում է երջանկացնել իրանց, պատկանում  
է մի ուրիշին...

Դատաստանական գործավարութիւնից յայտ-  
նի են շատ դէպքեր, երբ կասկածից տանջուող  
հայրերը սպանել են իրանց յղի կանանց:

Մի երիտասարդ ամուսին գնդակ խփեց իր  
յղի կնոջ և նրա մօրը:

Գնդակից ծանր վիրաւորուած կինը գետին  
ընկաւ և հէնց այդտեղ մի մեռած երեխայ ծնեց:

Զօքանչի վրայ ուղղած գնդակը վրիպել էր,  
չէր դիպել և այս բանը այնքան զայրացրեց երի-  
տասարդին, որ նա խելագարի պէս սկսեց թա-  
կել նրան հրացանի յետքով:

Ինչպէս ասուած է վերևում, անկարելի է  
թոյլ տալ, որ խանդը շօշափէր միայն կնոջը ձեռք  
դցելու հարցը. անշուշտ, խանդոտը աչքի առաջ  
ունի սիրած արարածի ոչ միայն մարմինն, այլ  
և սրտին տիրապետելը:

Կրկնում ենք, լինում են զանազան բնաւո-  
րութիւններ, և այս տարբերութիւնը պիտի ար-  
տայայտուի այն ձևերի մէջ, որ ստանում է խան-  
դը: Կան այնպիսիներ, որոնց խանդը աւելի հոգևոր  
կողմն ունի աչքի առաջ, կան և այնպիսիներ, ո-  
րոնք մարմնի հարցն են իրանց խանդի առարկայ  
դարձնում:

Եթէ մի խանդոտ մարդ, որ խանդի հետ ու-  
նի և թոյլ կամք, հոգևորի (սրտի) հարցն ունի



աչքի առաջ, նա աւելի շուտով ինքնասպան կը դառնայ, քան ուրիշին սպանող. իսկ սեռային կըրքով բռնուած խանդոտը, ընդհակառակն, աւելի ուրիշին սպանող կը դառնայ, քան ինքնասպան:

Մի դէպքի հերոս դարձաւ մի հասարակ բանուոր-կաշեգործ:

Այս մարդը երիտասարդութեան տարիներում ինչ որ մի յանցանք էր կատարել. նրան դատեցին, դատապարտեցին մի ինչ-որ պատժի:

Իրանից յետոյ նա սաստիկ սիրահարուեց և ամուսնացաւ մի աղջկայ հետ, որին չյայտնեց, թէ յանցանք է գործել:

Անցաւ մի քանի տարի, և յանկարծ կինը իմացաւ, որ իր ամուսինը դատուած և պատիժ կրած մի մարդ է: Եւ այս բանը սաստիկ վիշտ պատճառեց կնոջը:

Իսկ ամուսինը, ենթադրելով, թէ այդ բոպէից կինը այլ ևս չպիտի սիրէ իրան, այնքան ցնցուեց այդ մտքից, որ ատրճանակը ուղղեց իր ճակատին և սպանեց իրան:

Սակայն խանդոտի սովորական տիպը այդ չէ. սովորականը մի կատաղի վագր է, որ մի ձեռքում բէվօրվէր ունի, միւսում խէնջար: Այս մարդիկ մեծ մասամբ ներվային հոգեկան հիւանդներ են:

Նա կատաղած է, նա գազանութիւն է անում, մոռացութեան տալով ամեն մի չափ:

Նա ոչ միայն սպանում է, այլ և ծուլատում է, այլանդակում է, հնարում է մի այնպիսի բան,

որի առջև սարսափահար կանգնում է մարդկային խելքը:

Նա համարձակ խօսք է տալիս՝ իր գազանութեան մէջ գերազանցել ամեն մի բաշիբուզուկից:

Մի խանդոտ ամուսին, օրինակ, առաջ խեղդում է իր կնոջը, ապա այրում նրա երկու ստները:

Վերին աստիճանի հետաքրքրական են յետին թւով ծագած խանդոտութեան դէպքերը:

Մարդը ամուսնանում է մի այրիի կամ ապահարզան ստացած կնոջ հետ, և յանկարծ սկսում է խանդ գգալ դէպի կնոջ առաջին ամուսինը, դէպի մի մարդ, որ նոյն իսկ կենդանի էլ չէ:

Այն միտքը, թէ իր կինը մի ժամանակ պատկանելիս է եղել մի ուրիշին, խելքահան է անում նրան:

Այսպիսի յետին թւով խանդը յաճախ իր ամբողջ ծանրութեամբ ընկնում է բոլորովին անմեղ արարածների, երեխաների վրայ:

Ահա մարդը ամուսնացաւ մի այրիի հետ, որ առաջին ամուսնուց ունի երեխայ: Այս դժբախտ երեխան խանդոտ ամուսնու համար մի կատարեալ աչքահանիկ է:

Նա շարունակ, ինչպէս ասում են, «կնոջ գլուխը տանում է» երեխայի պատճառով և կինը, եթէ միայն թանգ է համարում ամուսնու լաւ վերաբերմունքը դէպի իրան, նոյնպէս սկսում է սակաւ առ սակաւ սովորել այն մտքին, թէ այդ ե-



երեսան մի արգելք է իր երջանկութեան համար: Նա առաջ գուցէ վառ սիրով էր կապուած իր երեսայի հետ, բայց ամուսնու խանդոտութիւնը հետզհետէ արտաքսում է նրա սրտից մայրական սէրը:

Սկզբում այդ մայրը անտարբեր է դառնում զէպի իր մանուկը (աւելորդ է ասել, որ դա մայր չէ, այլ անբարոյական մի ճիւղ), իսկ յետոյ ամուսնու հետ միասին սկսում է ատել նրան:

Այս դրութիւնից երբեմն այն հետեանքն է ծնում, որ այդ տեսակ ամուսինները վճռում են նոյն իսկ ոչնչացնել երկուսի համար ասելի դարձած մանուկին, որ արգելք է դառնում նրանց մէջ բարի համերաշխութիւն հաստատելու զէմ:

Մի քանի անգարգացած կին՝ ամուսիններ լաւ չեն ըմբռնում, որ խանդոտ այդ մարդու սպառնալիքները բոլորովին դատարկ խօսքեր չեն, բայց քիչ չէ պատահում, որ նրանք խիստ վախենում են սրանց սպառնալիքներից:

Պատահում է, որ կինը օգտակար է համարում այդ մասին ազդարարել իր ազգակամներին: Երբեմն նա ուղղակի յայտնում է նրանց. «Իմ ամուսինը ուզում է սպանել ինձ. ես համոզուած եմ, որ այս մօտիկ օրերում ինձ մեռած կը զբառնեն»:

Եւ նրա գուշակութիւնը, տարաբախտաբար, քիչ զէպքերում չէ իրագործւում:

Ախալցխայում մի գազան ամուսին այսպէս սպանեց իր կնոջը. պատժից ազատ մնալու հա-

մար նա իսկոյն փախաւ Թիւրքիա և այնտեղ մահմետականութիւն ընդունեց: Այս զէպքը պատահել է քսան տարի առաջ. հասկանալի է, որ նա մի աննորմալ մարդ էր:

Ով երբէք իր աչքով դիւահար չէ տեսել, նրան կարելի էր յանձնարարել, որ նայէ խանդոտին այն միջոցին երբ խանդը տենդային կերպարանք է ընդունում:

Մի խանդոտ ամուսին, բառի բուն մտքով, ատամները կրճտացնելով, գոռում էր. թէ պիտի պատռէ իր հակառակորդի փորը, պիտի թափէ նրա աղիքները:

Այստեղ մենք, ի հարկէ, չենք բերի այն սարսափելի, կեղտոտ, մարդ փախցնող խօսքերն ու ոճերը, որոնց մէջ ձուլւում է խանդոտի գազանային բարկութիւնը:

Մի քանի գիտնականներ, օրինակ՝ յայտնի Լօմբրօզօն \*), յենուելով այն առանձնայատկութիւններին, որոնք նկատուում են դիւահարուած խանդոտի ոգու զօրութեան մէջ, փորձել են, առաջնորդուելով այդ արտաքին նշաններով, ապացուցանել թէ այդպիսի մարդը հարկաւ աննորմալ մէկն է:

«Այդ խանդոտները», ասում է Լօմբրօզօն, որոնք ոյժ չունեն իրանց բարկութիւնը զսպելու, և որոնք ազգապակում են, թէ վրէժ հանելու ինչ ծրագիրներ ունեն, անշուշտ, խիստ տարբերում

\*) Տես իմ «Ով է մեղաւոր» գիրքը:



են մարդկային նօրմալ տիպից, որովհետև սովորական մահկանացուն, երբ մտադրուում է մի յանցանք կատարել, չէ սկսում աղաղակել այդ մասին զանգակատանից, այլ, ընդհակառակն, իր ամբողջ կատաղութեամբ աշխատում է թաղցնել իր դիտաւորութիւնը»:

Ի դէպ, պէտք է ասել, որ խանդոտի վերաբերմամբ ճիշտ է այն ասացուածքը, թէ «յաւելուածոյ սրտի բարբառէ բերան»: Կիրքը կոյր է և չէ ճանաչում ո՛չ զգուշութիւն և ո՛չ խոհեմութիւն: Այդ կուրացնող, կլանող կիրքը ամեն ինչ յետ է քաշում, երկրորդական տեղ է դնում:

Այստեղ մարդուն բոլորովին չէ վախեցնում ո՛չ այն սարսափելի խայտառակութիւնը, որի պատճառը ինքը պիտի լինի, ո՛չ զլխաստման մեքենան կամ, ամենալաւ դէպքում, տաժանակիր աշխատանքը, որոնք սպասում են իրան. նա ամբողջովին մի խելագար զառանցանքի մէջ է:

Խանդոտ ամուսինը վերցնում է դանակը, շարժում է մի խումբ վկաների առաջ և կանչում է, թէ կապանէ իր կնոջը, եթէ դրա համար նոյն իսկ տաժանակիր աշխատանքների ուղարկեն իրան:

Մի խանդոտ, սպանելով կնոջը, սկսեց ծուլատել նրա դիակը և մսագործի նման մանրեց նրան:

Խանդոտութեան բռնկման ժամանակ մորթուած կանանց մեծ մասի մարմինները դանակով կամ խէնջարով ծակծակուած կամ կտրտուած են լինում բոլոր ուղղութիւններով:

Կուռի պատրաստուելով իր ախոյեանի դէմ,

այսինքն իր կնոջ իսկական կամ կարծեցեալ սիրականի դէմ, խանդոտը, սովորաբար, զինուում է ոտքից մինչև գլուխ:

Նա վերցնում է ամեն ինչ, որ կարող է մահաբեր լինել. հրացան, ատրճանակ, խէնջար, դանակ, երբեմն երկու, նոյն իսկ երեք հատ իւրաքանչիւրից. անշուշտ, այս բոլորը դեռ քիչ է թւում: Մի մարդ, սպանելով իր կնոջը, 18 վերք հասցրեց նրան և յետոյ պատմում էր դատարանում, որ հարուածում էր խելագարի նման, մինչև որ ձեռքը նեղացաւ:

«Եթէ ես ունենայի այնքան կեանք, որքան կաթիլներ կան արիւնիս մէջ, — բացականչում է Շէքսպիրի Օթէլլօն, — այդքան կեանքերն էլ քիչ կըլինէին իմ վրէժխնդրութիւնը յազեցնելու համար»:

Այսպէս կատաղած, բարկութիւնից կուրացած է լինում խանդոտ մարդասպանը յանցանք գործելու վայրկեանին, բայց այս բոլորը, ի հարկէ, չէ վերցնում նրանից ո՛չ բարոյական և ո՛չ քրէական պատասխանատուութիւնը:

Այդպիսի մարդասպանների բժշկական քննութիւնը անփոփոխ գտնում է, որ արիւնը ուղեղին է տուել, դէմքը սաստիկ կարմրած է, աչքերը բնից դուրս են ցըցուել:

Պրօպլը հաւատացնում է, որ խանդոտ կանայք, որոնք վճռում են սպանութիւն գործել, համարեա միշտ հակառակ երևոյթ են ներկայացնում. յանցանքի վայրկեանին նրանք չեն կար-



մրում, այլ, ընդհակառակն, սպրանում են, դողում են, մի խօսքով, մեծ երկիրդի մէջ են գրանւում:

Ոմանք այդպիսի կանանցից, մի քանի հարուածներ տալով բէվօլվէրից, ուշաթափուում են կամ շղածգական դողոցքի մէջ են ընկնում:

Առհասարակ սպանութիւնից յետոյ այն սարսափելի գրգումունքը, որ մինչև այդ բռնել էր ոճրագործին, մեծ մասամբ անցնում է շատ արագ. կատաղութեան տեղ երևան է գալիս զըզշումը, յաճախ և կատարեալ յուսահատութիւնը:

Երբեմն էլ վերջին ժամին քնքշութեան մի հոսանք է բարձրանում խանդոտի մէջ և նա փաղաքշում է իր զոհին, սպանութիւն կատարելուց առաջ:

Օթէլլօն համբուրում է Դէզդէմոնային և ապա խեղդում:

Պանդոտ սպանողը միայն շատ հազուագիւտ դէպքերում է փախուստի դիմում:

Յաճախ, նոյն իսկ համարեա միշտ, նա առանց դիմադրութեան յանձնում է իրան արդարագատութեան ձեռքը, ասելով. «Նա սպանեցի կնոջս, բռնէցէք ինձ»:

14.

Օդոստոսի 30-ին.

Թանկագին բարեկամ.

Ձոհը սպանելու և ապա ինքնասպանութիւն

գործելու գաղափարը բաւական յաճախ է այցելում խանդոտի ուղեղը:

Այս տեսակ ոճրագործներից մի քանիսը զանգատուում են, թէ կեանքը իրանց ձանձրացրել է և յայտնում են, թէ հաստատ վճուել են վերջ դնել իրանց կեանքին:

Նրանց դէպի ինքնասպանութիւն մղողը այն համոզմունքն է, թէ կլինը չէ սիրում, իսկ առանց այդ սիրոյ նրանք միտք չեն գտնում աշխարհի վրայ տարելու մէջ:

Բայց վճուելով վերջ դնել իր կեանքին, մարդը մտածում է կնոջ մասին:

Նա մտածում է, որ եթէ ինքը վերանայ մէջտեղից, կլինը պիտի պատկանէ մէկ ուրիշին, պիտի երջանիկ լինի այդ ուրիշի հետ. իսկ այս միտքը անտանելի է նրա համար:

Այս պատճառով էլ նա վճուում է նախ սպանել կնոջը, ապա միայն վերջ տալ իր կեանքին:

Ի դէպ, ինքնասպանների մասին սովորաբար շատ հեշտ ասում են. «Մի եսամով էլ պակասեց»:

Մարդկանց մեծամասնութիւնը հաւատացնում է, թէ առհասարակ կանայք տղամարդկանցից աւելի խանդոտ են և աւելի եռանդոտ կերպով են արտայայտում իրանց խանդոտութիւնը, ինչպէս ասացինք վերևում:

Կանանց խանդոտութիւնը աւելի յաճախ հիմնուած է լինում հոգևոր սկզբունքների վրայ, քան տղամարդկանցը:



Կինը քիչ է տանջուում սեռական կրքերով և խանդոտութեամբ, հիմնուած այդ կրքի վրայ:

Նրա խանդոտութեան համարեա հիմնական գրգռիչը ոտնակոխ եղած ինքնասիրութիւնն է:

Այս հանգամանքը պէտք է որ կախում ունենայ հասարակական գիրքից. անարգարութիւն է երևում, որովհետև կրթութեան միանման պայմանների մէջ կինը տղամարդից ոչ մի բանով պակաս չէ \*):

Կինը տղամարդու պէս հնարաւորութիւն չունի բաւարարութիւն տալ իր ինքնասիրութեան, ձգտելով դէպի պատիւներ, իշխանութիւն, փառք և հուշակ հասարակական կեանքի զանազան ասպարէզներում, ուստի նրա ամբողջ հպարտութիւնը և բոլոր բաւականութիւնները կենտրոնանում են մի բանի վրայ— գուր գալ, հարկադրել որ իրան սիրեն:

Կեանքի պայմանների այս տեսակ դասաւորութիւնը ակամայ կենտրոնացնում է նրա միտքը սիրոյ վրայ:

Կանայք խանդոտ են հասարակական բոլոր գիրքերի մէջ, և աշխարհիկ տիկնոջ խանդոտութիւնը ոչնչով չէ զանազանում նրա աղախնի խանդոտութիւնից:

Զանազանութիւնը գուցէ միայն այն լինի, որ հասարակ ժողովրդի կինը խանդի ազդեցութեան տակ աւելի մեծ յօժարութեամբ է դիմում

\*) Տես իմ «Կինը և տղամարդը»:

բուռնցքներէ, քան մի որ և է կոմսուհի, իշխանուհի: Կասկած չը կայ, որ զանազան տեսակ է լինում, ամեն ինչ կախուած է բնաւորութիւնից և խանդի աստիճանից:

Պրօպն ասում է, որ կանայք երբեմն ինքնասպանութեան դիմում են, զրգուած այնպիսի մի խանդից, որի պատճառները զարմանալի դատարկ են լինում:

Լինում են դէպքեր, երբ բաւական է, որ ամուսինը տուն վերադառնայ մի քիչ ուշ այն ժամանակից, երբ կինը սպասում էր նրան, կամ թէ բաւական է, որ կնոջը այնպէս երևայ, թէ ամուսինը անտարբեր է դարձել դէպի իրան. բաւական է և այն, որ ամուսինը իր կնոջ ներկայութեամբ լաւ խօսէ մի ուրիշ կնոջ մասին և այլն:

Այսպիսի դատարկ բաները իսկոյն առաջացնում են յանդիմանութիւններ, յանդիմանութիւնները դառնում են բացատրութիւն, ապա կռիւ. մէկ էլ տեսնում ես ջղային կինը վազում է դէպի պատուհանը և հինգերորդ յարկից իրան ցած է գցում:

Սանդստ կինը մի հատ անշարժ միտք ունի. նա ուզում է, որ ամուսինը միայն իր մասին մտածէ, միայն իրանով լինի զբաղուած:

Նրան զրգուում է նոյն իսկ այն ուշադրութիւնը, որ ամուսինը ցոյց է տալիս դէպի իր բարեկամները. այս բարեկամները, ինչ էլ լինի, խլում են ամուսնու սրտի մի մասը:

Գիտնականի կինը կարող է խանդ գգալ դէ-



սլի նրա գրքերը, որովհետև այդ գրքերը խլում են գիտնականի ժամանակի մի մասը և որ գրել-խաւորն է, մի յայտնի բաւականութիւն են պատճառում նրան. նշանակում է, որ գիտնականը բաւականութիւն գտնում է իր կնոջից դուրս, ապա ուրեմն այդ գրքերը այդ կնոջ հակառակորդներն են:

Բանը այն տեղին էլ է հասնում, որ խանդոտ տիկնոջ մէկը սկսում է համոզուել, որ իր ամուսինը չափազանց գեղեցիկ է, ուստի և մտածում է, թէ ինչ պէտք է անել այդ գեղեցկութիւնը մի քիչ պակասեցնելու համար:

Այդպիսի խանդոտներից մէկի ամուսինը ծաղիկ ընկաւ. հիւանդութեան ժամանակ կինը անդադար կրկնում էր. «Ես ամբողջ սրտով կցանկանայի, որ նա այլանդակուած մնար, ապա թէ ոչ նա չափազանց գեղեցիկ է»:

Մանաւանդ տանջալից է լինում խանդոտ կնոջ դրութիւնը այն ժամանակ, երբ նա իր ամուսնուց փոքր ի շատէ տարիքով է:

Անկաշառ հայելին ցոյց է տալիս նրան սպիտակած մազեր, կնճիւղներ դէմքի վրայ, հանդած հայեացք. նա յուզմունքով իմանում է, որ իր ատամները շարժւում են և, առհասարակ, թառամում է իր գրաւչութիւնը:

Միևնոյն ժամանակ նա կասկածոտ աչքերով նայում է իր ամուսնուն, ցնցուելով տեսնում է նրա թուխ մազերը, թարմ դէմքը, փայլուն հայեացքը:

Նա լաւ գիտէ, որ ամուսինը դեռ շատ և շատ կարող է դուր գալ կանանց, և այս գիտակցութիւնը անտանելի տանջանքներ է պատճառում նրան:

Եթէ, ի լրումն այս բոլորի, պատահէ այնպէս, որ կինը նկատէ փոքր ինչ անուշադրութիւն իր երիտասարդ ամուսնու կողմից, այն ժամանակ նրա դրութիւնը դառնում է անտանելի: Այստեղից արդէն մի քայլ է մնում մինչև քրէական գրաման:

Սանդը առատ հունձ է գտնում այն կանանց շրջանում, որոնք մի ընտանիքի են պատկանում: Յայտնի է, թէ Նապօլէօնի քոյրերը որքան տանջում էին նրա կնոջը, ժօզէֆինային, իրանց խանդոտութեամբ:

Իր որդուն կամ աղջկան ամուսնացնող մայրը խանդ է զգում դէպի իր հարսը կամ փեսան:

Վերջապէս կան և այնպիսի կանայք, որոնք խանդ են զգում դէպի իրանց սեփական երեխաները:

Կանայք յաճախ են դանգատում, թէ իրանց այլ ևս չեն սիրում, իսկ իրանք միևնոյն ժամանակ չեն սիրում նրանց, որոնց սէրն են պահանջում:

Այսպիսով գեղեցիկ սեռը երբեմն ցոյց է տալիս զարմացնող երևոյթ — խանդ առանց սիրոյ:

Կինը, օրինակ, համարեա բոլորովին չէ սիրում իր ամուսնուն, բայց պահանջում է, որ ամուսինը սիրէ իրան և խանդոտ է դառնում, երբ



համոզուում է, որ մի հակառակորդ ուրիշ կին կայ:  
Այստեղ, երևի, առաջին տեղը դրուած է  
ինքնասիրութեան հարցը:

Կնոջ հարկաւոր է իր ամուսնու սէրը, որով-  
հետեւ այդ սէրը ամուսնու ցոյց տուած ուշադրու-  
թեան չափն է:

Նա չէ կարող տեսնել, որ իրանով զբա-  
ղուեն, որ իրան արհամարհեն:

Ծնողների և զաւակների մէջ տեղի ունեցող  
խանդոտութիւնից առաջացած յանցանքները կա-  
տարեւրապէս հրէշաւոր կերպարանք են ընդունում:

Որդիները մորթում են իրանց հայրերին, մայ-  
րերը իրանց աղջիկներին:

Ճիշտ են ասում, թէ մարդու սրտի մէջ նիր-  
հող գազան կայ \*):

Սա ճշմարիտ է:

Այդ գազանը խկապէս չէ էլ նիրհում և զար-  
թած ծածանակը այնպիսի գործեր է կատարում,  
որ սարսափում ես մարդ ասած էակի համար և  
համոզուում ես, որ մարդը իր զգուելի վատու-  
թեան մէջ կարող է ամեն մի կենդանուց շատ ա-  
ռաջ գնալ...

Առհասարակ արտաքին ֆիզիկական, կլիմայա-  
կան, ֆիզիոլոգիական գործօնները շատ մեծ ազ-  
դեցութիւն են անում խանդի արտայայտութեան  
ձևերի վրայ:

Կլիման, օրինակ, անկասկած, ազդում է այդ

\*) Տես իմ «Կոիւ և իրաւունք» գիրքը:

զգացմունքի սաստկութեան վրայ. այրող երկինքը  
այրող կրքեր է ծնեցնում: Հարաւի այրող արե-  
գակը արեահարութիւն է պատճառում և հարա-  
ւացու կիրքը նոյնպէս որոտի հարուածներ ու  
կայծակներ է երկնում:

Մի խանդոտ իտալացու կամ սպանիացու շատ  
բան չէ հարկաւոր, որպէս զի դե դառնայ բար-  
կութիւնից: Նրանց բաւական է տեսնել, որ ի-  
րանց սիրածը խօսում է մի օտար մարդու հետ:

Այսպիսի մի դէպք նորերումս տեղի ունե-  
ցաւ հարաւային Ֆրանսիայում, Մարսէլ քաղաքի  
մէջ:

Մի խանդոտ կին տեսաւ, որ իր ամուսինը  
խօսում է մի ուրիշ կնոջ հետ, պարզապէս խօ-  
սում է և ուրիշ ոչինչ: Բայց խանդոտին այդ-  
քանն էլ բոլորովին բաւական էր կրակ ընկնելու  
համար: Նա վերցրեց մի շիշ ծծմբաթթու և իր  
ամուսնուն նրանով ողողեց ոտից մինչև գլուխ:

Նրան բոլորովին չէին շփոթեցնում զոհի սըր-  
տապատառ աղաղակները, նա շարունակում էր  
թափել այրող հեղուկը, մինչև որ գատարկեց շիշը  
մինչև վերջին կաթիլը:

Երբ հարաւացին, օրինակ, իտալացի բան-  
ւորը, բռնուում է խանդից, նա այլ ևս ոյժ չունի  
իրան գոպելու և ամենասարսափելի սպառնալիք-  
ներ է թափում իր սիրած կնոջ և նրա իրական  
կամ երեակայական սիրականի հասցէին:

Սովորաբար նա ի կատար է ածում այդ սպառ-  
նալիքները. նա չէ սիրում զուր տեղը խօսել:



Առհասարակ, իտալացու, սպանիացու համար մարդ սպանելը մի աւելի դժուար գործ է, քան մի բաժակ գինի խմելը:

Այսպիսի «բեալագեօգները», սովորաբար, չեն բաժանում իրանց խէնջարից, և ինամում են նրան ինչպէս հարագատ գաւակին, եղբօրը, մաքրում են, սրում են, փայփայում են:

Իտալացիները ահագին թւով յանցանքներ են կատարում կրքոտութիւնից զրդուած, նրանց է պատկանում անդրանկութեան արմաւենին և քաղաքական սպանութիւնների մէջ:

Ամենքը դեռ լաւ յիշում են Ֆրանսիայի նախագահ Կարնօի, սպանիական մինիստր Կանուլասի, աւստրիական եղիսաբէթ թագուհու և, վերջապէս, Իտալիայի թագաւոր Հումբերտի սպանութիւնները: Այս չորս դէպքերում էլ սպանողները իտալացիներ էին: Իտալացին սարսափելի ինքնասէր և վրիժաու է. ահա կրքոտութիւնից առաջացած բազմաթիւ սպանութիւնների պատճառը:

Հետաքրքրական է նայել նոյն ոճրագործին սպանութիւն կատարելուց մի կամ երկու շաբաթ յետոյ. նոյն այդ ոճրագործները, որոնք սպանութիւնից յետոյ անմիջապէս հրձուում են մի շարհանգիսաւորութեամբ և համարեա պարծենում իրանց գործած ոճիրով, մի շաբթից յետոյ նկատելի կերպով ցածրացնում են իրանց ձայնը, իսկ մի շաբաթ էլ անցնելուց յետոյ սկսում են զրդջալ և նոյն իսկ հեկեկալ: Նրանցից շատերը բա-

ցարձակ խոստովանում են, որ իրանց արարքը զգուելի էր և եթէ չը լինէր կոյր բարկութիւնը, որ այդ ժամանակ այրում էր նրանց, երբէք նրանք այդպիսի վատութիւն չէին անի:

Ոճրագործը գնալով աւելի և աւելի թողնում է կատաղութիւնը, վրիժաւութեան գործի յաղթանակը հետգհետէ ջնջւում է նրա հոգուց և շուտով մենք կտեսնենք մի ամենահասարակ մահկանացուի, որ ամենաանկեղծ կերպով կզղայ իր կատարած յանցանքը:

Ի հարկէ գոյութիւն ունեն և այլասեռուած մարդիկ, գոյութիւն ունեն բարոյական խելագարութեան ենթարկուած մարդիկ, վերջապէս, կան պարզապէս հոգեկան հիւանդ մարդիկ. բայց մենք ոչ մի իրաւունք չունենք պնդելու, թէ իւրաքանչիւր խանդոտ — սպանող կամ այլասեռուած մարդ է կամ խելագար:

15.

Սեպտեմբերի 5-ին.

Թանկագին բարեկամ.

Մինչև այստեղ մենք խօսեցինք խանդի մասին ընդհանրապէս. այժմ տեսնենք մասնաւորապէս այն խանդը, որ ծնւում է զաւաճանութիւնից:



Կեանքի ներկայ պայմանների մէջս էրը, խանդը և դաւաճանութիւնը պիտի միմեանց ձեռք տուած դնան:

Նշանաւոր է, որ դաւաճանութիւնը, մանաւանդ ամուսինների մէջ, շատ յաճախ ներկայանում է թէ իրանց, ամուսիններին և թէ շրջապատողներին իբրև մի տեսակ դատարկ բան, չարաճճիութիւն:

Ծանօթները, ինչպէս սովորական կարգ է, իմանում են այդ չարաճճիութեան մասին աւելի վաղ, քան այն ամուսինը, որ դաւաճանութեան զոհն է դարձել. և ծանօթների շրջանում այդ չարաճճիութիւնը դառնում է հանաքների և սրախօսութիւնների առարկայ:

Բայց այսպէս է ամուսնական դաւաճանութեան սկիզբը միայն. իսկ նրա շարունակութիւնը և մանաւանդ ողբերգական վերջը արագ կտրում են ուրախ տրամադրութիւնը:

Ամուսինը, վերջապէս, տեղեկանալով իրողութեանը, բոլորովին տրամադիր չէ լինում ընդունել նրան ծիծաղով ու հանաքներով:

Կնոջ դաւաճանութիւնը այր ամուսնու համար և հակառակը՝ այնպիսի մի բարդ և ահագին աղէտ է, որ նրա դիմաց բոլորովին անհնարին է ոգու ուրախ տրամադրութիւնը:

Դաւաճանութիւնը, որ անում է մի ամուսին միւսի վերաբերմամբ, մի կոպիտ հարուած է, որ միանգամից, ինչպէս ասում է, բոլոր տեղերին է խփում. նա շանթահար է անում պատուի զգաց-

մունքը, քարուքանդ է անում սիրոյ և երջանկութեան բոլոր անուրջները:

Այդ դաւաճանութիւնը, այդ ամուսնական անհաւատարմութիւնը ծնեցնում է տղամարդի մէջ մի չարատանջ կասկած իր երեխաների հարազատութեան մասին, իսպառակութեան, անվերջ ընտանեկան կռիւների պատճառ է դառնում և այդ կռիւների մէջ կամայ-ակամայ խառնւում են երեխաները, ազգականները, ծանօթները, ծառաները:

Այդ քիչ է, խաբուած ամուսինը դէմ առ դէմ կանգնում է իր հակառակորդի առաջ, որի հետ նա յաճախ պիտի կռիւ, մրցութիւն ունենայ կնոջ տիրելու համար: Հին բարի ժամանակները, տարաբախտաբար շատ հին ժամանակները, տղամարդիկ էլ, կանայք էլ ողջախոհ կեանք էին վարում:

Այն ժամանակները ոչ ոք ոչ մի ժամանակ արատը չէր դարձնում իր համար զուարճութեան առարկայ:

Կինը միայն մի անգամ իր կեանքի մէջ կարող էր փայփայել իր մէջ տղամարդի հետ կապուելու ձգտումը և այդ՝ միայն օրինական ամուսնութեան միջոցով:

Բոլորովին այլ պատկեր է ներկայացնում այժմեան ժամանակը:

Այժմ դաւաճանութիւնը և յանցանքի մի շատ երկար պոչ, որ ձգւում է նրա ետևից, բռնում է



քրէական վիճակագրութեան աղիւսակների մէջ շատ էական տեղ (Ֆրանսիա):

Բայց չէ՞ որ քրէական վիճակագրութեան մէջ մտնում են միայն այն դէպքերը, որոնք արդարագատութեան ձեռքն են ընկել: Եւ ի հարկէ դաւաճանութեան բոլոր դէպքերը չեն ունենում աղմկալի քրէական վերջաբանութիւն:

Պէտք է մտածել, թէ դաւաճանութիւնների ինչ ահագին քանակութիւն անյայտ է մնում այն անձանց համար, որոնք նրանց զոհն են դարձել: Եւ վերջապէս այն անձանց շարքերում, որոնք գիտեն դժբախտութիւնը, մի՞թէ քչերն են լինում, որոնք աւելի լաւ են համարում լռել և զանգակատան բարձրութիւնից չեն աղաղակում իրանց ընտանեկան չարաղէտ դիպուածների մասին:

Դաւաճանութիւնը երկու կողմանի մի գործողութիւն է. դաւաճանում է և՛ կինը ամուսնուն, և՛ ամուսինը կնոջը:

Պէտք է ասել, որ կնոջ դաւաճանութիւնը, առհասարակ, աւելի ծանր կերպով է այր ամուսնուն հարուածում, քան հակառակը, ուստի և դաւաճանութեան առաջացրած յանցանքների թիւը աւելի սաստիկ կերպով դէպի կնոջ դաւաճանութեան կողմն է թեքում:

Կնոջ դաւաճանութեան եթէ ոչ գլխաւոր, գոնէ յաճախ երևացող պատճառներից մէկը պէտք է համարել ամուսինների հասակի անհաւասարութիւնը:

Տնտեսական պայմանների պատճառով այժ-

մեան ժամանակ տղամարդկանց մէջ հաստատ սովորութիւն է դրուած որքան կարելի է երկար ժամանակ ամուրի մնալ անկախութիւն պահպանելու համար. բայց դրանից, կինն էլ վերջնականապէս ստրկացրուած է:

Այսպէս ասած «օրինաւոր ջէնտլմէն» անուն իւրացնող երիտասարդները իրանց կեանքի երեք քառորդը հարկաւոր են համարում ամեն տեսակ և ամեն ուղղութեամբ զուարճութիւնների և շուայտութեան տար. իսկ դրա համար հարկաւոր է ազատութիւն և անկախութիւն, որոնք չեն հաշուում ամուսնութեան հետ:

Ուրեմն, ընտանեկան օջախը ինկատի է առնւում, ինչպէս մի տեսակ զերեզմանաքար, ինչպէս մի տեսակ խաչ, որ դնւում է ոչ մի կապ ու պարտաւորութիւն չը ճանաչող ազատ կեանքի վրայ:

Բայց որքան հասակ է առնում այդպիսի երիտասարդը, այնքան նրա մէջ, կամայ-տկամայ, զօրեղանում է ամուսնական կեանքի «քորը»:

Մարդը մի տեսակ ձգտում է զգում դէպի խաղաղութիւնը, դէպի հանգստութիւնը կամ, ինչպէս սովորաբար ասում են, դէպի «խաղաղ նաւահանգիստ»:

Ամենից յաճախ այդ ձգտումը դէպի նաւահանգիստ զայլիս է այն ժամանակ, երբ ամենակարող ժամանակը արդէն աւերումներ է գործում գլխի մազերի և բերանի ատամների խիտ և կանոնաւոր շարքերում:



Կաւարէրը սկսում է համոզուել, որ ինքը գնա-  
լով աւելի և աւելի անընդունակ է գառնում դէ-  
պի մի որ և է բան, որ աշխարհի վրայ ապրուս-  
տի ոչ մի ձևի համար ընդունակ չէ, բացի... ամ-  
ուսնական կեանքից:

Եւ նա ամուսնանում է:

Զարմանա՞նք, երբ այդպիսի ամուսնութիւնը,  
ուր հակադրուած են երկու այնպիսի մարդիկ, ու-  
րոնցից մէկը արդէն սպառել է իր սեռական ե-  
ռանդը, իսկ միւսը նոր միայն սկսում է օգտուել  
նրանից, ոչինչ բարիք չէ բերում:

Քրէական անկողմնապահ տարեգրութիւննե-  
րը մեր առջև լուսաւորում են այս փաստը ամե-  
նափայլուն կերպով:

Ծեր ամուսինների ջանքի կանայք, որոնք դա-  
ւաճանութեան հիման վրայ կատարուած յանցան-  
քի պատճառով դալիս նստում են դատարաննե-  
րում մեղադրուողներին նստարանի վրայ, յաճախ  
ամենաանկեղծ ցինիզմով յայտնում են յանցանքի  
շարժառիթը:

Մի կին, որ թունաւորել էր իր ծեր ամուս-  
նուն, ընտանեկան շարունակ տեղ ընդհարումնե-  
րի միջոցին կրկնում էր.

«Ես ջանիլ եմ, դու ծերացած. երեխաներ  
ես չունիմ և սրա փոխարէն ես ինձ վարձատրում  
եմ, ինչպէս կարողանում եմ և ինչպէս ցանկա-  
նում եմ»:

«Իմ ամուսինը—պատմում էր այս խմբին  
պատկանող մի ուրիշ ոճրագործ կին—իմ ամու-

սինը 25 տարով մեծ էր ինձանից, և մենք վա-  
ղուց դադարել էինք միմեանց հետ տղամարդ ու  
կին լինելուց»:

Դժուար է ասել, թէ ինչու ընդունուած է  
խոհեմութիւն անուանել այսպիսի ամուսնութիւն-  
ները ծեր տղամարդկանց և ջանիլ կանանց մէջ:

Եւ սակայն, հասարակութեան մէջ հէնց այս-  
պիսի անունով են զանազանում սիրուց բղիւսած  
ամուսնութիւնը (որպէս թէ անխոհեմ) այն ամ-  
ուսնութիւններից, որոնք կնքուած են առողջ դա-  
տողութեամբ, այն ամուսնութիւններից, որոնց  
օգտին խօսում են մի ամբողջ կոյտ փաստաբա-  
նութիւններ:

Ծերացած ամուսինը զուտ ոսկի է և ոչ թէ  
մարդ. նա և՛ խելահաս է, և՛ լուրջ է, և՛ թե-  
թեւոյիկ չէ, և՛ փոփոխական չէ, և՛ ապահովուած  
է և այլն:

Մինչդեռ թուում է, թէ ամենահասարակ ա-  
ռողջ դատողութիւնը պէտք է ուղղակի դատապար-  
տէ այդ ամուսնութիւնները, հէնց պարզապէս այն  
ֆիզիոլոգիական տարբերութեան պատճառով, որ  
գոյութիւն ունի փեսայի և հարսի մէջ:

Այդ տարբերութիւնը միանման չարագէտ է  
երկու կողմերի համար, այսինքն միևնոյն է, թէ  
սով է տարիքով. տղամարդը թէ կինը:

Շատ ծերացած ամուսինը նոյն Աստուծու  
պատիժն է ջանիլ կնոջ համար, ինչպէս շատ  
ջանիլ տղամարդը ծերացած կնոջ համար. հետև-  
անքները միևնոյն են:



Առաջին դէպքում տղամարդն է գտնուում կնոջ դաւաճանութեան սպառնալիքի տակ, իսկ երկրորդ դէպքում ծերացած կինը պիտի երկու աչքը մի անէ, որ իր երիտասարդ ամուսինը, ինչպէս ասում են, «մեղքի տակ չընկնի»:

Այն ամուսնութիւնների մէջ, ուր չըկայ ներդաշնակութիւն, շատ երիտասարդ ամուսինը չափազանց արագ ցրտանում է դէպի իր կինը. վերջինս ձանձրոյթ ու տաղտկութիւն է պատճառում, և ամուսինը շուտով կտրում է բոլոր յարաբերութիւնները նրա հետ, յաճախ և բոլորովին թողնում է նրան, որպէսզի ազատ նուիրուի իր գուարճութիւններին:

Այսպիսի ջանիլ ամուսիններից մէկը սկսեց նրանով, որ վունդեց իր կնոջը, յետոյ, տեսնելով, որ նա չէ ուզում իրան բաց թողնել, սպանեց:

Դատարանում նա անկեղծօրէն յայտնեց, թէ ամուսնանալով շատ ջանիլ հասակում, նա շուտով ենթարկուեց ազատ ու ուրախ ապրելու գայթակղութեան և վճռեց ժամանակաւորապէս բաժանաւել իր կնոջից, բայց մտադրութիւն ունէր նորից ապրել նրա հետ, երբ բոլորովին կըկշտանար կեանքից:

Այս երիտասարդին 18 տարեկան հասակում ամուսնացրել էին 15 տարեկան աղջկայ հետ, որպէս զի դրանով պահպանած լինեն նրան երիտասարդ հասակին յատուկ կրքերից:

Չափազանց ջանիլ ամուսինը շատ դէպքե-

րում է ցոյց տալիս, որ չէ կարող լինել ընտանիքի լաւ անդամ:

Ամուսնական անհաւատարմութիւնների մի ուրիշ պատճառն էլ պէտք է համարել ստիպողական ամուսնութիւնը:

Շատ յաճախ է պատահում, որ ջանիլ աղջիկը կամ ունի փեսացու կամ գոնէ կազմել է իր համար ամուսնու մի իդէալ: Ծնողները իրանց իշխանութեան ճնշումով հարկադրում են նրան գնալ մի մարդու, որ ոչնչով նման չէ նրա իդէալին:

Չարմանալու բան չկայ, որ այսպիսի դէպքում ջանիլ կինը չէ դադարում իր ջարդուած յոյսերը ողբալուց և եթէ ապագայում դէպքը հանդիպեցնում է նրան նախկին փեսայի կամ, առհասարակ, մի այնպիսի անձի հետ, որ համապատասխանում է նրա իդէալին, նա անձնատուր է լինում այդ մարդուն:

Տարաբախտաբար, հազուադիւտ են այն կանայք, որոնք «պատուաւոր» են մնում. դժբախտ կանանց կեանքն է նրանց զցում անառակութեան գիրկը. դա ճիշտ որ անառակութիւն է, որովհետև այդպիսի կնոջ իդէալը կարող է յաճախ փոխուել հազար ու մի կենսական պայմանների շնորհիւ:

Այն կինը, որ ստիպմամբ է ամուսնացել, եթէ ունի փոքր ի շատէ գիւրաթեք խղճմտանք, կիմանայ գտնել շատ բաւարար արդարացում իր մեղքերի համար:



Նրա դէմ դորձ են ածում ոյժ: Շատ գեղեցիկ: Նա ոյժի դէմ դուրս կը հանէ խարէութիւն և խորամանկութիւն և, ինչպէս շատ անգամ է պատահում, կգնայ կեղծ ճանապարհով ու կը փշանայ: Այստեղ ահա հարց, ո՞վ է մեղաւոր:

Կըթուած և զարգացած քահանան կարող է շատ մեծ դեր կատարել այսպիսի ամուսնութիւնների ժամանակ:

Աւելի առաջ գնալով, կտեսնենք որ ամուսինների հասարակական դիրքի, բայց մանաւանդ կըրթութեան և դաստիարակութեան անհաւասարութիւնը, հասակների անհամաչափութեան նման, վատ ազդեցութիւն է անում ընտանեկան կեանքի վրայ: Եթէ կինը բացարձակապէս աւելի խելօք և կըթուած է, քան ամուսինը, այն ժամանակ նա, ի հարկէ, սարսափելի կերպով ճնշուած պիտի լինի նրա հետ մօտ լինելու մտքից:

Այդպիսի ամուսնու փաղաքշանքներն ու քրնքշութիւնները և առհասարակ նրա անձնաւորութեան ամբողջ կազմուածքը հեռացնում են, դէն են հրում կնոջը:

Մեծ մասամբ կանանց դէպի իրանց ամուսիններն ունեցած սիրոյ մէջ փառասիրութիւնը բաւական աչքի ընկնող տեղ է բռնում:

Կինը անպատճառ կամենում է հպարտ լինել իր ամուսնով. նրան հարկաւոր է, որ ամուսինը փայլէ հասարակութեան մէջ իր խելքով, տաղանդով, դիրքով:

Իսկ միայն սրտի և բնաւորութեան ծանրա-

կշիռ յատկութիւնները միջին դիրքի կնոջ համար չափազանց քիչ են, որ դրանց պատճառով սիրէ իր ամուսնուն:

Վատ է այն ամուսնու բանը, որի խօսքերի և ձևերի համար իւրաքանչիւր քայլում պիտի կարմըրէ նրա կինը:

Անցեալներում մի կին գնդակահար արաւ իր ամուսնուն գիշերը, քնի ժամանակ:

Դատարանում պարզուեց, որ հանգուցեալը մի բարի, ամենքից յարգուած, բայց հասարակ, չը կըթուած մարդ էր, իսկ նրա կինը ստացել էր փայլուն կըթութիւն, բառի բուն նշանակութեամբ, չէր կարողանում տանել իր պարզամիտ մարդուն, նրա գուեհիկ ձևերի համար: Եւ այդ կինը ամուսնացել էր նրա հետ, որովհետև ինքը ազքատ էր, իսկ նա հարուստ:

Ահա և սովորական դրաման:

16.

Սեպտեմբերի 12-ին.

Թանկագին բարեկամ.

Քիչ կան դաւաճանութեան պատճառներ:

Շատ ամուսնացած կանայք մեղքերի մէջ են ընկնում այն պատճառով, որ շատ չափազանցրած ակնկալութիւններ և յոյսեր են դնում ամուսնութեան վրայ:

Այսպէս է գեղեցիկ սեռի այն ներկայացուցիչները սովորական վիճակը, որոնք բոմանտիական բնաւորութիւն են ստացել:



Նրանց թուում է, թէ ամուսնութիւնը կը բերէ մի ինչ որ առանձին, անվերջ, ոչ-երկրային երջանկութիւն:

Նրանց երեակայութիւնը ստեղծում է երանութեան մի մշուշապատ պատկեր, որի ինչ լինելը նրանք էլ կարողութիւն չունեն հասկանալու:

Կոպիտ իրականութիւնը արագ փշուր փշուր է անում այդ երեակայական պատկերները, դառնապէս հիասթափուած կինը, զգալով իրան չափազանց դժբախտ՝ ճակատագրի ուղարկած ամուսնու հետ, սկսում է դէս ու դէն ընկնել, որոնել մէկին, որ փոխարինէր նրան, և որի հետ նա յոյս ունի իրականացնել իր երկրային դրախտը:

Քիչ չեն և այն վտանգները, որոնք սպառնում են զգայնոտ կանանց, այսինքն այնպիսիներին, որոնք երազում են պլատոնական անմարմին, ոչ երկրային սէր:

Յայտնի է, որ այսպիսի սէրը վերին աստիճանի անկայուն է, միշտ որոնում է մի ելք իր չը հաւասարակշռուած դրութիւնից:

Շատ ջանիլ կանայք են ընկնում պլատոնական սիրոյ ցանցերի մէջ, որ նրանց առաջ փոռում են փորձուած Դոն-ժուանները:

Մի երիտասարդ գրաւեց մի պատուաւոր ամուսնացած կնոջ և սկսեց իր նուաճումը ամենամաքուր պլատոնական սիրոյ հողի վրայ:

Նրա գրաւած տիկինը վերին աստիճանի սենտիմենտալ և քովանտիկ մի անձ էր և այսպիսով

շատ մեծ յարմարութիւններ ունէր պլատոնական սիրոյ ցանցն ընկնելու համար:

Կեանքը թուում էր նրան մի ձանձրալի և անձուռի բան:

Իսկապէս նրա կեանքը բոլորովին դատարկ էլ չէր, քանի որ նա ունէր չքնաղ երեխաներ, որոնց կրթութեան գործով նա կարող էր լցնել կեանքի դատարկ տեղերը, ճեղքերը:

Զգալով, որ իր մէջ մի ինչ-որ տարօրինակ բան է կատարւում, տիկինը աշխատում էր հանգատացնել իրան, հաւատացնելով ինքն իրան, թէ դէպի երիտասարդն ունեցած իր զգացմունքը բոլորովին մաքուր է, եղբայրական և նրա մէջ չկայ ոչինչ յանցաւոր և խայտառակ բան:

Մի անգամ երիտասարդը ուշաթափուեց նրա մօտ:

Ամեն խնամք թափելով նրան ուշքի բերելու համար, խեղճ կնիկը չկարողացաւ պահել հոգու այնպիսի շարժումները, անձնուիրութեան այնպիսի արտայայտութիւնները, որոնց մէջ արդէն շատ եղբայրական ու մաքուր բան չէր մնում:

Եւ, վերջ ի վերջոյ, երբ նա բաց արաւ իր աչքերը, արդէն ուշ էր, և իր յանցանքը քաւելու համար վերջ դրեց իր կեանքին:

Տաղտկութիւնն ու պարապութիւնն էլ քիչ դեր չեն խաղում զաւաճանութեան դրամաների մէջ: Այստեղ երկար բացատրութիւններ չեն ընկնելու կարիք էլ չկայ, որովհետև ամեն ինչ պարզ է.



տաղտկութիւնը պահանջում է գուարճութիւն, պահանջում է, ինչպէս ասում են, ցրուել:

Իսկ այս դէպքում ինչք կարող է աւելի հետաքրքրական լինել, քան սիրային ինարիզը, որ կարող է գերել կնոջ ամբողջ էութիւնը:

Ձուր չէ ասուած թէ տաղտկութիւնն ու ծուլութիւնը բոլոր արատների մայրն են:

Հասարակ ժողովրդի կանանց մէջ սիրային դաւաճանութիւններին շատ նպաստում է հակումը դէպի թունդ խմիչքները, որոնց քիչ չեն լինում ենթարկուած հասարակ կանայք: Օրինակ, Պարիզում լինում են օրեր, երբ դատարաններում քրննուում են տասր, տասներկու գործեր, որոնց մէջ մասնակցութիւն ունեն արբեցող կանայք և որոնք արբեցողութեան պատճառով են դատաստանական գործ դառել: Այդպիսի գործերի հերոսների մէջ սովորական է տեսնել և ջահիլ կանանց, 17, 16 և նոյն իսկ 15 տարեկան աղջիկներին:

Բայց այս մասին չարժէ էլ երկար խօսել, քանի որ լաւ յայտնի է, թէ մարդկանց ինչ խոզային դրութեան է հասցնում արբեցողութիւնը:

Տղամարդու զանազան բնածին պակասութիւնները, նոյնպէս և կոպտութիւնը, ինչպէս և հարկաւոր էր սպասել, կարող են խորին զրգուանք ներշնչել կնոջը և դաւաճանութեան պատճառներ դառնալ:

Մի տիկին աստուծ էր իր առաջին ամուսնուն և անա ինչ էր գրում իր բարեկամուհուն. «Նա ինձ կսպանէ իր շնչառութեամբ» (Որքան կա-

րևոր է ամեն անգամ դիմել բժշկին և թոյլտուութիւն ստանալ ամուսնանալու համար):

Ձարմանք չէ, որ խորշող բնաւորութիւն ունեցող կինը խուսափէր այդպիսի շնչառութիւն ունեցող տղամարդու փաղաքշանքներից:

Տղամարդու կոպտութիւնը ամուսնական կեանքի սկզբում շատ յաճախ յարուցանում է ջահիլ ու նրբազգաց կնոջ մէջ խորին զրուանք, որը նա յետոյ այլ ևս անկարող է լինում խեղդել:

Առհասարակ կոպտութիւնը տանել չէ կարող ամեն մի կին, և սակայն սրբան քիչ բան է հարկաւոր մի ջահիլ կնոջ նրբազգացութիւնը խնայելու համար, մի կնոջ, որ դեռ ոչինչ հասկացողութիւն չունի ամուսնական պարտաւորութիւնների մասին:

Մի քանի տղամարդիկ իսկապէս մի անգամ ընդ միշտ քայքայում են իրանց ընտանեկան համաձայնութիւնը այն անսովոր կոպտութեամբ, որ ցոյց են տալիս ամուսնութեան առաջին օրերում:

Մեծ բախտ կլինէր, եթէ մարդիկ լսէին մի հին փիլիսոփայի այս խօսքերը. «Այր և կին ամուսինները պիտի ամեն տեղ և ամեն ժամանակ իրար հետ այնպէս վարուեն, որ կարծես թէ նոր են ծանօթացել և դեռ չեն պսակուել»:

«Եթէ նոյն իսկ իրար չեն սիրում, անկասկած իրար կյարգեն փոխադարձ յարաբերութիւնների մէջ թէ-տանը, ուր մենակ են և թէ հասարակութեան մէջ»:

Երբ ամուսնացած կինը միանգամից կանգ-



նել է սիրային արկածների լայր ծուն ու փշոտ ճանապարհի վրայ, նրա ամբողջ կեանքը այնուհետև կամայ-ակամայ դառնում է ստույթեան, խաբէութեան, կեղծիքի մի անընդհատ ցանց:

Յաճախ իր ամուսնու և հասարակութեան ուշադրութիւնը իրանից հեռացնելու համար նա սկսում է կեղծել բարեպաշտութիւն:

Այդ անում է նա այն հաշուով, որ ոչ ոք չի մտածի կասկածել, թէ մի այդպիսի աստուածասէր անձ, ինչպիսին ինքն է, կարող է վատ վարքի տէր լինել:

Ամուսնու աչքին թող փչելու համար նա իրան ձեռացնում է խանդոտ և սարսափելի տեսարաններ է սարքում. առաջ կռիւներ, ապա և հաշտութիւն:

Նա խաղում է կամ կոմեդիա կամ ողբերգութիւն և թեքւում է, գալարւում է դէպի բոլոր կողմերը:

Զուր չէ, որ սիրային արկածների մէջ ընկած կնոջ բնաւորութիւնը համեմատում են կասուի բնաւորութեան հետ:

Այստեղ էլ նոյն արտաքին հեղութիւնն է, նոյն առերես շնորհալիութիւնը, նոյն կեղծութիւնը, և նոյն չարութիւնը. ուստի և թաւիշի պէս փափուկ թաթիկը մի գլուխ սուր ձիրաններ է հանում:

Մի մի անգամ էլ, ամուսնու ուշադրութիւնը իսկական սիրականից հեռացնելու համար, նա ամուսնուն «քրս» է տալիս. մի ուրիշ, բոլորովին

անմեղ մարդու դէմ, զանգատւում է նրա մօտ, որ այդ մարդը շատ է ընկնում իր ետևից, խընդրում է ազատել իրան այդ աներես Դօն-ժուաշից:

Եւ սրտաշարժ ամուսինը, հիացած այդ մտերմութիւնից, անսահման հաւատով է վերաբերւում իր կնոջ առաքինութեան և յաճախ կուռւմ ու ծեծւում է այն մարդու հետ, որին ցոյց էր տուել կինը:

Այն կինը, որ ուզում է ապահարզան ստանալ իր սիրած մարդու հետ ամուսնանալու համար, ամեն տեսակ թակարդներ է լարում իր ամուսնու առաջ և յաճախ ցոյց է տալիս խելքի մի ապշեցուցիչ ճարպիկութիւն և ինտրիգը առաջ տանելու հնարագիտութիւն:

Անցեալներում մի լրագրի մէջ տպուած էր, թէ մի լեհուհի իւրաքանչիւր քայլում այնպէս էր անում, որ ամուսինը նրան հայնոյէ և նոյն իսկ ծեծէ:

Նա յամառութեամբ մերժում էր ամուսնական փոխադարձութիւն տալ նրան, իր ամուսնուն, հաշուելով, որ այդպիսի պահեցողութիւնը կհարկադրէ ամուսնուն սէր որոնել ուրիշ տեղերում: Նրան հէնց այդ էլ հարկաւոր էր: Նա կկարողանայ հետևել ամուսնուն, բռնել նրան յանցանքի տեղում և այդպիսով ձեռք բերել մի անխորտակելի առիթ ապահարզանի համար:



Դաւաճանող կինը քիչ է մտածում իր երեխաների սիրոյ և յարգանքի մասին:

Յաճախ նա իրան այնքան բաց է պահում երեխաների մօտ, որ նրանք կորցնում են իրանց յարգանքը դէպի նրան (շատ է պատահում, որ անհաւատարիմ կինը իր երեխաների միջոցով է նամակներ ուղարկում սիրականին):

Եղել են դէպքեր, երբ մայրը իրան թոյլ է տուել անուանարկել իր աղջկան, որպէս զի նրանով վարագուրէ իր սեփական տգեղ վարքը:

Հագուազիւտ չեն և այն դէպքերը, երբ յանցաւոր մայրերը սկսում են խորապէս ատել իրանց երեխաներին, որոնց առաջ սիրում էին: Օտար մարդիկ, օրինակ, հիանում են այդպիսի մօր երեխաների գեղեցկութեան վրայ, իսկ նա վրդուվուած պատասխանում է.

«Ի՞նչ լաւ բան էք տեսնում այդ հրէշի մէջ, ես նրան տեսնել չեմ կարող. երբ սկսում է լաց լինել, ես ուզում եմ ջարդել նրան»:

17.

Սեպտեմբերի 19-ին.

Թանկագին բարեկամ.

Ամուսնական պարտաւորութիւններին դաւաճանող կնոջ ատելութիւնը դէպի իր սոգամարդը և այն բոլոր խաղերը, որ նա խաղում է ա-

մուսնու գլխին, շատ կարևոր դեր են կատարում ամուսնական անհամաձայնութիւնների մէջ:

Այս ատելութեան հիմքը մի տարօրինակ հոգեբանական երևոյթ է. — մարդու բնաւորութեան յատուկ է ատել գրկուածին:

Վիրաւորանք հասցնելով իր մերձաւորին, մարդը, փոխանակ զղջալու, ինչպէս պէտք էլ ինէրթէ առողջ դատողութեան և թէ արդարութեան ամենապարզ զգացմունքի օրէնքով, սկսում է ատել վիրաւորանք կրածին:

Գժուար է հաստատել, թէ մեր հոգու այս յատկութիւնը ընդհանրական է, թէ նա գտնուում է ամեն մի մարդու մէջ:

Մենք այստեղ չենք մտնի այս հարցի մանրամասնութիւնների մէջ, բայց կարևոր է իմանալ, որ այդ երևոյթը յամառութեամբ կրկնուում է, համարեա առանց բացառութեան, սիրային դաւաճանութեան բոլոր դրամաների մէջ:

Իր ամուսնուն և առհասարակ իր սիրած մարդուն դաւաճանող կինը, որ յամենայն դէպս մեղաւոր է այդ մարդու առջև, վիրաւորանք, անպատուութիւն է հասցնում նրան, միաժամանակ վառուած է նրա դէմ մի ատելութեամբ, որ երբեմն նոյն իսկ ինքնասպանութեամբ է վերջանում:

Փաստը հաստատուն է, անուրանալի:

Կինը վիրաւորանք է հասցնում մարդուն, նա մեղաւոր է այդ մարդու առաջ, բայց փոխանակ զղջալու, նա այնքան լցւում է ատելութեամբ, որ



աշխատում է, որքան կարելի է, շատ սաստկացնել իր գործած չարիքը: Աւերացնենք և այն, որ քրէական դատավարութեան սուած փաստերով ապացուցուած է, թէ որքան բարի և անձնուէր է լինում այր մարդը, այնքան անհաշտ է այն ատելութիւնը և անզուսպ է այն զգուանքը, որ տածում է կինը դէպի նրան:

Սովորաբար առաջին արարքը, որի մէջ արտայայտում է ատելութիւն դէպի ամուսինը, բամբասանքն է:

Կինն զգում է, որ ամուսինը արհամարհում է իրան. մի և նոյն ժամանակ նրա հարագատ երեխաները յաճախ բողոքում են նրա վարքի դէմ և սրանով սաստկացնում են իրանց սէրն ու քնքշութիւնը դէպի հայրը:

Կինը այս բանի վրէժը հանում է ամուսնուց և երեխաներից:

Նա սկսում է երեխաների մօտ բամբասանք անել հօր մասին, ամենասե զոյներով է ներկում նրան, առատաձեռնութեամբ վերագրում է նրան ամեն տեսակ, ամենից զգուելի արատներ:

Մօր մշտական ազդեցութեան տակ գտնուող երեխաները յաճախ ենթարկւում են նրա ներշնչման և վարակւում են նրա ատելութեամբ դէպի իրանց բոլորովին անմեղ հայրը:

Այսպէս ահա, չարախօսութեան և բամբասանքի միջոցով կինը ապահովում է իր առաջին յաղթանակը. նա զրկում է իր ատած մարդու երեխաներին, ոչնչացնում է նրանց սրտի մէջ

որդիական սէրը դէպի հայրը, մի սէր, որ այդպիսի հանգամանքների մէջ մնում է այդ հօրհամար միակ մխիթարութիւն:

Գիժբախտ մարդը, յուսահատութեան հասնելով այդ չարախօսութիւններից, շատ յաճախ գլուխ է կորցնում, մոռանում է ամեն սահման, կատաղում է, սկսում է հայհոյել և ծեծել. — ահա մի ամբողջ դրամա, և երեխաները մնում են առանց կրթութեան:

Պակաս չեն այն դէպքերը, երբ այդպիսի չարաբախտ ամուսինները, յուսահատուելով կնոջ անառակութիւնից և այն ատելութիւնից, որ գրբգուել է կինը երեխաների մէջ, վերջ են դնում իրանց կեանքին, ինքնասպանութեան դիմելով:

Տարօրինակ բան, ընտանեկան այս դրամաների մէջ ամենից շատ փաստում են այնպիսի այր ամուսիններ, որոնք ամենից քիչ արժանի են ատելութեան:

Որքան ազնիւ, աշխատասէր, բարի և զիջող է ամուսինը, այնքան աւելի մեծ վտանգ է նրան սպառնում դաւաճանող կնոջ կողմից:

Որքան շատ էր կինը մինչև այդ սիրում ամուսնուն, և որքան շատ էր նրա մէջ լաւ յատկութիւններ գտնում, այնքան սաստիկ է յետոյ ատում նրան և այնքան շատ է նրա մէջ գտնում վատ յատկութիւններ:

Սէրը սլակասութիւններն ու արատները դարձնում է առաքինութիւն, իսկ ատելութիւնը, ընդ-



հակառակը, առաքինութիւնը դարձնում է արատներ:

Եթէ այր ամուսինը հեղ և համբերատար է, նա դաւաճանող կնոջ աչքում բաց է ի բաց մի ապուշ է. եթէ նա խնայող է, կնոջ համար դառնում է ժլատ, կծծի:

Ամուսնական անհաւատարմութիւնից ծագած քրէական դրամաների մեծամասնութեան մէջ, դուն է ֆրանսիական դատարաններում, համոզմունք է կազմուում, որ վաստուած տղամարդը յաճախ բարի, աշխատասէր, իր ընտանիքին նուիրուած մի մարդ է, մինչդեռ կինը ծոյլ է, շատակեր, շոպլ և սաստիկ եսամոլ:

«Ես ինձ շատ եմ սիրում, քան իմ երեխաներին».— այս խօսքերը կարելի է համարել իւրաքանչիւր դաւաճանող կնոջ ոգու դրութիւնը բնորոշող խօսքեր:

Անսահման եսամոլութիւն— ահա ինչից է կազմուած նրա ամբողջ ոգին:

Նա չէ սիրում ոչ ամուսնուն, ոչ երեխաներին, ոչ ոքի չէ սիրում բացի իրանից՝ նոյն իսկ իր սիրեկանին նա սիրում է միայն իբրև հաճոյքների աղբիւր, այսինքն իբրև եսամոլութեանը բաւականութիւն տուող: Ի դէպ, այսպիսի ծայրայեղ եսամոլութիւն երևան է գալիս և այնպիսի կնոջ մէջ, որ բոլորովին խորթ է որ և է սիրալին չարագործութեան:

Այստեղ եսամոլութեան աղբիւրը պարզապէս

կնոջ անչափ հակումն է դէպի շոպլութիւն, արտաքին փայլ, զարդարանք:

Եւ այս հակումը յաճախ ընդունում է կատարեալ կրքի չափերը, որի անդունդների մէջ խեղդում են և՛ ամուսնական պարտաւորութիւնները և՛ մայրական սէրը: Ո՞վ չէ տեսել այնպիսի ամուսնացած կանանց, որոնք զգում են մայրական պարտաւորութիւններից և չեն ուզում երեխաներ ունենալ:

Խաբուած այր ամուսնու դրութեան ամենաողբալի կողմն այն է, որ, ինչպէս ասացինք վերևում, նա համարեա միշտ ամենից յետոյ է իմանում իր դժբախտութիւնը, մինչդեռ այդ դժբախտութեան մասին արդէն ամեն տեղ են խօսում:

Սովորաբար, մի որ և է դատարկ պատահականութիւն յանկարծ բաց է անում նրա առջև շշմեցնող դաւաճանութիւնը և այդ ընդմիջ նրա համար սկսում է կսկիծները, տատանումների. ների մի տանջալից շարք և նա կամ հանդարտ կերպով համոզուած է կամ այդ դրութիւնից թռիչք է գործում դէպի ծանր անյայտութիւն:

Փրանսիական հանճարեղ գրող Մոլիէրը, որ այնպէս կծու և ուրախ կերպով ծաղրում է իր կոմեդիաների մէջ խաբուած ամուսիններին, ինքն էլ իր կեանքի մէջ խաղացել է այդ դերը. նա գիտէր, թէ որպիսի խելացնոր կրքով էր վառուած իր ջահիլ կինը դէպի մի կոմս:

Մոլիէրը շատ անգամ բացատրութիւններ ունեցաւ իր կնոջ հետ, շատ խրատեց նրան, բայց



ամեն անգամ այդ կնոջ տեսքն անգամ, որին նա սիրում էր, ջարդ ու փշուր էր անում նրա ամբողջ վճռականութիւնը, հարկադրում էր մոռանալ այն խօսքերը, որ ուզում էր ասել նրան:

Սկսելով կշտամբանքներից և յանդիմանութիւններից, նա արագ ցածրացնում էր իր խօսելու եղանակը և վերջացնում էր նրանով, որ ազաչում էր իր կնոջը ներել իրան:

Ամենից յաճախ այր ամուսինը ներում է կնոջը ոչ թէ մեծահոգութիւնից, այլ պարզապէս այն պատճառով, որ մարմնաւոր, ֆիզիկական սէր է զգում գէպի նրան և չէ կարող հրաժարուել նրանից:

Տարաբախտաբար, սէրը առնասարակ քիչ է հաշտում սեփական արժանաւորութեան զգացմունքի հետ:

Միրահարուածը յաճախ այն մասին չէ մտածում, որ իր արժանաւորութիւնը պահպանէ, այլ այն մասին, որ կնոջը տիրած լինի, թէև դրանից փշրուեն իր բոլոր արժանաւորութիւններն ու առաքինութիւնները:

Որպէսզի արժանաւորութիւնը յազթանակէ և նուաճէ սէրը, պէտք է, որ նա սէրից ուժեղ լինի: Բայց այդպէս շատ յաճախ չէ պատահում:

Քրէական մի գործի մէջ, օրինակ, կայ այսպիսի մի նամակ, դաւաճանող կնոջից իր սիրեկանին. «Երբ ես երէկ երեկոյեան վերադարձայ տուն, իմ խեղճ ձերուկը (ամուսինը) պառկած էր անկողնում, նիրհում էր, բայց չէր քնած. նա

ամբողջ օրը ոչինչ չէ կերել. երբ ինձ տեսաւ, սկսեց լաց լինել երեխայի նման և ասում էր ինձ. «Եթէ դու դաւաճանում ես ինձ, խոստովանիր անկեղծօրէն, — և ես կներեմ քեզ»: Ես, ի հարկէ, սկսեցի երգում-հաւատ անել, որ երբէք մըտքովս չեմ անցկացրել նրան խաբել:

Տղամարդկանց այս թուլութիւնը գէպի իրանց կանանց դաւաճանութիւնը գլխաւորապէս հիմնուած է այն բանի վրայ, որ նրանք կապուած են կանանց հետ, սովորած են ամուսնական առաջատրին:

Կանայք շատ լաւ են իմանում իրանց ամուսինների այս թուլութիւնը:

Յափշտակուած քնքոյշ յիշողութիւններով, հնօգանդ ամենակարող սովորոյթին, տեսնելով և շոշափելով կնոջը նորից իր մօտ, վիրաւորուած տղամարդը այսպիսի պայմաններում աւելի հակուած է գէպի ներում և հաշտութիւն, քան ուրիշ որ և է պայմաններում:

Բայց աւանդ, տղամարդու ներումը միշտ չէ բերում այն պտուղները, որոնց վրայ նա յոյս ունէր:

Միանգամից քէֆի սովորած կնոջ զղջումը բոլորովին նման է արբեցողի զղջման:

Սեռաջին դաւաճանութիւնը բերում է իր ետակից ուրիշ դաւաճանութիւնների մի երկար պոչ: Ամուսնու ներումը կնոջ համար ուրիշ ոչինչ չէ, բայց միայն թուլութեան և «փալատութեան» նըշան:



Մօտք չկայ, որ մի քանի կանայք անկեղծ գղջման և դարձի են գալիս, մանաւանդ, ի հարկէ, այն զէպքերում, երբ նրանց կիրքը հանգել է և կարող են բոլորովին սառնասիրտ կերպով նայել իրանց վրայ:

Պատահում է, որ դառն գղջումը քայքայում է նրանց առողջութիւնը և երբեմն ինքնասպանութեան էլ է հասցնում:

18.

Սեպտեմբերի 25-ին.

Թանկագին բարեկամ.

Այժմ թողնենք մարդկութեան գեղեցիկ կէսը և տեսնենք տղամարդկանց:

Այստեղ մեր առջև բոլորովին մի և նոյն պատկերն է, մի և նոյն մանրամասնութիւններով, թէև, ի հարկէ, բոլորովին զրկուած չէ իր առանձնաշատուկ գծերից ու գոյներից:

Ոչ մի կասկած չկայ, որ իրապէս դաւաճան այր ամուսինների թիւը անհամեմատ աւելի շատ է, քան դաւաճան կանանց թիւը:

Ապացուցանել այս բանը թուանշաններով, ի հարկէ, անկարելի է: Բայց ամեն մէկը, որ ապրում է և ուշադրութեամբ նայում է իր շուրջը, բոլորովին համաձայն կլինի որ այսպէս է:

Այր մարդու սիրային փոփոխականութիւնը

բերում է իր ետևից նոյն հետևանքները. մի և նոյն ապակհանութիւնը, միևնոյն խաբէութիւնները, կեղծաւորութիւնը և լրբութիւնը, նոյնպէս ընտանեկան օջախի մոռացումը, նոյնպիսի ատելութիւն զէպի հարագատ երեխաները...

Դաւաճանող այր մարդի վատ վարքի առանձնայատկութիւնը գլխաւորապէս բղտում է այն բանից, որ տղամարդու սիրային կիրքը անհամեմատ աւելի խիստ է արտայայտուում իր զուտ մարմնային բնաւորութեամբ, քան կին մարդու կիրքը:

Տղամարդը աւելի բարձր աստիճանով որձ է, քան կինը—էգ: Առհասարակ, մարմնային կիրքը ծնեցնում է անզթութիւն: Դրա օրինակները կան պատմութեան մէջ, օրինակ, Տիբերիոսը, Ներոնը, կապոյտ Միրուք անունով յայտնի թագաւորը և ուրիշ շատերը:

Հէնրիխի աղջիկ Ելիզաւետան իր սիրածի գլխատման օրը զբաղուած էր մուգիկայով:

Պատմութիւնը լիքն է այդպիսի փաստերով, որոնք վկայում են թէ հեշտասիրութիւնը շաղկապուած է զազանային անզթութեան հետ: Պէտք է այն էլ նկատել, որ տղամարդը բնութիւնից լինելով պարզ, կոպիտ և ոչ այնքան խորամանկ, իր յանցաւոր կիրքն էլ արտայայտում է աւելի կոպիտ ձևերով:

Կարող է նոյն իսկ թուալ, թէ տղամարդը շիտակ և անկեղծ է իր մեղքերի մէջ և այս բանը, կարծես թէ, խօսում է նրա օգտին:



Տղամարդը կեղծաւորութիւն անուամ է աւելի կոպիտ և յաճախ, քան կինը, նա աւելի թոյլ վարպետ է կոմեդիաներ սարքելու մէջ, բայց պակաս էլ եռանդուն ստախոս չէ: Նա պատրաստ է ամեն տեսակ երգում ուտել կնոջ մօտ, որպէս զի տիրանայ նրան, իսկ տիրանալուց յետոյ իսկոյն մոռանում է այդ երգումները և անվրդով է պահում իր խիղճը: Որդանարս զո ըրմայ նա անանց որ և է տատանման խաբում է իր ամենալաւ բարեկամին, որպէս զի իր ձեռքը զցէ նրա կնոջը, քրոջը կամ աղջկան: Նոյնպիսի թեթեւութեամբ խաբում է նա և իր կնոջը և կեղծաւորութիւն է անում նրա առաջ, թաւալուում է նրա ոտներին մօտ, լաց է լինում, զղշում է, քնքշութիւններ է շուայում:

Իսկ այդ ժամանակ նա մի մարդ է, որ վաղուց է վճուել բաժանուել իր կէսից, և դրա համար չափում, կշռում է բոլոր միջոցները:

Չարմանալի չի լինի, թանկագին բարեկամ, եթէ այստեղ մենք նորից յիշենք մեր հերոսին, որ պատրաստում էր վերջ դնել իր կեանքին, երբ սիրահարուեց իր իղէալի վրայ:

Ինչպէս ասուած է վերևում, մեր հերոսը մեր ժամանակի գաւաղն է, մեր գաւաղն է, որի նման շատերը կան ամեն տեղ և իւրաքանչիւր քայլափոխում: Նա մեր հասարակութեան արգասիքն է, նա մեր կեանքի կազմակերպութեան գաւաղն է: Թէև ուշ, մեր հերոսը հասկացաւ, որ ամուս-

նացող տղամարդուց պէտք է կուսութիւն պահանջել:

Մեր հերոսը չէ էլ ուզում է ժանազին բարոյախօս լինել, նա այդ իղէալը իսկոյն չէ էլ պահանջում, նա համոզուած է, որ դա ընդհանուր երկարատե սօցիալական առաջադիմութեան գործն է և ուզում էր մեռնել, որպէս զի դառնայ «մի փոքրիկ քար սպառայ հրաշալի շինութեան համար»:

Ուրեմն յուսանք, որ ոչ-հեռաւոր, լուսատու սպառայում երկու մարդ, հանդիպելով իրար սիրոյ ճանապարհի վրայ, չեն հարցնի իրար. «դու կոյս ես, ո՞վ տղամարդ», «դու կոյս ես, ո՞վ կին»:

Այս հարցերը վերաւորում են սէրը:

Հանդիպելով և սիրելով իրար, երկու մարդիկ միմիայն կհարցնեն. «մաքո՞ւր է քո հոգին»:

Եւ արժէ վիճելի համարել, որ տղամարդը կնոջից և կինը տղամարդուց պիտի պահանջեն կուսութիւն և մարմնի, և հոգու, իսկ գլխաւորը՝ հոգու ազնուութիւն և մաքրութիւն:

Առողջ հոգին առողջ մարմնի մէջ:

Բանը այն չէ, թէ ունեցել է այս ինչ երիտասարդը կամ աղջիկը «անցեալ», այլ այն, դո՞ւրս է եկել նա կամ միւսը այդ անցեալից ազնիւ և մարդկայնացած:



19.

Հոկտեմբերի 1-ին.

Թանկագին բարեկամ.

Ճշմարիտ ամուսնութիւնը երկու էակների շողկապումն է, նրանց հոգիների և մարմինների ներդաշնակ միացումը:

Ամուսնական արարողութիւնը ինքը ամուսնութիւնը չէ, — դա միայն մի ձև է, որի միջոցով հասարակութիւնը տեղեկանում է, թէ այսինչ մարդիկ ուզում են ապրել միասին, միանալով ամենասերտ կապերով:

Մարդիկ բնագդամբ իմանում են, որ ոչ միայն ֆիզիկական բնութիւնը, այլ և հոգու զուտ անհատական և բարոյական տարրերը կատարեալ զարգացման հասնում են կապուած լինելով այն անձի հետ, որ իր էութեամբ միւս սեռի բոլոր անձինքներից ամենաթանկագինն է և ամենամօտիկը:

Կատարեալ ամուսնութիւնը, որ ներկայացնում է երկու անձինքների հոգիների և մարմինների կատարեալ միացումը, իսկապէս տանում է երկուսին դէպի կատարելագործութիւն:

Ինչ պակասում է մի անձի բնաւորութեան մէջ, լրացւում է միւսի բնաւորութեամբ, պա-

կասութիւններն ուղղւում են, որովհետև նրանց դատապարտում է սէրը. իստ գծերը շտկւում են:

Ինքնագապումը, համբերութիւնը, աշխատասիրութիւնը և ուրիշ շատ յատկութիւններ ծագում և զարգանում են. երկու անձնաւորութիւնների այս կատարեալ միացման մէջ հոգին իր բոլոր ընդունակութիւններով ստանում է մղում դէպի լիուլի զարգացում, կարգ և հասունութիւն:

Բարոյական շարժառիթները միշտ գերակշիռ կհանդիսանան այդ միութեան մէջ. նրանք կը դեկավարեն բոլոր ձգտումները և կհպատակեցնեն զգայնութեան պահանջները:

Բարոյական տարրի այս գերակշռութիւնը կը պահպանէ փոխադարձ յարգանքը, առանց որի սէրը երկարակեաց չէ:

Տղամարդու և կնոջ բոլոր միացումները չեն ներկայացնում կատարեալ կամ ճշմարիտ ամուսնութիւն, այսինքն թէ ֆիզիկական, թէ մտաւոր և թէ բարոյական միութիւն: Շատ և շատ միացումներ, ինչպէս ասել ենք, տեղի են ունենում միայն կրքին բաւարարութիւն տալու համար: Այսպիսի միացումները սէր չեն միացնում, այլ զգայնութիւն. և ամեն բան այդպիսի միացման մէջ ղեկավարում է ոչ թէ հոգին, այլ մարմինը:

Եւ այսպիսի ամուսնութեան հետևանքը միշտ կը լինի խանգարուած առողջութիւն և երջանկութեան բացակայութիւն:

Մարմնական, զգայնական միացումները մեծ մասամբ ամուսնութեամբ չեն վերջանում, որ ա-



ւելի ևս վատ է. թոյնը աւելի խոր է թափանցում և մեծ սօցիալական չարիք ստեղծում:

Աղջիկները պատմում են, թէ ինչպէս մարտը և անկեղծ էր ձևանում նա, ով ուզում էր հարկադրել հաւատալ, թէ ինքը սիրում է նրանց, ինչպէս նա ուսումնասիրել էր նրանց մտաւոր ճաշակները և աշխատում էր բաւարարութիւն տալ այդ ճաշակներին:

Ո՛րքան սիրուն և քնքոյշ էր երիտասարդի վարմունքը, որքան անփոփոխ էր նրա ուշադրութիւնը. որպիսի ճարպիկութեամբ կարողանում էր թազցնել իր դիտաւորութիւնները մինչև այն ժամը, երբ աղջիկը խոստովանում է նրան իր սէրը, իր իսկական սէրը, որ միայն դէպքի է սպասում՝ անդառնալի կերպով իրան գարթեցնողին նուիրուելու համար:

Եթէ այդ մարդը բարեխիղճ, ազնիւ լինէր, երկու էակները կարող էին միացնել իրանց ճակատագիրը և լինել երջանիկ, ու մարդկային ստորութեան, լրբութեան և անարգութեան զոհուող կանանց թիւը մէկով պակաս կը լինէր:

Տղամարդը, իմանալով, որ աղջիկը կատարելապէս հաւատում է իրան, խօսում է նշանադրութեան, ամուսնութեան մասին, ասում է թէ իրանք, այդ երկուսը, պիտի մօտիկ լինեն իրար, բացատրում է, թէ ինչպէս կը վարուէր «ճշմարիտ անձնուէր» կինը: Խեղճ աղջիկը իմանալով, որ իր սէրը ճշմարիտ և կատարեալ անձնուիրութիւն

է, հաւատացնում է նրան թէ ինքը յաւիտեան և անփոփոխ կապուած կլինի նրա հետ:

Այն ժամանակ տղամարդը փորձում է նրա սէրը և յաղթահարում է նրա առաքինութիւնը, պատասխանելով նրա բոլոր առաքինութիւններին և բողոքներին թէ նա չէ սիրում կամ թէ հաւատացնում է, որ բոլոր նշանադրուած զոյգերը ապրում են ամուսնացածների նման:

Կամ թէ սկսում է ցոյց տալ, թէ աղջիկը ինչ լաւ ազդեցութիւն ունի իր վրայ և հաւատացնում է, թէ առանց օրիորդի ինքը չէ կարող բարի լինել, խոստանում է երբէք չթուլացնել իր կապը նրա հետ. էլ ինչո՞ւ սպասել, ինչո՞ւ հէնց այժմ չը լինել միմեանց համար ամեն ինչ:

Եւ այսպէս, երկար ժամանակից և երկար ջանքերից յետոյ, մի յամառութեամբ, որ արժանի էր մի աւելի լաւ նպատակի, տղամարդը հասնում է իր ցանկութեան կատարման:

Աղջիկը զիջում է նրան, որովհետեւ թւում է, որ պիտի զիջէ:

Նա գիտէ, որ սիրում է տղամարդին և պատրաստ է ամեն մի զոհ տալ, որպէս զի նա բարի լինի, որպէս զի ապացուցանէ, թէ որքան խոր է իր սէրը: Մի րոպէ նա չէ կասկածում, որ տղամարդի սէրն էլ նոյնքան հզօր ու մաքուր է, ինչպէս իրանը, որ տղամարդը երբէք չի թողնի իրան: Այս պատմութեան վերջաբանը միշտ աւելի



լաւ յայտնի է հասարակութեան, քան այն մասը, որ մենք պատմեցինք այստեղ:

Աղջկան հեռացնում և վատաբանում են ընտանիքն ու ծանօթները, հասարակութիւնը ատում է նրան, ամեն մի արկածախնդիր վազում է նրա ետևից, համարելով նրան մի հեշտ որս իր անասնական զգայնութիւնը գոհացնելու համար և, որ ամենից վատն է, նրան երեսի վրայ թողնում է այն տղամարդը, որին աղջիկը գոհ էր բերել այն ամենը, ինչ թանկ էր նրա համար:

Ահա կեանքի դրամաներից մէկն էլ. ինչպէս չը յուզուել, տեսնելով նրա փշրուած սիրտը, փշրուած յոյսերը, փշրուած կեանքը:

Անարդարութիւնը այնքան մեծ է, որ երբ կը հանդարտուի առաջին բոպէից ծագած վրդովմունքը, խաբուած աղջիկը կը տեսնէ, որ իրան խաբողը ընդունուած է այն իսկ հասարակութեան մէջ, որի գոհերը ընդմիշտ փակուած են իր, այդ խաբուածի առջև, չը նայած, որ իսկապէս նա խաբողից շատ արժանաւոր է:

Այսպէս է ժամանակակից կեանքը: Ամբողջ չարիքը առաջանում է նրանից, որ թէ աղջիկները և թէ տղաների դեռահաս սերունդը անկանոն կըթութիւն է ստանում, կամ, աւելի ճիշտն ասած, ոչինչ կըթութիւն չէ ստանում:

Մեծ կլինի ծնողների երախտիքը, եթէ նրանք կարողանան իրանց զաւակների բոլոր կրքերը սանձահարել մանկութիւնից:

Թող ներուի ասել, որ աղջիկները պարտա-

ւոր են հասկանալ, թէ կիրքը, այսինքն ֆիզիոլոգիական գրաւչութիւնը, սիրոյ մի մասն է կազմում, բայց շիթւում է այն սիրոյ հետ, որ մի յայտնի մարդու կին դառնալու ցանկութիւնն է զրգոում: Նրանք պարտաւոր են հասկանալ, որ կիրքը մի օրինաւոր բնագոյ է, որից չպէտք է ամաչել, եթէ նա չէ անցնում իր սահմաններից դէն. ինքը բնութիւնն է նրան դրել մեր մէջ, ինչպէս և բոլոր մեր միւս բնագոյները:

Այդ բնագոյին բաւարարութիւն տալը պատճառ է դառնում, որ աշխարհ գան նոր մարդկային էակներ, որոնց վիճակուած է ժամանակին տանջուել և ուրախանալ:

Աղջիկը պիտի լաւ յիշէ, որ այդ բնագոյին բաւարարութիւն տալու ժամանակը կը գայ այն միջոցին, երբ նրա սիրած տղամարդը այս կամ այն կերպով կը յայտարարէ հասարակութեան, թէ միտք ունի նրա ամուսինը դառնալու և բացարձակ կերպով նրան իր կինը կը ճանաչէ: Իսկ եթէ տղամարդը կը խոստանայ ամենքի առաջ կին ճանաչել նրան միայն այն ժամանակ, երբ արդէն ստացած կը լինի նրա սիրոյ ապացոյցը,—այդ դէպքում նա, աղջիկը, պիտի ասէ նրան, որ եթէ նա այնքան քիչ է մտածում աղջկայ ցանկութեան և հանգստութեան մասին, հազիւ թէ մտածէ և իր խոստումը կատարելու մասին: Մեծ մատամբ այսպէս էլ լինում է:

Տղամարդիկ քիչ են ամուսնանում (չը նայած այն բանին, խոստացել են թէ ոչ) այն-



պիսի աղջիկները հետ, որոնք առաջ արդէն նրանց կինն են եղել:

Հաւ իմանալով այս փաստը, աղջիկները քիչ սխալուած կը լինեն այն տղամարդկանց զգացմունքի բնաւորութեան վերաբերմամբ, որոնք նրանց սէր են յայտնում. այսպիսով էլ աղջիկները շատ քիչ դէպքերում կը լինեն կեղծ ճանապարհի վրայ:

Նրանք կհասկանան ամենաքնքրոյշ խօսքերի շարժառիթը, երբ այդ խօսքերի մէջ չար դիտաւորութիւն կայ. երբէք սէրը նրանց այնքան չի կապկապի-փաթաթի, որ այլ ևս անհնար լինի կրտսրել այն շղթան, որ կապում է նրանց մի անարժան մարդու հետ:

Ի դէպ. կան միջոցներ հաւատարելու և հանգստացնելու այն փոխադարձ կրքոտ զրաւչութիւնը, որ զարգանում է սեռային հասունութեան շրջանում. դրանցից մէկն է հասարակական կեանքի բարձր սօցիալական և բարոյական երևոյթիւնների մէջ մասնակցութիւն ունենալը. էլ չենք խօսում կեանքի եղանակը փոխելու մասին, ճանապարհորդութիւնների և այլ այդպիսի բաների մասին:

Կասկած չկայ և պէտք է հաւատալ, թանկագին բարեկամ, որ այս բոլորի խելացի ըմբռնումը չի վրասի այն համեստութեան և մաքրութեան, որոնք այնպէս զարգարում են աղջկայ հոգին, չի ոչնչացնի իդէալական գծերը նրա բնաւորութեան մէջ:

Սրանից չպէտք է վախենալ. լուրջ հայեացքը այս յարաբերութիւնների մասին աղջկայ օգտին կը ծառայէ և կուժեղացնէ նրա բարոյական քաջութիւնը և ինքնագաստումը:

Չիմանալը անմեղութիւնն չէ և չէ կարող առաքինութիւն պահպանող լինել. թող գէթ մի աղջիկ ազատուի կեղծ քայլից. . .

---

Իմ նամակների վերջում ես ինձ թոյլ կտամ, լուսարանութեան համար, բերել մի համառօտ պատմուածք: Դրա նիւթը ամերիկական «Վանքր թէ կին» պատմուածքն է, որ ես քիչ փոփոխել եմ:

Պէտք էր մահուան պատժի ենթարկել մի ոճրագործի:

Դատապարտուածին բերին հանդիսարանը, ուր դրուած էին երկու ծածկուած վանդակներ. մէկի մէջ գտնուում էր մի սոված վագր, միւսի մէջ մի կին, որ այդ երկրի ամենագեղեցիկ աղջիկներից մէկն էր:

Ոչ ոք չգիտէր, թէ որ վանդակումն է վագրը և որի մէջ է կինը: Գիտէր միայն մէկը, որ սիրում էր դատապարտուածին. դա թագաւորի աղջիկն էր: Իսկ վանդակում փակուած կինը նրա ընկերուհին էր: Այս կինն էլ սիրում էր դատապարտուածին, սակայն փոխադարձաբար չէր սիրուած նրանից:



Երկրի սովորութիւնն այնպէս էր, որ թագաւորի աղջիկը պիտի ցոյց տար, թէ որ վանդակը պիտի բաց անել: Եթէ նրա ցոյց տուածը վագրի վանդակն էր, այն ժամանակ սոված գազանը, դուրս գալով իր արդելարանից, պատանոտում էր դատապարտուածին. իսկ եթէ թագաւորի աղջիկը մատնացոյց էր անում կնոջ վանդակը, այն ժամանակ դատապարտուածը ազատուում էր մահից և պիտի ամուսնանար վանդակի կնոջ հետ:

Եւ անա թագաւորի աղջկայ առաջ դրուած է մի ծանր հարց: Դատապարտուածը նրա սիրահարն է: Ի՞նչ անել: Եթէ ցոյց տայ վագրի վանդակը, այդ սիրահարը պիտի ոչնչանայ ամենի գազանի ճիրաններում. իսկ եթէ միւս վանդակը ցոյց տայ, այդ դէպքում նոյն սիրահարը պիտի ամուսնանայ սիրոյ մէջ իրան հակառակորդ հանդիսացող ընկերուհու հետ:

Արդեօք ի՞նչը պիտի գերադասէր թագաւորի աղջիկը իր սիրած մարդու համար—գազանի ճիրանները, ուր նա պիտի մահ գտնէր, թէ գեղեցիկ աղջկայ գիւղը, ուր նա պիտի ապրէր:

Դատապարտուածը բարձրացրեց իր աչքերը և իր սիրած ու իրան սիրող աղջկայ դէմքի վրայ ուզում էր կարդալ իր վճռագիրը:

Եւ նա, թագաւորի աղջիկը, նշան արաւ ու վանդակներից մէկի դուռը բացուեց:

Ի՞նչ էր սպասում դատապարտուածին:

Արդեօք թագաւորի աղջիկը տանջալից և անզուլթ մահուան գիւղը նետեց նրան, որին սիրում

էր: Իրաւունք ունէ՞ր նա մի անգուլթ, եսամոլ հարուածով կտրել թանկագին կեանքի թելը:

Իրաւունք ունէ՞ր նա այդ անելու ուրիշների և իր սեփական խղճի առաջ, այն անմահ սկզբունքի առաջ, որ յաւիտենական կեանք է ստեղծում:

Եւ ի՞նչ պիտի թելադէր նրան սիրող սիրտը. կարո՞ղ էր նա տալ իր սիրածին մի ուրիշ կնոջ, որ նոյնպէս նրան սիրում էր: Ի՞նչ պիտի անէր իր համար և նրա համար, որպէս զի արդար լինէր:

Սպանել սիրածին մի անգուլթ, եսամոլ հարուածով, թէ... մի երկարատև ստրկութիւն ստեղծել նրա համար, նետելով նրան մի կնոջ գիւղը, որ թէև ամենագեղեցիկներից մէկն էր, բայց չէր վայելում նրա սէրը:

Ազատել դատապարտուածին: Դնել նրա ազատ և հպարտ հոգու մէջ այն տանջող գիտակցութիւնը, թէ նրան տրուում է մի կեանք, որ զնուած է նրա ազատութեան գնով, այն գիտակցութիւնը, թէ մի ուրիշ, օտար կնոջ ռոտների մօտ է նետուած նրա ազատ, սիրող սիրտը, փոխանակ մեռնելու այն կնոջ համար, որին սիրում է:

Ըստ երևոյթին, դատապարտուածը այսպէս կարող էր ներկայացնել իրան, թէ ինչ է կեանքի միաքն ու գեղեցկութիւնը:

Միւս կողմից, չկայ կեանքի մէջ մարդուց ուժեղ ոչ մի բան, երբ նա ուզում է լինել ազատ և հուժկու: Նա միայն պիտի հասկանայ, որ իրանից ուժեղ ոչինչ չկայ, և երբ միանգամից հաս-



կացաւ այդ, այլ ևս ոչ ոք և ոչինչ չէ կարող արդեւք կամ ցուցմունքներ տուող հանդիսանալ նրա համար:

Լինել այն, ինչ ինքն է, հաւատալ և մտածել այնպէս, ինչպէս ինքն է կարող, — մի՞թէ սա այնքան դժուար է, մի՞թէ սա անկարելի է ամեն տեսակ հանգամանքների և պայմանների մէջ:

Ուրեմն, որն է լաւ. ի՞նչ դատաւճռի էր սպասում դատապարտուածը. ի՞նչ էր պահանջում նրա հպարտ ու ազատ հոգին, որ խելացնորութեան չափ սիրահարուած էր. արդեօք մի հպարտ, իր ազնուութեամբ վեհ մահ սիրածի համար թէ «առանց կեանք կեանքի» ողորմելի փշրանքներ: Ինչի՞ մէջ էր ուզում դատապարտուածը կարգալ ճշմարիտ սիրոյ դատաւճիռը:

Իսկ ի՞նչ էր ուզում սիրող արքայազուստը. սպանեց թէ ստրուկ դարձրեց իր սիրած տղամարդին:

Ի՞նչ տանջանք նշանակեց. արդեօք փառաւոր մահուան տանջանքը, թէ ողորմելի, ստորացրած, բաշխուած կեանքի տանջանքը...

Եւ այսպէս, ի՞նչ դատաւճիռ կարգաց դատապարտուածը իր սիրած աղջկայ աչքերում...

Մահ թէ կեանք...

Ազատութիւն թէ ստրկութիւն:

Ի՞նչ է սիրելը. այն, որ խելացնորի պէս սիրող մարդուն թոյլ տալ, որ ծուլատէ գազանը, թէ զցել նրան բախտաւոր հակառակորդուն իշխանութեան տակ:

Օ՛, սէր, որքան տանջանքներ և որքան երջանկութիւն ես դու բերում մարդկութեան...

Դու աշխարհի ոյժն ես:

Դու տալիս ես մեծագոյն երջանկութիւնը և մեծ վիշտը. քո մէջ լսում է երկնքի ձայնը, մի ձայն, որ թռչում է այնտեղից, ուր շողշողում է յաւիտենական ճշմարտութիւնը...

Դու կեանքի գրաւականն ես:

Դու միացնում ես ամեն ինչ և ստեղծում ես ամեն բան: Դու լուսաւորեցիր սխալների և խարդախութեան մեր երկրային ճանապարհը հանձարների փայլուն շողերով, որպէս զի մարդկութիւնը առաջ գնայ:

Սէրը աշխարհի հոգին է. նա էլ ասում է հոգուդ, որ աշխարհային կեանքը մի է եւ դու, և թէ սիրում ես եւ սիրուած ես, մենակ չես այդ կեանքի մէջ...


Վ Ե Ր Ձ





Handwritten text at the top of the left page, likely bleed-through from the reverse side.

Main body of handwritten text on the left page, appearing as bleed-through from the reverse side. The text is mostly illegible due to fading and bleed-through.





-p.

ՀՀ Ազգային գրադարան



NL0596958



